

(উপন্যাস ।)

শ্রীদামোদর যুথোপাধ্যায় প্রণীত ।



কলিকাতা ;

১১ নং সিমলা স্ট্রীট্, ভবনস্থ

নূতন সংস্কৃত যন্ত্রে

শ্রীযুক্ত এইচ, এম, যুথোপাধ্যায় এবং কোম্পানি কর্তৃক

মুদ্রিত ও প্রকাশিত ।

PRINTED BY H. M. MUKHERJI & Co.

AT THE NEW SANSKRIT PRESS.

11, SIMLA STREET,

CALCUTTA.

উপহার।

সোদর-প্রতিম আত্মীয় এবং অভিন্ন-হৃদয়

বান্ধব

শ্রীযুক্ত ভোলানাথ ঘোষের

চিরপ্রেমময় নাম

এই গ্রন্থ-শিরে অতি সমাদরে সংযোজিত হইল


এবং

অকপট প্রীতির নিদর্শন স্বরূপে ইহা

উহারই উদ্দেশে

গ্রন্থকার কর্তৃক

উৎসর্গীকৃত হইল।



Sight hateful ! sight tormenting ! thus these two,
Imparadis't in one another's arms,
The happier Eden, shall enjoy their fill
Of bliss —"

—Paradise Lost.

হাসিতে হাসিতে, হুলিতে হুলিতে, চন্দ্রমা আকাশ-সমুদ্রে ভাসিতে
ভাসিতে কে জানে কোথায় ঘাইতেছে ; অসংখ্য তারকা-রাশি প্রফুটিত
প্রহ্নন সমূহের ছায় সন্ধে সন্ধে ধাইতেছে । সরস বসন্ত-বায়ু নাচিতে
নাচিতে, নাচাইতে নাচাইতে ছুটাছুটি করিতেছে । রজনী শুভ্রা ।
পৃথিবী, আর্ধ্য-বিধবা পৌরকামিনীর ছায়, শুক্রাশ্বর বিশোভিতা ।

এই রূপ সময়ে যুবক-যুবতী এক পরম রমণীয় উদ্যান যথাস্থ সরো-
বর-তীরে বসিয়া আছেন । সরোবর-তীরে মর্শ্বর প্রস্তরের অতি মনো-
হর সোপানাবলী ; সেই সোপানে যুবক-যুবতী উপবিষ্ট—তাঁহাদের
পদ-নিরে সরসীর স্ননির্মল বারিরাশি । নরনী-বক্ষে চন্দ্রমা হাসিতে
হাসিতে ভুবিতেছে, ভাসিতেছে, ঘোড়িতেছে, আবার হির হইতেছে ।
বালক খেলিতে খেলিতে, ক্রান্ত হইয়া, যেমন এক একবার হির ছা, হির

হইয়া সঙ্গীদের প্রতি যেমন এক একবার চাহে, চক্ষুমা যেন সেই রূপ
 হির হইয়া, সেই রূপ চাহিতেছে। উদ্যানস্থ প্রকৃতিত কুম্ভম সমূহ
 দাতার সম্পত্তির স্থায়, স্ব স্ব সুরভি-রাশি অকাতরে বিলাইতেছে। বায়ু,
 পুষ্পরাশি লইয়া বড় রঙ্গ করিতেছে। একটি বিকসিত গোলাপকে
 শাখাসহ অবনত করিয়া, পার্শ্বস্থ অপর গোলাপের গায়ে কেলিয়া
 দিতেছে। গোলাপদ্বয়, যেন 'ছিঃ! কর কি?' বলিয়া, সলাজ হাসির
 সহিত বিপরীত দিকে সরিয়া যাইতেছে। বায়ু সকলেরই আত্মীয়; নীচ
 বা মহৎ, বায়ু কাহাকেও উপেক্ষা করে না। বায়ু কখন দরিদ্রের
 কুটীরে গিয়া তাহার কাঁপ নাড়িতেছে, বা তাহার ছিন্ন কছা ছলাই-
 তেছে; কখন বা ধনীরা প্রাসাদে গিয়া তাহার ঝাড়ের কলম বাজাই-
 তেছে, বা তাহার সাদীর কবাট ঠেলিয়া ভিতরে উকি মারিতেছে;
 কখন পুস্তকরাশি-পরিবৃত লেখকের প্রকোষ্ঠে গিয়া তাহার লিখিত
 কাগজ-স্তুপ একটি একটি করিয়া চুরি করিতেছে, বা তাহার অধীতমান
 পুস্তকের পাতা উণ্টাইয়া দিতেছে; কখন বা ধীরে ধীরে পূর্ব-মধ্যে
 প্রবেশ করিয়া, চিন্তা-মগ্না নবীনার অলক-দাম নাচাইতেছে বা তাহার
 বস্ত্রাদি স্থানভ্রষ্ট করিয়া তাহাকে ব্যতিব্যস্ত করিতেছে। অদ্য সুরসিক
 বায়ু, মনোহর চন্দ্র-রশ্মিতে গা ঢালিয়া, হাসিয়া হাসিয়া বেড়াইতেছে।
 যে স্থানে শুবক-শুবতী বসিয়া আছেন, বায়ু তথায় গিয়া একের বস্ত্র
 অপরের সহিত মিশাইয়া দিতেছে, নবীনার আলুলায়িত কুম্ভলরাশি
 শুবকের পৃষ্ঠে কেলিতেছে এবং উভয়ের বস্ত্র সরসীজলে কেলিয়া ভিজাইয়া
 দিতেছে। শুবক-শুবতী কথোপকথনে বিনিবিষ্ট; কিন্তু, কি জানি
 কেন, সহসা তাঁহাদের কথাবার্তা কাণ্ড হইল। অনেক কণ পরে
 শুবতী বিজ্ঞাসিলেন,—

“মামুষ মরিলে কি হয় যোগেন্দ্র?”

যোগেন্দ্র সবিস্ময়ে কহিলেন,—

“এ কথা কেন বিনোদিনী?”

বিনোদিনী ধীরে ধীরে নভোমণ্ডলের ঐতি নেত্রপাত করিয়া কহিলেন,—

“আমি যদি মরি ?

“কেন বিনোদ ! তোমার মনে এ তৃষ্ণিতা উপস্থিত হইল কেন ?”

“কি জানি, অদৃষ্টের কথা ত কিছু বলা যায় না । যদিই মরি, তাহা হইলে কি হইবে, তাহাই তোমাকে জিজ্ঞাসা করিতেছি ।”

যোগেন্দ্র বলিলেন,—

“তুমি একা মরিতে পার না, তোমার মৃত্যুর সহিত আর এক জনের মৃত্যু দৃঢ়-সম্বন্ধ । তুমি মরিলে সেও মরিবে, পরে উভয়ে অনন্ত জীবন লাভ করিয়া অক্ষয়-স্বর্গ ভোগ করিবে ।”

বিনোদিনী ঈষৎক্লেষে কহিলেন,—

“কে সে জন ?”

“সে কে তুমি জান না ? সে ভাগ্যবান ব্যক্তি তোমার সম্মুখেই উপস্থিত ।”

বিনোদিনী মুখে কাপড় দিয়া খিল খিল হাসিতে হাসিতে বলিলেন,—

“তুমি!!!”

“কেন, আমাকে তোমার বিশ্বাস হয় না ?”

“না, তুমি বড় হুট । দেখ দেখি তোমার কি অশ্রুয় কথা । তুমি সেবার যখন কলিকাতায় যাও, আমার সঙ্গে লও নাই । আমি কাঁদিয়া কাঁদিয়া খুন্ । তুমি সপ্তাহ পরে স্বয়ং আসিয়া আমাকে সঙ্গে করিয়া লইয়া গেলে । তাহার পর হইতে আমরা একবারও কাছ ছাড়া হই নাই । আজ আবার তুমি আমার কেলিয়া যাইবার কথা বলিতেছ । যাও, কিন্তু আমার শাপ লাগিবে ; যেন তিন দিনের মধ্যে তোমাকে অধীর হইয়া ছুটিয়া আসিতে হয় ।”

যোগেন্দ্র বলিলেন,—

সুবক-সুবতী চমকিয়া উঠিলেন। বিনোদিনী সমস্ত ভাবে কহিলেন,—

“কেও—দাদি—তবু রক্ষা!”

দাদি কহিলেন,—

“বিনি! তোর কি একটুও লজ্জা নাই?”

বিনোদ যন্তুকে কাপড় দিয়া ষোগেশ্বরের নিকট হইতে অনেক দূরে সরিয়া বসিলেন। ষোগেশ্বর বলিলেন,—

“ঠাকুরকি! তোমার সাক্ষাতে আবার লজ্জা কি?”

ঠাকুরকি কমলিনী দীর্ঘ নিশ্বাস ছাড়িয়া বিনোদিনীকে কহিলেন,—

“বিনি! মা তোকে সেই অবধি ডাকছেন। বিরা কোথাও তোর দেখা পেলেন না। মাষ্টার মহাশয় হবার তোর খোঁজ করেছেন।”

বিনোদিনী বিনা বাক্য-ব্যয়ে সে স্থান হইতে প্রস্থান করিলেন।



দ্বিতীয় পরিচ্ছেদ ।

দুরাশা ।

“Me Miserable ! —————”

—Paradise Lost.

বিনোদিনী প্রস্থান করিলে কমলিনী বেত-প্রস্তর বিনির্মিত সরসী-সোপানে রাজ-রাজ-মোহিনীরূপে উপবেশন করিলেন । শুভ্র চন্দ্র-রশ্মি, ক্রীড়াশীল বসন্ত বায়ু, প্রফুল্লিত কুমুমাবলী, প্রশান্ত সরসী-বারি, শোভা-ময়ী প্রকৃতি, কমলিনীর আগমনে যেন সকলই সমধিক সমৃদ্ধ হইল । সেই শোভাই শোভা, যাহা নিজ-গুণে পরের শোভা বর্দ্ধন করিতে সমর্থ ; সেই শ্রীই শ্রী, যাহা অচেষ্টিত ভাবে সন্নিহিত পদার্থের শ্রী-সম্বন্ধান করে ; সেই সৌন্দর্যই সৌন্দর্য, যাহা আপনি না যাতিয়া পরকে মাতাইতে সক্ষম । কমলিনী সেই স্থানে চিন্তিত, ব্যথিত ও কথঞ্চিৎ জুহুভাবে উপবেশন করিলেন । তাঁহার হৃদয়ের ভাব বাহাই হউক, প্রকৃতি তাঁহার আগমনে প্রকুল হইল ।

যোগেন্দ্র যেখানে বসিয়াছিলেন সেই স্থানেই রহিলেন, কমলিনী করেক স্তর উর্ধ্ব সোপানে উপবেশন করিলেন । তিনি যেন যোগেন্দ্রকে কি বলিবেন মনে করিতে লাগিলেন ; কিন্তু, কি জানি কেন, পারিলেন না । তাঁহার হৃদয়-গগনে, কি তাড়িত-প্রবাহ ছুটিতে ছিল কে বলিতে পারে ? কে জানে বিধবা কি ভাবিতেছিলেন !

যোগেন্দ্র বহুক্ষণ অন্য দিকে মুখ করিয়া অন্য মনে বসিয়া রহিলেন । ক্রমে স্মরণীয় মুখের সে পঙ্কজভাব তিরোহিত হইল । যোগেন্দ্র উঠিয়া দ্বিলাসিলেন,—

“কমল ! তুমি কি এখানে বসিবে ?”

কমল কোন উত্তর না দিয়া যোগেন্দ্রের মুখের প্রতি চাহিলেন । দেখিলেন, কৈ যোগেন্দ্রের মুখে তাঁহার মত ভাবনার চিহ্ন নাই ত ! অবনত মস্তকে কহিলেন,—

“না, বইস—এক সঙ্গে যাইব ।”

যোগেন্দ্র বসিলেন । জিজ্ঞাসিলেন,—

“কমল, কি ভাবিতেছ ?”

কমল যেন কি বলিতে গেলেন ; আবার সাবধান হইয়া বিষণ্ণ স্বরে বলিলেন,—

“না”—

যোগেন্দ্র বলিলেন,—

“তুমি বল বা নাই বল, আমি বেশ বুঝিতে পারি, ইদানীং কিছু কাল হইতে তুমি কি ভাবিয়া থাক । তুমি বাল-বিধবা । আমাদের সমাজে বিধবার ন্যায় ক্রেশ আর কাহার ? এই ভাবিয়া হুই যখন পূর্বে তোমার বিবাহের জন্য আমি অত্যন্ত ব্যস্ত হইয়াছিলাম । তুমি তখন সর্কদা হাদিতে—আনন্দ তোমার সর্কাকে মাথা থাকিত । তুমি কোন ক্রমেই বিবাহে সম্মত হইলে না । আমিও ভাবিলাম, বিধবার বিবাহের প্রধান প্রয়োজন, তাহার ক্রেশ নিবারণ ; তাহার ক্রেশ নাই, তাহার বিবাহ না হইলেও চলে । কিন্তু এবার বাটী আসিয়া অবধি দেখিতেছি তোমার মনের শান্তি, তোমার আনন্দ, আর ভেয়ান মাই । কিন্তু কমলিনি ! তোমার ক্রেশের কথা শুনিতে আমার কি কোন অধিকার নাই ?”

কমলিনী নীরব । একবার যোগেন্দ্রের মুখের প্রতি চাহিলেন, আবার মস্তক দিনত করিলেন । যোগেন্দ্র দেখিতে পাইলেন না—কমলিনীর চক্ষে হুই বিস্ম অক্ষ সমাবিষ্ট হইল । যোগেন্দ্র আবার বলিলেন,—

“কিন্তু আমার বোধ হয়, তোমার ক্রেশ সামান্য না হইবে । ঘাহাই হউক, কমলিনি ! আমার দ্বারা তোমার ক্রেশ কি কোন ক্রমে বিদূরিত হয় না ?”

কমলিনী ধীরে ধীরে বলিলেন,—

“হয় ; ভূমি—”

কথার শেষ ভাগ যোগেন্দ্র শুনিতে পাইলেন না । তিনি কহিলেন,—

“তবে বল কমল, আমাকে তোমার মনোবেদনা জানিতে দেও ।”

কমলিনী বহুক্ষণ নীরব থাকিয়া রোদন-বিজড়িত স্বরে বলিলেন,—

“আমি কেন মরিলাম না ?”

যোগেন্দ্র বুঝিলেন, কমলিনী রোদন করিতেছেন । নিকটস্থ হইয়া কাতর ভাবে জিজ্ঞাসিলেন,—

“কমল, ভূমি কাঁদিতেছ কেন ?”

কমল মুখ তুলিলেন । দেখিলেন যোগেন্দ্রের বদনে যথার্থ সহানুভূতির চিহ্ন প্রকটিত । চক্ষের জল বন্ধ হইল । কি বলিবেন মনে করিলেন, কিন্তু বলিতে পারিলেন না ; আবার মস্তক বিনত করিলেন । যোগেন্দ্র পুনরায় প্রশ্ন করিলেন,—

“বল কমল, কি করিলে তোমার এ ঘটনার অবসান হয় ?”

সহসা কমলিনী পাগলিনীর ন্যায় উঠিয়া দাঁড়াইলেন এবং ঘোর মর্শ্ববিদারক স্বরে কহিলেন,—

• “হার ! এ পাপ ভ্রাশা কেন হইল ?”

যোগেন্দ্র সবিস্ময়ে স্তম্ভরীর বদনের প্রতি চাহিলেন, কিন্তু কথা শেষ হইবা মাত্র কমলিনী বেগে ভবনোদ্দেশে প্রস্থান করিলেন । যোগেন্দ্র বহুক্ষণ সেই দিকে চাহিয়া রহিলেন । অবশেষে দীর্ঘ নিশ্বাস হইয়া বলিলেন,—

“কমল কি পাগল হইল ?”

তিনি ঘোর চিন্তিতের ন্যায় সেই স্থানে বসিয়া রহিলেন ।

উপস্থিত উপাখ্যান মধ্যে আর অধিক দূর অগ্রসর হইবার পূর্বে তৎসংক্রান্ত প্রধান ব্যক্তিগণের কিঞ্চিৎ পরিচয় প্রদান করা বিধেয় । আমরা এখানে তাহাতেই প্রবৃত্ত হইতেছি ।

বীরগামে রামনারায়ণ রায় নামক একজন অতুল সম্পত্তিশালী লোক বাস করিতেন । তাঁহার দুই কন্যা ; কমলিনী ও বিনোদিনী । কমলিনী ষখন অষ্টম বর্ষ বয়স্ক। তখন কলিকাতার রাধাগোবিন্দ চট্টোপাধ্যায় নামক এক সমৃদ্ধিশালী সচ্চরিত্র যুবকের সহিত তাঁহার বিবাহ হয় । বিবাহের বৎসরদ্বয় পরে রাধাগোবিন্দ কাল-কবলিত হইলেন । দশম বর্ষ বয়স্ক কালে শরদেনুনিভাননা কমলিনী দারুণ বৈধব-চক্রে নিবদ্ধা হইলেন । রাধাগোবিন্দের যথেষ্ট সোপার্জিত সম্পত্তি ছিল । তাঁহার জীবনান্ত সহ, কমলিনী তৎসমস্ত সম্পত্তির অধিকারিনী হইলেন । কিন্তু কমলিনী ধনবান-তনয়া ; সুতরাং, তিনি তাঁহার স্বামীর অর্জিত সম্পত্তির উত্তরাধিকারিনী হইলেও, তাহা গ্রহণ ও অধিকার করিতে তাঁহার প্রবৃত্তি ছিল না । কমলিনীর পিতা রামনারায়ণ রায়ও সে সময়ে মনোযোগী ছিলেন না । রাধাগোবিন্দের জীবন-বিয়োগ কালে তাঁহার স্ত্রী রাধা-সুন্দর চট্টোপাধ্যায়ের একটি এক বৎসর বয়স্ক পুত্র ছিল । সেই পুত্র এবং তাহার সম্ভাবিত ভ্রাতৃগণ এই সম্পত্তির উত্তরাধিকারী হইবে, ইহাই সকলের অভিপ্রায় ছিল, কিন্তু কাহারও মুখ হইতে সে অভিপ্রায় স্তূর্তি পায় নাই । এই সকল কারণে বিধবা হইয়াও রাধাগোবিন্দের স্বসম্পর্কীয় ব্যক্তিগণের সহিত কমলিনীর যথেষ্ট আত্মীয়তা ছিল । কমলিনীর বাতা, আপনার সম্ভানেরা কমলিনীর সম্পত্তি পাইতে পারে, এমন আশা করিতেন । সেই কারণেই হউক, বা অন্য যে কারণেই হউক, তিনি মধ্যে মধ্যে মিত্যস্ত বস্ত্র করিয়া কমলিনীকে আনিয়া কলিকাতার রাধিতেন এবং কখন কখন তাঁহার পুত্র নীলরত্নকে কমলিনীর নিকট থাকিবার নিমিত্ত বীরগামে পাঠাইয়া দিতেন ।

কমলিনীর বিবাহের সমসাময়ই রামনারায়ণ রায় বিনোদিনীর সহিত বিবাহ দিবার নিমিত্ত যোগেন্দ্র নাথ মুখোপাধ্যায় নামক এক নিষ্ঠ-মাতৃ-হীন, নিরাশ্রয় কুলীন-সন্তানকে নিজগৃহে রাখিয়া প্রতিপালন করিতে আরম্ভ করেন। বিনোদিনী তখন পাঁচ বছরের এবং যোগেন্দ্র বার বছরের। উভয়ে এক স্থানে অবস্থান করায় ও একত্র প্রতিপালিত হওয়ায়, পরিণামে এই বিবাহ বড় সুখের হইয়া উঠিল। বিনোদিনীর বয়স যখন আট বৎসর তখন যোগেন্দ্রের সহিত তাঁহার বিবাহ হইল। যোগেন্দ্র বৃদ্ধ রামনারায়ণ রায় ও তাঁহার গৃহিনীর পূত্রাধিক যত্নের সামগ্রী হইলেন, কমলিনীর পরম সুন্দর হইলেন এবং বিনোদিনীর হৃদয়ের সখা, মনের আনন্দ এবং হাসির ভাণ্ডার হইলেন। যোগেন্দ্র বিদ্যাও যথেষ্ট অর্জন করিলেন; কিন্তু তাঁহার অদম্য জ্ঞান-ভূষণ কিছুতে নিবৃত্ত হইবার নহে। ইংরাজি ও সংস্কৃত ভাষায় সুশিক্ষালাভ করিয়া তিনি পরহিতসাধনোদ্দেশ্যে ও চিকিৎসা-বিদ্যায় জ্ঞান-লাভ করিয়া অতুল আনন্দ সম্ভোগ বাসমায়, কলিকাতার মেডিক্যাল কলেজে অধ্যয়ন করিতে লাগিলেন। যোগেন্দ্র মেডিক্যাল কলেজে প্রবেশ হইবার কিঞ্চিৎ পূর্বে রামনারায়ণ রায় মানব-লীলা সম্বরণ করেন। হরগোবিন্দ বাবু নামক একজন সচ্চরিত্র, সুশিক্ষিত ব্যক্তি রামনারায়ণের সম্পত্তির তত্ত্বাবধান করিতেন। তিনি এই সংসারে চিরপ্রতিপালিত, যথেষ্ট বিশ্বাস-ভাজন ও পরিবার-ভুক্ত ছিলেন। যোগেন্দ্রনাথ, কমলিনী ও বিনোদিনীর, কোন নূতন পুস্তক পাঠ-কালে, কোন প্রকার সন্দেহ উপস্থিত হইলে, হরগোবিন্দ বাবুর নিকট হইতে সে সন্দেহ ভঞ্জন করিয়া লইতে হইত। জমীদারী নিরূপিত করা যদিও হরগোবিন্দের কাৰ্য্য, তথাপি তাঁহার মার্টার মহাশয় এই উপাধিটা প্রচার ছিল। আমাদের এই ক্ষুদ্র আখ্যায়িকায় এই কয় নর-নারীই প্রধান পাত্র। এতদ্বির আর যে দুই এক জন এই প্রসঙ্গ-কালেবরে অভিনয়ার্থ উপস্থিত হইবেন, তাঁহাদের বিবরণ তত্তৎস্থানেই সন্নিবিষ্ট হইবে।

তৃতীয় পরিচ্ছেদ ।

কাঁদ ।

"I under fair pretence of friendly ends,
With well plac'd words of glozing courtesy,
Baited with reasons not unplaussible,
Wind me into the easy-hearted man
And hug him into snares."

—Comus.

যে সমুদ্রে কাঁপ দিয়াছি তাহার তলে কি রত্ন আছে অবশুই দেখিব ;
যে লোভ হৃদয়ে পোষণ করিয়াছি তাহার সফলতা করিবই করিব ;
যে আশা-লতা এত দিনের যত্নে লাগিত হইয়াছে তাহার কল-ভোগ করিবই
করিব । এ হৃদমণীয় আশা ত্যাগ করা যায় না তো ! এ লোভ ত্যাগ
করিতে পারিব না ; ইহা এ জীবনে ত্যাগ করিব না । লোকে নিন্দা
করিবে—কক্ক ; সকলে ঘৃণা করিবে—কক্ক ; পরকালে নরক-বাস
হইবে—হউক ; বিনোদিনীকে অশুখের সাগরে ভাসান হইবে—কি
কি ? ~~শিশু-খেল-ধ্বংস-পথে কটক~~—বিনোদ আমার বাসনার
সঙ্গীত। তাহার বাহাই কেন হউক না, আমি
স্বপ্ন-মিষ্টানু ।

বেলা বিপ্রহর কালে, একান্তে, একটি প্রকোষ্ঠ মধ্যে বসিয়া, কমলিনী
উক্ত রূপ আলোচনা করিতেছেন । এমন সময় হাসিতে হাসিতে,
হেলিতে ছলিতে, মাধী নারী কি সেই প্রকোষ্ঠে প্রবেশ করিল । মাধীর
বয়স যেন যৌবনের শেষ সীমা ছাড়াইয়াছে বোধ হয়, কিন্তু মনের উত্তাল
বেগ কিছুই কমে নাই । মাধীর বয়স বতই হউক, তাহাকে দেখিলে

সময়ে সময়ে যুবতী বলিয়া ভ্রম হয় । তাহার পরিষ্কার লাল-পেড়ে সাজী, হাতের বাল। ও লাল বেলোয়ারি চুড়ি দেখিয়া কে বলিবে মাধীর যৌবন নাই ? তাহার বাহর স্বর্ণময় তাগা, কপালের ক্ষুদ্র টিপ, অধরৌষ্ঠের সহস্র ভাব ও পানের রং, মার্জিত চুলের মোহিনী কবরী এবং সর্কো-পরি তাহার বিলাসময়ী গতি—তুমি মাধীকে যুবতী নয় বলিয়া সন্দেহ করিলে, তোমার সহিত দারুণ বিবাদ করিবে এবং সম্ভবতঃ তোমাকে পরাজয় স্বীকার করাইয়া ছাড়িবে । হিংসা-পরবশ প্রতিবাদিগণ মাধীর চরিত্র সম্বন্ধে নানা কথা কহে, কিন্তু মাধী নানাবিধ কারণ দর্শাইয়া বলে, লোকেরা সব মিথ্যাবাদী । কলতঃ কলহ-সম্মে মাধী বেরূপ নিপুণা, তাহাতে তাহার অশ্রীতিকর কোন কথাই না বলা ভাল ।

মাধীর বুদ্ধি অত্যন্ত তীক্ষ্ণ । যেখানে ~~না~~ না চলে মাধী সেখানে বেটে চালাইতে পারে বলিয়া খ্যাতি আছে । মাধী বীরক্রামের রাসদেব বাড়ীর কি । সাধারণ কি সকলের শ্রেণীতে মাধীর স্থান নহে । তাহাকে অত্যন্ত কষ্টীতা, বিশ্বাসিনী ও চতুরা বলিয়া বাটীর সকলেই সমাদর করে । মাধীর সহিত বিনোদিনীর বিশেষ নৌজদ্য, কারণ তাহার নিত্য এক খান, হুই খান করিয়া কলিকাতায় যোগেন্দ্র বাবুর নিকট যে চিঠি লিখিতে হয়, মাধী তাহা চিরকাল স্থনিয়মে ডাকঘরে পৌঁছাইয়া দেয় এবং কলিকাতা হইতে তাহার যে সমস্ত চিঠি আইসে মাধী তাহা আশা ডাক বাবুর নিকট হইতে যথাকালে আনিয়া হাজির করে । সাদামাটা বিরা এ কার্য্য এমন করিয়া নির্বাহ করিতে পারে না । কমলিনীর সহিত মাধীর আজি কালি বিশেষ ভাব দেখা যাইতেছে ; কেন যে এরূপ ঘটিয়াছে, তাহা আমরা ঠিক বলিতে পারি না । মাধীকে আনিতে দেখিয়া কমলিনী জিজ্ঞাসিলেন,—

“হাসি যে ?”

“আবার চিঠি আনিয়াছে ।”

“বিনীর হাতে ?”

কমলিনী বলিলেন,—

“বোধ হয় পরীক্ষার গোলে পত্র লেখা হয় নাই ।”

বিনোদিনী নয়ন পরিকার করিয়া কহিলেন,—

“হাজার গোলেও এমন হইবার কথা নয়তো দিদি !”

মাধী ঈষৎ হাস্ত করিয়া পরিহাস-স্বরে কহিল,—

“ছোট দিদি, তুমি এখনও ছেলে মানুষ । আর একটু বয়স হইলে
বুঝিতে পারিবে, পুরুষ মানুষকে অত বিশ্বাস করা ভাল নয় ।”

বিনোদিনী সবিস্ময়ে কহিলেন,—

“সে কি কথা ?”

মাধী সেই রূপ স্বরে বলিল,—

“সে কলিকাতা শহর ; সেখানে তোমার মতন বিনোদিনীর
ছড়াছড়ি আছে দিদি ! জামাই বাবু নূতন বিনোদিনী পেয়েছেন
হয়তো ।”

বিনোদিনী ঈষৎশ্বে কহিলেন,—

“ছিঃ তাও কি হয় ? তাঁহার চরিত্রে একরূপ দোষ হওয়া অসম্ভব ।”

মাধী হাসিতে হাসিতে বলিল,—

“সম্ভব কি অসম্ভব তা ও বয়সে বুঝা যায় না । তুমি ঘাহাই ভাব,
আমি দেখছি জামাই বাবু শিকুলি কেটেছেন ।”

কমলিনী কপট ক্রোধ সহ বলিলেন,—

“তোমার এক কথা !”

“কেন, কি অন্ত্য ?”

“না—হ’লে ও দোষ পুরুষের সহজেই হতে পারে বটে । তবে যোগে-
স্ত্রের যেমন স্বভাব তাহাতে ও সন্দেহ হয় না ।”

“স্বভাব যেমনই হউক বড় দিদি, তিনি এবারে ছোট দিদিকে সন্দেহ
না লওয়াতে সব সন্দেহই হয় ।”

কমলিনী যেন অত্যন্ত চিন্তার সহিত বলিলেন,—

“তাইতো মাধি, যোগীন বিনীকে ছেড়ে এক দিনও থাকিতে পারে না, তা এবার সঙ্গে লইয়া গেল না,—আশ্চর্য্য !”

“তাতেই তো সন্দেহ হচ্ছে, দিদি ঠাকুরাণি—আমাই বাবুর স্বভাব মন্দ হয়েছে—ছোট দিদি সঙ্গে থাকিলে সুখিবা হয় না বলিয়া এবার রাখিয়া গিয়াছেন ।”

“কে জানে ভাই, কাহার মনে কি আছে ?”

সত্য হউক মিথ্যা হউক, সম্ভব হউক অসম্ভব হউক, কথাটা শুনিয়া বিনোদিনীর হৃদয় কাটিয়া গেল । তিনি একটা কার্ণের ছলনা করিয়া মন খুলিয়া ভাবিবার নিমিত্ত সে একোষ্ঠ ত্যাগ করিয়া গেলেন । বিনোদিনী চলিয়া গেলে মাধী ও কমলিনী খুব খানিকটা হাসিলেন ।

মাধী বলিল,—

“এই রূপেই ঔষধ ধরে ।”

কমলিনী বলিলেন,—

“যাই বল, বিনীর কষ্ট দেখিয়া আমার বড় যাতনা হয় ।”

মাধী উদ্দাম ভাবে বলিল,—

“তবে কাজ কি ?”

কমলিনী কণেক চিন্তা করিয়া বলিলেন,—

“কাজ কি ? আমি বিশেষ বুঝিতেছি, কাজ ভাল হইতেছে না ; কে যেন বলিতেছে, ইহাতে সর্বনাশ ঘটবে—উঃ ! তথাপি এ সংকল্প ত্যাগ করিতে পারিতেছি না তো ! বিনোদিনীর যাহা হয় হউক, অদৃষ্টে যাহা থাকে হউক, আমি এ সংকল্প কখন ত্যাগ করিব না । এ রাসনা আমাকে যে রূপে হউক মিটাইতে হইবে ।”

সহসা ব্যাণীর মধ্যে একটা গোল উঠিল । ব্যস্ততা সহ এক জন দাসী আসিয়া সংবাদ দিল,—

“ছোট দিদি ঠাকুরাণীর মূর্ছা হইয়াছে ।”

মাধী ও কমলিনী সেই দিকে দৌড়িলেন ।

চতুর্থ পরিচ্ছেদ ।

স্ত্রীদেবতা ।

“Peace brother, be not over exquisite
To cast the fashion of uncertain evils !
For grant they be so, while they rest unknown,
What need a man forestall his date of grief,
And run to meet what he would most avoid ?”

— Comus.

সন্ধ্যা সময়ে কলিকাতা রাজধানী চমৎকার শোভা ধারণ করিল ।
প্রশস্ত বাজপথ সনুহে প্রদীপ্ত গ্যাসালোক প্রজ্জ্বলিত হইল । মূল্যবান
রমনীয় অশ্রয়ান-সমূহ বিলাসী আরোহী লইয়া সজোরে ছুটিতে লাগিল ।
দলে দলে মুটিয়াই হেলিষ মাছ লইয়া বাটী কিরিতে লাগিল । সাহেবগণ
বাঙ্গালি কেরাণির পক্ষে বড় সদয় নহেন, নচেৎ সন্ধ্যা উত্তীর্ণ হইয়াছে,
এখনও চাপকান ঢাকা, কোঁচাওয়াল, অশুভ বেশধারী কেরাণি বাবুরা,
কেহ বা একটা গুল, কেহ বা মাছ, কেহ কুমালে করিয়া আনু পটল
লইয়া, অবনত বদনে বাটী কিরিতেছেন কেন ? চীনাবাজারের
দোকানদার চাবির গোছা হাতে লইয়া লাভালাভ চিন্তা করিতে করিতে
বাটী কিরিতেছেন । ‘চাই বরক,’ ‘সরিকের নকলদানা,’ ‘চ্যানেটুর্স
গবমাগরম’ প্রভৃতি নৈশ কিরিওয়ালগণ সহরের রাস্তায় মধুবর্ষণ
করিতেছে । লোক ব্যস্ততার পরিপূর্ণ । কেহ ব্যস্ত কুখার আলায়,
কেহ ব্যস্ত কাজের খাতিরে, কেহ ব্যস্ত কাকি দিবার জন্য, কেহ ব্যস্ত
সভ্যতার দায়ে, আর ঐ যে চসমা চোখে বাবু ধীরে ধীরে গজেন্দ্রগমনে
চলিতেছেন, উনি ব্যস্ত ভণ্ডামির অমুরোধে ! এই রূপ ভাল মন্দ ব্যস্ত

তার লোকগণ। ব্যভিচার। ফলতঃ নির্লিপ্ত ভাবে, সন্ধ্যা সময়ে কলিকাতার জন-প্রবাহ দেখিতে পারিলে সংসারিক অনেক বিষয়ে জ্ঞান লাভ করিতে পারা যায় ।

এই রূপ সময়ে গোলদিঘির পার্শ্বস্থ পথে দুই ব্যক্তি পরিভ্রমণ করিতেছেন । দারুণ গ্রীষ্ম হেতু তাঁহাদের ললাট হইতে ঘর্মবারি বিগলিত হইতেছে । যুবকদ্বয়ের একজন আমাদের পরিচিত—যোগেন্দ্র ; অপর যোগেন্দ্রের সহাধারী—সুরেশ । অস্পষ্ট কথার পর যোগেন্দ্র বলিলেন,—

“কি আশ্চর্য্য সুরেশ ! আমি এখানে আসিয়া অবধি একে একে বিনোদিনীকে ছয় খানি পত্র লিখিয়াছি, কিন্তু তাহার এক খানিরও উত্তর পাইলাম না ।”

সুরেশ নিশ্চিত ভাবে বলিলেন,—“এর আর আশ্চর্য্য কি ?” যোগেন্দ্র বলিলেন—

“বল কি ? যে আমাকে প্রতি দিন পত্র লিখিয়া থাকে, আমার পত্র না পাইলে বে অধীরা হইয়া উঠে, দুই সপ্তাহ মধ্যে তাহার কোনই সংবাদ নাই, ইহা অপেক্ষা ভয়ানক কাণ্ড আর কি হইতে পারে ?”

সুরেশ হাসিয়া বলিলেন,—

“তিনি হয় ত তোমার পত্র পান নাই ।”

“কোন পত্রই পান নাই, ইহা অসম্ভব ।”

“পাইয়াও হয় ত উত্তর দেন নাই ।”

যোগেন্দ্র স্বপ্নাসূচক হাসির সহিত বলিলেন,—

“তুমি পাগলের মত কথা বলিতেছ । বিনোদিনী আমার পত্র পাইয়াও উত্তর দেন নাই, ইহার মত অসম্ভব আর কিছুই নাই ।”

সুরেশ হাসিতে হাসিতে বলিলেন,—

“তুমি অতিশয় মৈত্রণ ।”

যোগেন্দ্র গর্কিত ভাবে বলিলেন,—

“তোমার অদৃষ্ট মন্দ ; বিনোদিনীর স্মরণ স্বামী হইয়া স্রোণ
অপবাদ কত স্মরণ, তাহা তুমি কি বুঝিবে ?”

“ঈশ্বরের নিকট প্রার্থনা, যেন আমার তাহা বুঝিতেও না হয় ।
তোমরা স্ত্রীদেবতার উপাসক—তোমরা ও কথা বলিতে পার । কিন্তু
আমার নিশ্চয় বিশ্বাস, সংসারে জঘন্যতার যদি কিছু আকব থাকে,
তাহা স্ত্রীলোক ।”

যোগেশ্বর গভীর ভাবে বলিলেন,—

“স্বরেশ, তোমার অধিকাংশ মতামত আমি অতি সারবান বলিয়া
গ্রহণ করিয়া থাকি, কিন্তু স্ত্রী চরিত্রে তোমার যে অযথা বিদ্বেষ, ইহাতে
আমার একটুও সহানুভূতি নাই । তুমি যাই বল, বিনোদিনীর চিন্তায়
আমার আহার নিদ্রা বন্ধ হইতেছে । সম্মুখে পরীক্ষা উপস্থিত, কিন্তু
আমার পরীক্ষা দেওয়া হইতেছে না । আমি কল্যাণই বাটী যাইব ।”

“যাও, গিয়া দেখিবে—বিনোদিনী স্মরণ শরীরে হাসিয়া খেলিয়া
বেড়াইতেছেন ।”

“ভাল—তাহাই হউক ।”

স্বরেশ আপনা আপনি বলিতে লাগিলেন,—

“এই দুই স্ত্রীলোকও—ইহারা এই সকল অনর্থের মূল । ইহাদের
এমনি আশ্চর্য্য মোহমন্ত্র, যে লোকে ইহাদের দোষ দেখিয়াও
দেখিতে পায় না !”

যোগেশ্বর হাসিয়া বলিলেন,—

“স্বরেশ ! আমার নিশ্চয় বোধ হইতেছে যে, তোমার মতিভ্রম
হইয়াছে ।”

“তা হউক ; কিন্তু তুমি এই ভয়ানক জ্ঞাতিকে চেন না । বিনো-
দিনীকে যখন জিজ্ঞাসা করিবে, ‘বিনোদ, পত্র লেখ নাই কেন?’ বিনোদ
উত্তর করিবেন, ‘অমূকের ছেলের জন্ত এক জোড়া মোজা তৈয়ার
করিয়া দিতে বড় ব্যস্ত ছিলাম,’ অথবা বলিবেন, ‘স্বপ্ননাটক

পড়িতে বড় ব্যস্ত ছিলাম,' কিম্বা বলিবেন 'তোমার মার সঙ্গে ছুটোর পিসি কদিন ধরে যে বগড়া করে, তাতে পাড়ার কাণ পাত্‌বার যো ছিল না, পত্র লিখি কি করে?' ভাই! ওঁরা না পারেন এমন কখনই নাই। ওঁদের উপর অত বিশ্বাস করো না।"

যোগেন্দ্র কিছু বিরক্তির সহিত বলিলেন,—

"ছিঃ সুরেশ!—"

সু। আচ্ছা; এখন আমার ডিউটি পড়িবে, আমি চলিলাম তোমার সঙ্গে এসময়ে সময়াঙ্করে আবার তর্ক করিব। তুমি কালি বাটী ঘাইবে, সত্য না কি?

যোগেন্দ্র বলিলেন,—

"বোধ হয়—বোধ হয় কেন—নিশ্চয়ই ঘাইব।"

"তোমার ঘাছা ইচ্ছা তাহা কর। তবে এই মাত্র বলিতেছি যে, কেন অকারণ অধীর হইরা একটা বৎসর বুথা নষ্ট করিবে?"

এই বলিয়া সুরেশ প্রস্থান করিলেন। যোগেন্দ্র একাকী পরিভ্রমণ করিতে লাগিলেন। দারুণ চিন্তা হেতু শুল্কিতল সমীর সেবন করিয়াও চিন্তের শান্তি হইল না। তিনি মনে মনে বলিলেন—"সুরেশ যেরূপ বলিলেন, বিনোদ কি সেই রূপ? ছিঃ! বিনোদ তবে চিঠি লেখেন না কেন?—বিনোদের অসুখ হইয়াছে—তাহাই ঠিক।" এইরূপ ভাবিতে ভাবিতে যোগেন্দ্র বাসায় কিরিবার উদ্যোগ করিলেন। তিনি প্রত্যাবর্তন কালে দেখিলেন, একটা বৃদ্ধা অতিশয় কাতর ভাবে রোদন করিতে করিতে পথ দিয়া ঘাইতেছে। বৃদ্ধার অবস্থা ও কাতরতা দেখিয়া সদয়-স্বভাব যোগেন্দ্রের হৃদয় বিগলিত হইল। বিজ্ঞাসা করিলেন,—

"বাছা, কাঁদিতেছ কেন?"

বৃদ্ধা এই প্রশ্নে আরও কাঁদিয়া উঠিল। কাঁদিতে কাঁদিতে বিকৃত স্বর বলিল,—

“আমার পোড়া কপাল পুড়েছে গো বাবু!”

আবার উচ্চ ক্রন্দন। ক্রমে চারি দিকে লোক জমিরা গেল।
বুঝা আবার বলিল,—

“একে একে যম আমার সব খেয়েছে। আমার এক ঘর ছেলে
মেয়ে ছিল, আমি অভাগী তাদের সব যমের মুখে দিয়ে অমর হয়ে
বসে আছি।”

বুঝার কাতরতা ও তাহার মলিন বেশ দেখিয়া যোগেন্দ্রের চক্ষু
জলভারাক্রান্ত হইল। বুঝা আবার বলিল,—

“একটি নাতি ছিল তাও পোড়া যমের সহে না গো, বাবা।”

এই বলিয়া বুঝা তথায় আহড়াইয়া পড়িল। ক্রমে জনতার বৃদ্ধি
হইল। সে জনতা—তামাসা দেখিতে। কলিকাতা অর্ধের জন্ম,
অর্ধের জন্ম, প্রেতারণার জন্ম, ইন্দ্রিয়-সুখের জন্ম। ইহা স্বার্থপরতায়
শিকার স্থান, কুনীতির আকর এবং স্বর্গীয় মনোবৃষ্টি সকলের বধ্যভূমি।
স্বতরাং বুঝার পার্শ্ব বেষ্টন করিয়া যে নিকর্ণা মানব-সমূহ দণ্ডায়মান
হইল, তাহারা এই ব্যাপারকে স্বতন্ত্র নয়নে দেখিতে লাগিল। এক
জন দর্শক বলিল,—“চল ভাই কাজে যাই, কার হুঃখ কে দেখে?”
অপর এক জন বলিল,—“হয় ত জুয়াচুরি।” তৃতীয় এক ব্যক্তি
বলিল,—“ভিকার এই এক উপায়।” এক জন নবাগত দর্শক
কৌতূহল সহ নিকটস্থ ব্যক্তিকে জিজ্ঞাসিল,—“ব্যাপারটা কি ভাই?”
সে ব্যক্তি সংক্ষেপে সমস্ত কথা বলিল। শুনিয়া জিজ্ঞাসাকারী
বলিল,—“ওঃ এই কথা—তবু রক্ষা!” যোগেন্দ্র জিজ্ঞাসা করি-
লেন,—

“তোমার নাতির কি হইয়াছে বাছা?”

“ব্যাবস—এতকণ—ওরে আমার কি হবে রে বাবা!”

“তুমি কোথায় থাক?”

“বাগবাড়ার।”

“এখানে কেন আসিয়াছিলে ?”

বৃদ্ধা বলিল,—

“তুনেছি এই ডাক্তারখানায় অমনি ওষুধ দেয়, তাই মরে মরে এত দূর এসেছি। তা বাবা, কেহ এ ছদ্মিনীর কথা শুনিব না। আহা! এক কোটা ওষুধও বাছার পেটে পড়িল না।”

বৃদ্ধা উচ্চৈঃস্বরে রোদন করিতে লাগিল। যোগেন্দ্র বুলিলেন, রোগী সন্দেহ নাই—ঔষধ দিবে কেন? পথ দিয়া এক খানি খালি গাড়ি যাইতেছিল, যোগেন্দ্র তাহার চালককে গাড়ি থামাইতে বলিলেন। গাড়ি থামিল। যোগেন্দ্র বৃদ্ধাকে বলিলেন,—

“এই গাড়িতে উঠ, আমি তোমার সন্দেহ যাইতেছি। আমি ডাক্তারি জানি—তোমার কোন ভাবনা নাই।”

বৃদ্ধা দাঁড়াইয়া বলিল,—

“বাবা তুমি রাজ্যেশ্বর হও, কিন্তু বাবা, গাড়িভাড়ার পয়সা ত আমার নাই।”

যোগেন্দ্রনাথ বলিলেন,—

“সে জন্ত কোন চিন্তা নাই। ঔষধ বা গাড়িভাড়া বিছুরই জন্ত তোমার ভাবিতে হইবে না।”

বৃদ্ধা হাতে স্বর্ণ পাইল। অনবরত আশীর্বাদ করিতে করিতে গাড়িতে উঠিল। যোগেন্দ্রও সেই গাড়িতে উঠিয়া বাগবাজার চলিলেন।

পঞ্চম পরিচ্ছেদ ।

শরীর ও মন ।

"But O as to embrace me She inclin'd,
I wak'd, She fled, and day brought back my night."

——Milton—*On his deceased Wife.*

পর দিন বেলা দ্বি প্রহর কালে যোগেন্দ্র বাসায় কিরি
বিনোদিনীর জন্ত উৎকণ্ঠায় তিনি ষৎপরোনাস্তি কাতর ছিলেন, অ
এই বৃদ্ধার বাটীতে সমস্ত রাত্রি অনাহার ও জাগরণ এবং অদ্য দ্বি
পর্যন্ত স্নান আহার বন্ধ করিয়া রোগীর শয্যাপার্শ্বে দিয়া ত
অবস্থা পর্যবেক্ষণ করায় যোগেন্দ্রের শরীর ও মন অবসন্ন হইয়া আ
রোগী তাঁহার অপরিমেয় যত্নে নির্ভিন্ন হইল । তাহার পথ্যাদির ব্য
করিয়া ও তন্নিকাহার্য বৃদ্ধার নিকট কিছু অর্থ দিয়া যোগেন্দ্র
গাড়িতে উঠিলেন । গাড়ি বাসার দ্বারে লাগিলে, গাড়ি হইতে না
বাসায় যাওয়া যোগেন্দ্রের পক্ষে অত্যন্ত ক্লেশকর বলিয়া বোধ হা
লাগিল । তিনি বুঝিলেন যে, অদ্যই তাঁহার কোন কঠিন
জন্মিবে । অতি কষ্টে তিনি উপরে উঠিয়া, যেমন ছিলেন সেই
অবস্থায় শয্যায় পড়িলেন । কতকণ তিনি এরূপে থাকিলেন ত
তিনি জানিলেন না । বাসায় একজন ভৃত্য ও এক জন পাচক ব্যতী
আর কেহ ছিল না । তাহার আনিয়া সময়ে সময়ে যোগেন্দ্র বা
সংবাদ লইতে লাগিল । বুঝিল, বাবু বড় দুমাইতেছেন—এখন ডাকি

হয় তা রাগ করিবেন । অতএব আর অপেক্ষা করা অনাবশ্যক ভাবিয়া তাঁহারা আহারাদি সমাপন করিল ।

বেলা ৪টার সময় যোগেন্দ্রের চেতনা হইল । তিনি বুঝিলেন, অর হইয়াছে । মনে করিলেন, মানসিক উত্তেজনা ও শারীরিক ক্রমই এই অরের কারণ । আবার যোগেন্দ্রনাথ নিদ্রাভিভূত হইলেন । তাঁহার ভৃত্য আসিয়াও বুঝিল, বাবুর অর হইয়াছে । সে গিয়া ঠাকুর মহাশয়কে এই সংবাদ জানাইল । ঠাকুর মহাশয়ের মনে বিশ্বাস ছিল যে, নাড়ী পরীক্ষা করিতে তিনি অধিতীর । সে সব্বদে তাঁহার জ্ঞান যেমনই হউক, ইহা আমরা বেশ জানি যে, তিনি ভরকারিতে কখনই ঠিক লবণ দিতে পারিতেন না । ঠাকুর মহাশয় যোগেন্দ্রের হাত দেখিয়া ভৃত্য সাধুচরণকে আসিয়া বলিলেন,—

“বাবুর নাড়ী কুপিত বটে, বাবুর কোপই অধিক । অদ্য লবন ব্যবস্থা । কন্যা অস্ত ব্যবস্থা করা যাইবে ।”

ভৃত্য বলিল,—

“আমি বাবুকে ব্যারামের কথা জিজ্ঞাসা করিলাম, তিনি কথা কহিলেন না—বোধ হয় কিছুই নয় ।”

ঠাকুর মহাশয় বলিলেন,—

“তা বই কি ? তুমি রাতের আহারের জোগাড় কর ।”

যোগেন্দ্র বাবুর নিরোজিত ব্যক্তিস্বর তাঁহার ব্যাধি সব্বদে এইরূপ মীমাংসা করিয়া নিশ্চিত হইল । যোগেন্দ্রনাথ সেই গৃহে একাকী রহিলেন । নিদ্রাবস্থার বহুবিধ স্বপ্ন ও বিভীষিকা তাঁহাকে নিদ্রস্ত অবসন্ন করিতে লাগিল ।

রাত্রি ত্রিংশত কালে যোগেন্দ্রনাথের নিদ্রা ভঙ্গ হইল এবং তিনি বিভীষিকাপূর্ণ স্বপ্ন সকলের হস্ত হইতে অব্যাহতি লাভ করিলেন অর কয়ে নাই । অর বড় ডেজের নয় বটে, কিন্তু যোগেন্দ্র বুঝিলেন এই কয় ঘণ্টার অরে তাঁহাকে মূর্খ রোগীর স্তায় হর্ষল ও ক্ষীণ করি

রাছে। মাথা ঘুরিতেছে, পৃথিবী ঘুরিতেছে, চতুর্দিক অন্ধকারময়, চিন্তার শ্রেণী নাই, সম্মুখে যেন ভয়ানক বিপদ। তিনি বুকিলেন, অরটা সহজ নয়। ডাকিলেন,—

“সাধুচরণ !”

তাঁহার কীর্ণ স্বর নিম্নতলস্থ সাধুচরণের কর্ণে প্রবেশ করিল না। ক্রমেক পরে আবার ডাকিলেন—কোনই উত্তর নাই। তৃতীয় বারে সাধুচরণ চক্ষু মর্দন করিতে করিতে আসিয়া বলিল,—

“আমাকে ডাকিতেছেন ?”

কি জন্ত যোগেন্দ্র সাধুচরণকে ডাকিতেছিলেন তাহা আর মনে হইল না। তিনি নীরবে রহিলেন। সাধুচরণ আবার জিজ্ঞাসিল,—

“আমাকে কি বলিতেছিলেন ?”

যোগেন্দ্র চক্ষু মেলিয়া চাহিলেন। বলিলেন,—

“ওঃ—তুমি একবার বিনোদিনীকে ডাক। তিনি কোথায় ?”

বিনোদিনী কে তাহা সাধুচরণ জানে না। ভাবিল—“একি—বাবুর উপর উপরকার দৃষ্টি পড়িয়াছে নাকি ?” সতয়ে জিজ্ঞাসা করিল,—

“আমাকে কি বলিলেন বুকিতে পারিলাম না।”

যোগেন্দ্র আবার চক্ষু মেলিয়া চাহিলেন। বলিলেন,—

“আঃ—স্বরেশ বাবু,—”

সাধু এবারও বিশেষ কিছু বুকিল না। কিছু জিজ্ঞাসা করিতেও সাহস করিল না।

সে স্বপ্নবর ঠাকুর মহাশয়ের সহিত পরামর্শ করিতে গেল। কিন্তু ঠাকুর মহাশয় তখন যেরূপ নিবিষ্ট মনে নাক ডাকাইতেছেন, তাহাতে তাঁহার সহিত কোনই পরামর্শ হওয়া সম্ভাবিত নহে ; তাহা হইলও না। প্রাতে, ঠাকুর মহাশয় নাসিকা-ধ্বনির ডিউটি হইতে নিষ্কৃতি লাভ করিলে, সাধুচরণ তাঁহাকে সমস্ত বিবরণ জানাইল। তিনি সমস্ত শুনিয়া গভীর ভাবে বলিলেন,—

“হয়েছে—বাবুর রীত বিগুড়েছে ।”

“কিসে বুঝলে ঠাকুর মহাশয় ? বাবু তো সে রকম মানুষ নয় ।”

ঠাকুর মহাশয় হাসিয়া বলিলেন,—

“দূর পাগল—মানুষ কে কি রকম তা কি কেউ বলতে পারে ? দেখ-
ছিস না ইদানীং বাবুর আর কিছুতেই মন নাই । কোন খানে কিছু
নাই, পরন্তু বিকাল থেকে দিন রাত কাটাইয়া কাল ছপুর বেলা বাসার
ফিরে এলেন । এ সকল কুরীত । অরে আবার তাবাল বকিতে বকিতেও
ঘেয়ে মানুষের নাম করছেন । নিশ্চয় বাবুর রীত বিগুড়েছে । আমি এমন
চের দেখেছি ।”

সাধুচরণ চক্ষু বিস্তৃত করিয়া কহিল,—

“উপায় ?”

“তোমার মাথা, আর আমার মুণ্ড ।”

এই দুইজন মনীষী বসিয়া যখন এবিধ পরামর্শ করিতেছেন, সেই
সময় সুরেশ বাবু তথায় আসিয়া জিজ্ঞাসিলেন,—

“বাবু বাড়ি গিয়াছেন ?”

সাধুচরণ উত্তর দিল,—

“আজ্ঞে না, তাঁহার অর হইয়াছে ।”

“অর হইয়াছে ?”

“আজ্ঞে ।”

আর কিছু না বলিয়া সুরেশ রোগীর প্রকোষ্ঠে প্রবেশ করিলেন ।
সমস্ত লক্ষণ পরীক্ষা করিয়া সুরেশ মাথার হাত দিয়া বসিলেন । বোগে-
ন্দ্রের অর সহজ নয় । বোগেন্দ্র ধীরে ধীরে ক্লিষ্ট স্বরে বলিলেন,—

“সুরেশ ! দেখিলে কি ভাই ? অর তো সহজ নয় । বোধ হয়,
আর এ জীবনে, বিনোদিনীর সহিত সাক্ষাৎ হইবে না । আমি কালি
সমস্ত রাত্রি স্বপ্ন দেখিয়াছি, বিনোদিনী আকাশের মধ্যে নক্ষত্র সমে-
ষ্টিত হইয়া বসিয়া আছেন, আমি নীচে বসিয়া তাঁহাকে উচ্চ শব্দে

ডাকিতেছি। বলিতেছি, 'বিনোদ! আমাকে ফেলিয়া কোথায় গেলে।' বহুক্ষণ পরে আমার প্রতি বিনোদিনীর রেহপূর্ণ দৃষ্টি পড়িল। তিনি বলিলেন, —'আগে কেন বল নাই, আগে কেন বুঝ নাই। তোমাকে দেখাইবার জন্যই তো আমি এতদূর আসিয়াছি। কিন্তু আর তো এখান হইতে কিরিবার উপায় নাই। যোগেশ্বর! তোমার সহিত আর ইহকালে সাক্ষাতের আশা নাই।' আমি পাগলের স্থায় কাঁদিতে লাগিলাম। বিনোদ আবার বলিলেন, —'কাঁদিলে কি হইবে? পার যদি এখানে আইস।' আমি পারিলাম না। বিনোদ আবার বলিলেন—'হিঃ যোগীন্!—তোমার কাছে একবার ছুটি কথা বলিয়া আসি।' বিনোদ আসিলেন। আমি বাহু প্রসারণ করিয়া ধরিতে গেলাম। তিনি হাসিয়া বলিলেন, —'যোগীন্! আমাকে ধরা এক্ষণে তোমার অসাধ্য।' আমি তাঁহাকে ধরিতে বৃতই অগ্রসর হইতে লাগিলাম তিনিও ততই পশ্চাতে চলিতে লাগিলেন। অবশেষে এক হস্তর স্মৃদ্ধ বিনোদের পশ্চাতে পড়িল। আমি ভাবিলাম বিনোদ আর কোথায় পলাইবেন। কিন্তু বিনোদ হাসিতে হাসিতে সেই জল-রাশির উপর দিয়া চলিয়া গেলেন, আমি অভাগা পারিলাম না। তীরে বসিয়া মিনতি করিয়া কাঁদিতে লাগিলাম। বিনোদ মধ্য সমুদ্র হইতে হস্ত প্রসারণ করিয়া বলিলেন, —'কিরিয়া যাও, আর চেষ্টা করিও না।' অবশেষে বিনোদ সমুদ্রের অপর পারে পৌঁছিলেন। তখনও তাঁহার মূর্তি অস্পষ্ট ভাবে দেখা বাইতে লাগিল। তিনি সেখানেও স্থির হইলেন না। অনবরত চলিতে লাগিলেন এবং হস্তাকোলনে আমাকে কিরিতে বলিতে লাগিলেন। তার পর ক্রমে তিনি এত দূর গিয়া পড়িলেন যে, আর তাঁহাকে দেখা গেল না। ঘোর ঘৃণায় আমি বৃতপ্রায় হইয়া পড়িলাম। এমন সময় তোমার আগমনে আমার মিত্র। ভয় ও উৎসাহে এই বাতনার অবসান হইল। সুরেশ! এ কি হঃস্বপ্ন তাই? আমার কি হইবে?"

সুরেশ দেখিলেন, বিনোদিনীর চিন্তাতেই যোগেশ্বরের এই কঠিন পীড়া জন্মিয়াছে, এখনও সে চিন্তা হইতে অবসর না পাইলে জীবনের আশা ত্যাগ করিতে হইবে । বলিলেন,—

“চিন্তা কি ? আমি বিনোদিনীকে আনিতে লিখি ।”

“আনিতে লিখিবে ? সে আমার পত্রের উত্তর দিতে পারে না—
সে ভাল নাই—সে আনিতে পারিবে না । কি হইবে ভাই ?”

সুরেশ বুঝিলেন, এই চিন্তা-শ্রোত যত দূর সম্ভব বর্জিত হইয়াছে ।
বলিলেন,—

“আমি রেজেষ্ট্রি করিয়া পত্র লিখিতেছি । যদি বিনোদ স্নহ থাকেন,
তাহা হইলে অবশ্যই পত্র পাঠ মাত্র এখানে আসিবেন ।”

“যদি তিনি ভাল না থাকেন ?”

“তাহা হইলেও তোমার পীড়ার সংবাদ পাইয়া কেহ না কেহ
আসিবে ।”

“যদি বিনোদ ভাল থাকিয়াও না আইসেন ?”

“তাহা হইলে—তাহা হইলে বুঝিতে হইবে, বিনোদ পাপীয়সী । চিন্তা
দূরে থাকুক, তুমি তাহার নামও করিও না ।”

যোগেশ্বর মুদিত নয়নে ধীরে ধীরে বলিলেন,—

“আচ্ছা । পরখ বুঝি, বিনোদ মাহুষ কি পায়াল ।”

সুরেশ ব্যস্ততা সহ পত্র লিখিলেন । যাহা লিখিলেন তাহাতে তাহার
প্রত্যয় হইল যে, বিনোদ যদি স্নহ থাকেন তাহা হইলে, অবশ্যই পত্র
পাঠ এখানে চলিয়া আসিবেন ।

সাধুচরণ আদেশ ক্রমে পত্র ভাকে দিয়া রেজেষ্ট্রি রসিদ সুরেশের
হস্তে দিল । তিনি যোগেশ্বরকে রসিদ দেখাইয়া বলিলেন,—

“এই দেখ রসিদ । তুমি চিন্তা ত্যাগ কর । পরখ লোক জনের
সহিত বিনোদিনীর পাতি তোমার বাসার দ্বারে লাগিবে । একপে
তুমি স্থির হও, আমি চিকিৎসার উপায় করি ।”

সুরেশ ব্যস্ততা সহ কলেজে গিয়া অধ্যক্ষ সাহেবকে গল্পদণ্ড লোচনে সমস্ত বলিলেন। ডাক্তার সাহেব অবিলম্বে সুরেশকে সঙ্গে লইয়া যোগেশ্বরের বাসায় আসিলেন এবং ষথারীতি চিকিৎসা করিতে লাগিলেন। সুরেশ অনন্তকর্ষা হইয়া ব্যাধি-ক্লিষ্ট স্নুহদের শয্যাপার্শ্বে বসিয়া নিয়ত শুক্রবা করিতে লাগিলেন।

ষষ্ঠ পরিচ্ছেদ ।

কুপথ্য ।

“——hath the power to soften and tame
Severest temper, smooth the rugged'st brow,
Enerve, and with voluptuous hope dissolve,
Draw out with credulous desire, and lead
At will the manliest, resolute'st breast,
As the magnetic hardest iron draws.”

——Paradise Regained.

দেখিতে দেখিতে ছয় দিন অতীত হইয়া গেল—যোগেশ্বর কথ-শয্যায় শয়ান আছেন। চল পাঠক, তাঁহার সংবাদ লগুয়া ষাউক।

বড় শীত ; বেলা ৩টা। যোগেশ্বর সেই প্রকোষ্ঠে সেই শয্যায় শয়ান। রোগী চকু মুদ্রিয়া আছেন। শয্যা-পার্শ্বে বসিয়া এক অগ-ম্নোহিনী স্নুক্রী ধীরে ধীরে রোগীর শরীরে বায়ু সঞ্চালন করিতেছেন। সেই স্নুক্রী কমলিনী। তাঁহার সমীপে, পর্য্যক-নিরে, আর এক

কামিনী উপবিষ্টা—সে মাধী । একোঠে আর কেহ নাই । পার্শ্বস্থ একোঠে এক খানি চেয়ারে বসিয়া সুরেশ যুমাইতেছেন । সেই ঘরে সুরেশের সন্নিকটে আর একখানি চেয়ারে একটি বালক উপবিষ্ট, সে বালক নীলরতন—কমলিনীর ভাস্কর পো ।

ভবন-দ্বারের ছায়ায় এক খানি পাল্কি পড়িয়া আছে । পাল্কির সঙ্গী দ্বারবান চৌবে ঠাকুর দরজার ছায়ায় বসিয়া খামে হেলান দিয়া নাক ডাকাইতেছেন । উড়িয়ার আমদানি অলকা-তিলকা-বিশোভিত বাহক মহাশয়েরা রাস্তার অপর পারে ঘরের ছায়ায় কাপড় বিছাইয়া যুমাইতেছেন, কেবল এক জন বসিয়া ‘তামাকড়’ খাইতেছেন ।

যোগেন্দ্র সমভাবে শয্যায় শুইয়া আছেন । কমলিনী অত্যন্ত চিন্তিত ভাবে রোগীর বদন প্রতি চাহিয়া রহিয়াছেন । যোগেন্দ্র এক বার চক্ষু মেলিয়া চাহিলেন—কমলিনীর পরম রমণীয় বদন তাঁহার নেত্র-পথে পতিত হইল । কমল বলিলেন,—

“যোগীন্ !”

যোগীম তখন আবার নরন মুদিত করিয়াছেন । হস্ত কমলিনীর সন্ধান তাঁহার কর্ণগোচর হইল না । কিন্তু অল্প বিলম্বেই যোগেন্দ্র আবার চাহিলেন । চাহিয়া বলিলেন,—

“কমল ! তুমি ?”

কমলিনী বলিলেন,—

“তোমার পীড়ার সংবাদ পাইয়া আসিয়াছি ।”

যোগেন্দ্র । বিনোদ ?

কমলিনী । বিনোদ ভাল আছে ।

যোগেন্দ্র । আমার পত্র ?

মাধী কমলিনীর গা টিপিল । কমলিনী বলিলেন,—

“তোমার পত্র বিনোদিনীকে দেওয়া হয় নাই । বিনোদ অস্ত্র-বধা, এ কুসংবাদ তাহাকে দেওয়া ভাল নয় ।”

এত যতনা সবেও যোগেন্দ্রের মুখে হাসি আসিল। মায়া!
তোমার প্রভু অসীম! বলিলেন,—

“বেশ করিয়াছি।”

কমলিনী ধীরে ধীরে বলিলেন,—

“পত্র আমার হাতে পড়িলে দেখিলাম, লেখাটা আর এক হাতের।
পাঠ করিলাম। চিন্তার আমার নিস্তা হইল না। কাঁদিতে কাঁদিতে
প্রভাত হইল। প্রভাতে সকলকে বলিলাম, আমার ভাস্কর-পোর
সবকে বড় হুঃখ দেখিয়াছি, আমি অদ্যই তাহাকে দেখিতে যাইব!
কেহই আপত্তি করিল না—আমি চলিয়া আসিলাম।”

আমরা পূর্বেই বলিয়াছি, কলিকাতায় কমলের শঙ্করালয়—তিনি
সেই সূত্রে সময়ে সময়ে কলিকাতায় বাওয়া আসা করিতেন। এবারেও
সেই চলনার আসিলেন।

যোগেন্দ্র বলিলেন,—

“কমল! তোমার গুণের সীমা নাই। তোমার নিকট আমি
যে ধনে বদ্ধ, কখনও তাহার পরিশোধ হয় না।”

কমলিনী বলিলেন,—

“যোগেন্দ্র! তোমার জন্ত আমার যে কষ্ট তাহার কি বলিব?
ভগবান তোমাকে নীরোগ করুন, সুখে রাখুন, সেই আমার পরম
লাভ।”

কমলিনীর নয়ন-কোণে দুই বিকৃত অক্ষ আবির্ভূত হইল। যোগেন্দ্র
তাহা দেখিতে পাইলেন না; কারণ তিনি ক্রান্তি হেতু পুনরায়
চক্ষু মুদ্রিয়াছেন।

কমলিনী যোগেন্দ্রের মস্তকে হস্ত বার্ত্তন করিতে করিতে অতৃপ্ত
নয়নে তাহার বদন সন্দর্শন করিতে লাগিলেন। তাবিতে
লাগিলেন,—

“শরীর রক্ত মাংসে গঠিত। হৃদয় মানব-হৃদয়ের হীন বৃত্তি-সমূহে

পূর্ণ। তবে কেমন করিয়া আমি এ লোভ নখন করিব ? জগতে কোন্ রমণী এ লোভ নখন করিতে পারিয়াছে ? যদি কেহ পারিয়া থাকে, সে দেবী। কিন্তু আমি সে দেবীর প্রার্থনা করি না। আমি এ অদম্য আকাঙ্ক্ষা কখন নিবারণ করিতে পারিব না। লোকে ইচ্ছা হয় আমাকে পিশাচী বলুক, যদি এ পাপে অনন্ত কাল আমার নরক ভোগ করিতে হয় তাহাও স্বীকার, তথাপি এ লোভ ত্যাগ করা আমার অসাধ্য। বিনোদিনীর সৰ্কনাশ হইবে। তাহাতে কি ? এ জগতে কে কবে পরের সৰ্কনাশ না করিয়া আত্ম-সুখ সংস্থান করিয়াছে ? কোন্ নরপতি মানব-শোণিতে পদ-প্রকালন না করিয়া যুকুটে মস্তক শোভিত করিয়াছেন ? কিন্তু বিনোদ তো আমার পর নহে। বিনোদ পর নহে বটে, কিন্তু যোগেশ্বরের সহিত তাহার চির-বিচ্ছেদ না ঘটিলে আমার আশা মিটে কই ? তাহাতে আমার কি হোষ ? কত বাদশাহ, কত নরপতি, পিতৃহত্যা, ভ্রাতৃহত্যা, পুত্র হত্যা করিয়া রাজপদ লাভ করিয়াছেন। তাঁহারা যদি সামান্য রাজপদ লোভে সেই সকল দুর্কর্ম করিতে পারিয়া থাকেন, তবে আমি এই অচুলনীর সঙ্গ হইতে আমার ভগ্নীকে কেন বঞ্চিত করিতে পারিব না ?”

স্বরেশ কহু ভার সমীপস্থ হইয়া বলিলেন,—

“ঐবধ খাওয়াইবার সময় হইয়াছে। মাথার কাছে দিদি আছে, তাহা হইতে এক দাগ ঐবধ খাওয়াইয়া দেউন।”

কমলিনী তাহার উদ্যোগ করিতে লাগিলেন।

সপ্তম পরিচ্ছেদ ।

সুতন ব্যাধি ।

“Out of my sight, thou serpent !”

—Paradise Lost.

কালেজের সাহেবের স্মৃচিকিৎসায় এবং সুরেশ ও কমলিনীর যত্নে ক্রমশঃ যোগেন্দ্র রোগের হস্ত হইতে মুক্তি লাভ করিলেন। এক মাস পরে অন্য আমাদের তাঁহার সহিত পুনরায় সাক্ষাৎ ঘটিতেছে। এই এক মাসে তাঁহার এখনই পরিবর্তন হইয়াছে যে, তিনি যেন এক্ষণে আর সে যোগেন্দ্র নহেন। তাঁহার সে কাস্তি, সে রূপ, সকলই যেন রোগের কঠোর আক্রমণে বিনষ্ট হইয়াছে।

যোগেন্দ্র একাকী বসিয়া আছেন, এই রূপ সময়ে মাধী তথায় আগমন করিল। যোগেন্দ্র মাধীকে দেখিয়া হাসিতে হাসিতে জিজ্ঞাসিলেন,—

“কি সংবাদ ?”

“বড় দিদি এখনই আসিবেন ; আমাকে আগে সংবাদ দিতে পাঠাইলেন।”

“তোমার বড় দিদির গুণের সীমা নাই। কিন্তু তোমার ছোট দিদিতো আমার একবারে চরণে ঠেলেছেন।”

মাধী ঈষৎ হাসির সহিত বলিল,—

“সে কি কথা ! মাধার জিনিস কেউ কি চরণে ঠেলেতে পারে না ?”

“ডাইতো দেখছি।”

“কেন জামাই বাবু ?”

“তিনি আর আমার খবরটাও লয়েন না। ভাল, অস্তঃসন্ধ্যা বেন হয়েছেন—তাকি আমার খবরটাও নিতে নাই?”

কথা শুনিয়া মাধী বেন আকাশ হইতে পড়িল। বিস্মিতের স্থায় চক্ষু স্থির করিয়া বলিল,—

“অস্তঃসন্ধ্যা হয়েছেন? কে বলিল?”

যোগেন্দ্র বলিলেন,—

“বাঃ—তোমার বড় দিদি।”

মাধী পূর্বের স্থায় চক্ষু স্থির করিয়া বলিল,—

“কি জানি বাবু? বাড়ীর কোন কথা তো আমার ছাপা নাই। তা এত বড় খবরটা শুন্লেম না—তা হবে।”

“বল কি?”

“আমি তো বেশ জানি, ছোট দিদি পোড়াতি নন। কেন—আসিবার আগের দিনও তো ছোট দিদি ঠাকুরাণ তোমার পত্র হাতে করে এসে বড় দিদির সঙ্গে এক যুগ ধরে কথা কইলেন; তা এ কথার তো কোনই সন্ধান পাওয়া গেল না।”

যোগেন্দ্র বাস্ত হইয়া বলিলেন,—

“আমার পত্র—আমার পত্র কি তোমার ছোট দিদি পেয়েছেন?”

মাধী বলিল,—

“ওমা, এ আবার কি কথা! এ যে আমার ঘাড়ে দোষ পড়ে দেখছি। পত্র সকলই তো আমিই তাঁকে হাতে করে দিইছি! পাবেন না কেন গা?”

যোগেন্দ্র অস্থির হইয়া উঠিলেন। এ ব্যাপারে কোন কথা সত্য তাহা তিনি বুঝিয়া উঠিতে পারিলেন না। ভাবিলেন, মাধীর কথাই মিথ্যা। তাঁহার স্বদয়ে একটু ক্রোধের আবির্ভাব হইল। কহিলেন,—

“মাধি! তুই কি আমার সহিত পরিহাস করিতেছিস?”

মাধী সঙ্কচিত ভাবে বলিল,—

“সে কি কথা জামাই বাবু? এমন কথা নিরে তোমার সঙ্গে কি পরিহাস করা যায়?”

যোগেন্দ্রের আরও ক্রোধ হইল। তিনি কহিলেন,—

“তবে কি তোমার বড় দিদি মিথ্যাবাদিনী?”

“কেমন করে কি বলি?”

যোগেন্দ্রের ক্রোধ সহিষ্ণুতার সীমা অতিক্রম করিল। তিনি কহিলেন,—

“মিথ্যাবাদিনি! আমার সম্মুখ হইতে দূর হ।”

মাধী কাঁদিয়া ফেলিল। বলিল,—

“আমার কি দোষ? আমার না জিজ্ঞাসা করিলে আমি কিছুই বলতাম না। আমি যা জানি তাই বলেছি, এতে আমার অপরাধ কি?”

যোগেন্দ্র বলিলেন,—

“তুমি পিশাচী, তুমি রাক্ষসী, তুমি সর্কনাশিনী। তুমি এখনই আমার সম্মুখ হইতে চলিয়া যাও।”

মাধী কাঁদিতে কাঁদিতে বাহিরে আসিয়া দাঁড়াইল। দাঁড়াইয়া দাঁড়াইয়া অল্পক্ষণে কাঁদিতে লাগিল। সে শব্দও যোগেন্দ্রের কর্ণে প্রবেশ করিতে লাগিল। তিনি অত্যন্ত বিরক্তির সহিত বলিলেন,—

“স্বী-রসনা সমস্ত অনিষ্টের মূল।”

এই চেষ্টা-অনিষ্ট ক্রমে যোগেন্দ্র কাতর হইলেন। তিনি দীর্ঘ নিশ্বাস ত্যাগ করিয়া মাথার হাত দিয়া শয়ন করিলেন।

অষ্টম পরিচ্ছেদ ।

বিকার ।

“Is this the love, is this the recompense,
Of mine to thee, ingratoful Eve ?”

—Paradise Lost.

এায় এক ঘণ্টা পরে কমলিনী ও নীলরতন যোগেন্দ্রের বাসার আসিয়া উপস্থিত হইলেন। যোগেন্দ্রের একোষ্ঠে প্রবেশ করিবার পূর্বে কমলিনীর সহিত মাধীর সাক্ষাৎ হইল। মাধী অক্ষট বরে কহিল,—

“রোগ ধরিয়াছে ।”

“ভেদ ?”

“এখন কেন—বাড়ুক ।”

“আপনি বাড়িবে ।”

“কুপথ্য চাই—আমি কিছু দিয়াছি, তুমি কিছু দেওনে ।”

“কি রকম ?”

“যেমন যেমন কথা আছে। কিন্তু দেখ দিদি, তোমার জন্ত আমি বুকি যারা দাই। আমার উপর জামাই বাবুর বড় রাগ। বতদূর হয়েছে তাই সেই ভাল, এখন আমি গরিব সরে দাঁড়াই—তোমরা যা জান তাই কর ।”

“ভাবনা কি ? পেটে খেলেই পিঠে সর ।”

“তোমার হাতে বিচার ।”

যখন কমলিনী মাধীর সহিত কথাবার্তার নিমুক্তা হিলেন, নীলরতন

তখন উপরে গিয়া যোগেন্দ্র বাবুর সহিত কথা কহিতেছিল। একপে ফিরিয়া আসিয়া বলিল,—

“খুড়ি মা! আজ আবার যোগেন্দ্র বাবুর অসুখ হইয়াছে।”

কমলিনী ঘরায় উপরে উঠিলেন।

যোগেন্দ্র বাবুর হুইটা বিলাতি কুকুর ছিল; নীলরতন তাহাদের শিকল খুলিয়া দিয়া খেলায় মত্ত হইল।

উপরে উঠিয়া কমলিনী দেখিলেন, যোগেন্দ্র শযায় নয়ন মুদ্রিয়া শয়ন করিয়া আছেন। ডাকিলেন,—

“যোগীন্!”

যোগেন্দ্র উঠিয়া বসিলেন, কিন্তু কোন কথা কহিলেন না। কি বলিবেন তাহা স্থির করিতে পারিলেন না। কমলিনী জিজ্ঞাসিলেন,—

“যোগীন্! তোমার কি আজ অসুখ হইয়াছে?”

“হাঁ।”

“কেন এরূপ হইল?”

যোগেন্দ্র উদ্ভত ভাবে বলিলেন,—

“মাধী—তুমি জাননা—মাধী সর্কনাশিনী—মাধী অক্লেমে তোমার গলায় ছুরি দিতে পারে। তুমি এখনই তাহার সংস্রব ত্যাগ কর।”

কমলিনী বিস্মিতের ছায় বলিলেন,—

“কেন যোগেন্দ্র, মাধী কি করিয়াছে?”

তখন যোগেন্দ্র একে একে সমস্ত বৃত্তান্ত বলিলেন। শুনিয়া কমলিনী বলিলেন,—

“অতি অন্যায়, মাধী চাকরাণী। সে দাসীর মত থাকিবে। সত্য হউক মিথ্যা হউক, আমাদের ঘরাও কথায় তাহার থাকিবার কি দরকার? আমি এ অন্য এখনই মাধীকে তাড়াইয়া দিব। কি ভয়ানক! বিনোদের কথায় মাধীর কি কাজ?”

যোগেন্দ্র কিছু চঞ্চল হইলেন । ভাবিলেন, ইহার মধ্যে কি একটা কথা আছে—কমলিনী তাহা গোপন করিতেছেন । বলিলেন,—

“হয়ত মাধী আমার সহিত পরিহাস করিয়াছে । তুমি এখন আমাকে ঠিক কথা বুঝাইয়া দেও ।”

“এরূপ কথা বলিয়া তাহার পরিহাস করা অন্যায় । পরিহাসের কি অন্য কথা ছিল না ? যাহা বলিবার নহে তাহা সে বলিল কেন ?”

যোগেন্দ্রের মন আরও চঞ্চল হইয়া উঠিল । তিনি ধীরতা সহকারে বলিলেন,—

“তবে কি তাহার কথা সত্য—সে যদি সত্য বলিয়া থাকে তবে তাহার দোষ কি ?”

কমলিনী রাগত স্বরে বলিলেন,—

“দোষ কি ?—সত্য হউক মিথ্যা হউক, তাহাতে তাহার কি ? বিনোদিনী ছেলে মানুষ, তাহার যদি কোন দোষ হইয়া থাকে তাহা তোমাকে জানাইবার মাধীর কি দরকার ছিল ? আমি আর মাধীর মুখ দেখিব না । তাহাকে এখনই তাড়াইয়া দিব !”

যোগেন্দ্রের চিত্ত যার-পর-নাই বিচলিত হইয়া উঠিল । তিনি ভাবিলেন যে, বিনোদের সহজে কোন ভয়ানক কথা কমলিনী জানিয়াও বলিতেছেন না । নিতান্ত ব্যাকুল ভাবে তিনি জিজ্ঞাসিলেন,—

“বল কমলিনি, তোমার পায় পড়ি বল, ইহার মধ্যে কি কথা আছে ?”

“কি বলিব যোগেন্দ্র ?”

“বিনোদিনী অস্তঃসত্বা কি না ?”

কমলিনী প্রশ্নের কোন উত্তর না দিয়া কহিলেন,—

“দেখ যোগেন্দ্র, বিনোদিনী বালিকা । ন্যায়ান্যায় বিবেচনা করিবার ক্ষমতা তাহার আদিও হয় নাই । তাহার কার্যে তোমার এখন মনোযোগ দেওয়া উচিত নহে ।”

যোগেশ্বর বলিলেন,—

“আহাঃ, সে অতঃস্বা কি না এ সন্দেহ জানাও কি আমার উচিত নহে ?”

কমলিনী আবার পূর্বের ন্যায় অন্য কথার প্রেরণ প্রকৃত উত্তর গোপন করিতে লাগিলেন । বলিলেন,—

“বিনোদ আমার ভগ্নী—আমি তাহাকে কোলে পিঠে করিয়া মাহুব করিয়াছি । আমার কে আছে ? আমি তাহাকে প্রাণের অপেক্ষা ভাল বাসি । তাহার যাহা দোষ অপরাধ তাহা আমি কিছুতেই বলিব না । আমার গলায় ছুরি দিলেও আমি বিনোদের বিকৃত কথা ব্যক্ত করিব না ।”

কথা সমাপ্তির সঙ্গে সঙ্গে কমলিনীর নয়ন-কোণে অশ্রুর আবির্ভাব হইল । যোগেশ্বরের সন্দেহ, বিশ্বাস, কোতূহল এতই বর্ধিত হইয়া উঠিল যে, তিনি যেন কণে কণে আশ্র-হৃদয়ের উপর প্রভুতা হারাইতে লাগিলেন । ভাবিতে লাগিলেন, বিনোদের সম্বন্ধে এমন কোন দোষের কথা আছে, যাহা আমার নিকট ব্যক্ত করিলে বিনোদের অশ্রু হইতে পারে ! কি ভয়ানক ! অতি কাতরভাবে বলিলেন,—

“কমলিনী ! বিনোদিনী তোমার অত্যন্ত বড়ের পাত্র তাহা কি আমি জানি না ? কিন্তু আমিই কি তোমার পর ? যে স্নেহ-বলে বিনোদ তোমার আপনার সে স্নেহে কি আমারও অধিকার নাই ? মাধীর মুখে আমি যাহা শুনিলাম, তাহাতে প্রকৃত কথা না জানিলে সন্দেহের দাত-নার আমার মৃত্যু হইবে ; তুমি কি তাহা বুঝিতেছ না ? তাহা বুঝিয়াও যদি তুমি আমাকে ভিতরকার কথা না বল, তাহা হইলে কেমন করিয়া বলিব যে তুমি আমাকে স্নেহ কর ? যদি আমাকে এরূপ করে কেলিয়া তুমি থাকিতে পার, তবে কেন তুমি আমার পীড়ার সংবাদ পাইয়া আনিয়াছিলে ? কেন আমাকে এত রহু করিয়া হৃদয়স্থ হইতে বাঁচাইলে ? তোমার স্নেহ কি কেবল মৌখিক ? তুমি এত পাষণ-হৃদয়া

তাহা আমি পূর্বে জানিতাম না ! স্ত্রী-চরিত্র এতাদৃশ ছরবগমা তাহা কে জানিত ?”

কমলিনীর চক্ষু ছল ছল করিতে লাগিল । তিনি বলিলেন,—

“যোগেন্দ্র ! তুমি আমার উপর অভিমান করিতে পার । তোমার প্রতি আমার যে কত ভালবা—স্নেহ তাহা কি বলিয়া বুঝাইব ? যোগেন্দ্র ! আমার স্বদয়ে যে—যে—যে—ভালবাসা আছে তাহা তুমি কখনই বুঝিতে পার না । তাহা পার না—সেই জন্যই আমার হুঃখ । যোগীন্ ! তুমি আমার আপন হইতেও আপন । আমি বিনোদিনীকে হুঃখের সাগরে ভাসাইয়া দিতে পারি, কিন্তু তোমার চরণে কুশাকুর বিধিলে তাহাও সহ্য করিতে পারি না । যোগীন্ ! আমাকে গালি দিও না । জগৎ নির্দয়—তুমি নিষ্ঠুর—তুমি—”

কমলিনী আর বলিলেন না—বলিতে পারিলেনও না । মুখে কাপড় দিয়া কাঁদিতে লাগিলেন ।

হুঃখের বিষয়, সকল মানবের মনের গতি সমান নহে । কমলিনী যে কারণে ও যে প্রযুক্তির উত্তেজনার এত কথা বলিলেন, যোগেন্দ্রের মনের গতি অন্যবিধ হওয়ায় তিনি তাহার অন্যবিধ অর্থ করিয়া লইলেন । তিনি বুঝিলেন যে, কমলিনীর ন্যায় উদার-স্বভাবা, স্নেহ-পরায়ণা কামিনীকে পাষাণী বলিয়া দুর্ভীক্য প্রয়োগ করায়, তাহার মর্মে আঘাত লাগিয়াছে ; সেই জন্য তিনি কাঁদিয়াছেন এবং আমাকে নিষ্ঠুর বলিয়াছেন । ভাবিলেন কথাটা ভাল হয় নাই । বলিলেন,—

“কমলিনি ! আমার উপর রাগ করিও না, বিনোদিনী তোমার প্রাণাপেক্ষা প্রিয়তমা তাহা আমি জানি । তাহার মিন্দাসূচক কোন কথা বলিতে তোমার অনেক কষ্ট সন্দেহ কি ? কিন্তু আমি তাহা জানিবার জন্য বেরূপ ব্যাকুল হইয়াছি তাহা তোমায় বলিয়া কি বুঝাইব ? সেই জন্যই যদি একটা রুঢ় কথা মুখ হইতে বাহির হইয়া থাকে তবে আমাকে ক্ষমা কর । তোমার চক্ষের জল দেখিলে আমি অত্যন্ত কষ্ট

পাই। আমাকে সমস্ত কথা বলিয়া এ বাতনা হইতে নিষ্কৃতি দেও।”

কমলিনী মনে মনে বলিলেন,—

“পাপ বিনোদিনী! বিনোদিনীর চিন্তায় তুমি ব্যাকুল হইয়াছ। বিনোদিনীকে না ভুলিলে—সে তোমার চক্ষে বিষ না হইলে, আমার আশা নাই। তাহাই করিব। আমার বাসনা পূর্ণ না হয় সেও ভাল, তথাপি তোমাকে আমি বিনোদিনীর থাকিতে দিব না।”

প্রকাশ্যে বলিলেন,—

যোগেন্দ্র! তুমি অত্যন্ত কষ্ট পাইতেছ, তাহা আমি বুঝিতেছি। তোমাকে এ কষ্ট হইতে উদ্ধার করিতেছি, কিন্তু তুমি বল যে, বিনোদিনীর কোন দোষ গ্রহণ করিবে না।”

যোগেন্দ্র জানিতেন না যে, কিরূপ ঘটনার প্রাবল্যে কি রূপ মানসিক প্রবৃত্তি কিরূপ পরিবর্তন পরিগ্রহ করে। এই জন্যই বলিলেন,—

“এ বিষয়ে তোমার অনুরোধ করা বাহুল্য। বিনোদিনী সহস্র অপরাধে অপরাধিনী হইলেও আমার মার্জনীয়। আমার চক্ষে বিনোদ সততই অমৃতের আগার।”

কমলিনী মনে মনে বলিলেন,—

“যতক্ষণ সে বিষ না হয়, ততক্ষণ আমিই কোন্ ছাড়িব?”

প্রকাশ্যে বলিলেন,—

“ভগবানের কাছে প্রার্থনা, যেন তাহার প্রতি তোমার এইরূপ স্নেহই চিরদিন থাকে। সে বালিকা—তাহার কোন দোষ হইলে তোমার মার্জনা করাই উচিত। কোন সংবাদ তোমার প্রয়োজনীয় বল।”

“বল, বিনোদ অন্তর্কর্ত্তী কি না।”

“না।”

যোগেন্দ্র চমকিয়া বলিলেন,—

“তবে তুমি আমার তাহা বলিয়াছিলে কেন?”

“তোমারই ভুল ;—একটা ওরূপ কথা না বলিলে তখন তোমার চিন্তা যায় না, স্মৃতরাং রোগও দারে না ।”

“বিনোদিনী ভাল আছে ?”

“আছে ।”

“আমার পত্র তাহার হস্তগত হইয়াছে ?”

“আমি তো দেখিয়াছি, সে তোমার কয় খানি পত্র পাইয়াছে ।”

যোগেন্দ্র কিয়ৎকাল নিস্তব্ধ থাকিয়া বলিলেন,—

“তাহার উত্তর দেয় নাই কেন, বলিতে পার ?”

“জানি না । আমি এ কথা তাহাকে বার বার বলিয়াছি, কিন্তু কি জানি, সে আজি কালি কি এক রকম হইয়াছে ।”

যোগেন্দ্র অনেককণ চিন্তা করিয়া বলিলেন,—

“দেখ কমলিনি, আমি অন্য বাহা হইবার নহে, তাহাই শুনিতেছি । অন্তে এরূপ কথা বলিলে, আমার তাহা বিশ্বাসই হইত না । কিন্তু তুমি নিতান্ত অনিচ্ছার, আমার বার বার অনুরোধে এ কথা বলিতেছ, আমার বোধ হয় বিনোদ বা পাগল হইয়াছে ।”

কমলিনী মনে মনে বলিলেন,—

“বিনোদ ! এ ভগতে তুইই স্মৃষ্টি । তোর প্রতি যোগেন্দ্রের ভাল বাসার পরিমাণ নাই । কিন্তু আমি তাহা থাকিতে দিব না । কখনই না ।”

প্রকাশে বলিলেন,—

“তাহাই বা কেনন করিয়া বলিব ? বিনোদ সাংসারিক কোন কার্যে ভুল করে না, কখন একটীও অসংলগ্ন কথা বলে না, হস্ত কৌতুকে তাহার বিরাম নাই, তবে কেনন করিয়া বলি বিনোদ পাগল হইয়াছে ? তোমার বলিতে কি যোগেন্দ্র, আমি বিনোদিনীর চিন্তায় অস্থির হইয়াছি । সুযোগযতে, সময়ক্রমে তোমার সহিত এ বিবরের পরামর্শ করিব ভাবিয়াছিলাম, অন্য ঘটনাক্রমে তাহা তুমি জানিতে পারিলে

ভালই হইল । এক্ষণে শাস্ত মনে তাহার দোষ গ্রহণ না করিয়া সুপরামর্শ স্থির কর । আর প্রশ্ন জিজ্ঞাসা করিও না । আমি আর কিছু জানি না—আর কিছু বলিবও না ।”

যোগেন্দ্র হতাশের স্তায় বলিলেন,—

“আমার আর কিছু জানিবার প্রয়োজন নাই । মাধীর দোষ নাই ; আমি তাহার প্রতি অকারণ কটুক্তি করিয়াছি । তুমি তাহাকে আর কিছু বলিও না ।”

ক্ষণেক চিন্তা করিয়া আবার বলিলেন,—

“আরও দুই একটি কথা তোমায় জিজ্ঞাসা করিব ।”

“বিনোদের সম্বন্ধে ?”

“হ্যাঁ ।”

“আর কেন ? ভাই, রাগ করিও না । বিনোদ বালিকা ।”

“কেন কমলিনি, আমিও বলিয়াছি বিনোদের দোষ গ্রহণ করিব না, বিনোদ আমার পীড়ার সংবাদ পাইয়াছিল কি ?”

“মাথা মুণ্ড তোমায় কি বলিব ? তুমি কিই বা শুনিবে ? আমি শুধু নই জানি, অভাগী বিনীর সর্বনাশ শিরে । এখন দেখিতেছি, তোমার অমুরোধে পড়িয়া, আমি পোড়াকপালী তাহার সর্বনাশ শীঘ্র ডাকিয়া আনিতেছি । যোগেন্দ্র ! আমি যখন তোমাকে এত বলিয়াছি, তখন আরও যাহা জিজ্ঞাসিবে তাহাও বলিতেছি—কিন্তু তোমার এত অমুরোধ শুনিলাম, তুমি আমার একটি অমুরোধ শুনিও । তুমি বুদ্ধিমান, বিঘ্নান ও ধীর । বিনোদ বালিকা । আমার মাথা খাও যোগেন্দ্র, আমার মরা মুখ দেখ, যদি তুমি তাহার প্রতি সহসা রাগ কর, কি তাহার প্রতি কঠিন বিচার কর । আমি জন্মদুঃখিনী—আমার মুখ তাকাইয়া ভাই, বিনোদের প্রতি রাগ করিও না ।”

কমলিনীর চক্ষে জল আসিল । তিনি বহুক্ষণে নয়ন মার্জন করিলেন । মানব-হৃদয় কতদূর সহিতে পারে তাহা কমলিনী জানিতেন ।

যোগেন্দ্র বলিলেন,—

“তাহাই হইবে—একণে বল, বিনোদ আমার পীড়ার সংবাদ পাইয়াছিল কি না ?”

“সেই তো আমাকে রেজর্টারি পত্র দেখাইয়া বলিল,—‘দিদি ! এই সংবাদ আসিয়াছে, কি করা যায় ? কলিকাতার বাসায় যাওয়া সুবিধা নহে ! বিশেষ আমার শরীরটা একণে বড় ভাল নয় । তিনি তিলকে ভাল করেন ; হয়ত একটু অসুখ হইয়াছে, আপনিই দারিয়া যাইবে—আমি গিয়া কি করিব ?’ তাহার কথা শুনিয়া আমি অবাক হইলাম । বলিলাম ‘বিনি ! তোর মতিছন্ন হইয়াছে।’ তার পর আমি স্বয়ং আসিয়া উপস্থিত ।”

যোগেন্দ্র অনেককণ কপোলে কর বিস্তাস করিয়া বসিয়া রহিলেন । সংসার অনন্ত সমুদ্রবৎ বোধ হইতে লাগিল । মনে হইতে লাগিল, এই অনন্ত সমুদ্র মধ্যে তিনিই একমাত্র জীব, প্রতি মুহূর্তেই তরঙ্গে তরঙ্গে আন্দোলিত, বিচলিত ও বিপর্যস্ত হইয়া দূর দূরান্তরে গিয়া পড়িতেছেন । অনবরতই দেখিতেছেন, এই অনন্তরূপ সংসারে আশ্রয় নাই, অবলম্বন নাই, বিপদের সীমা নাই—সন্মুখে, পশ্চাতে, পার্শ্বে অগণ্য হিংস্র বিকট প্রাণী বদন ব্যাদান করিয়া আসিতে আসিতেছে ।

কমলিনী ভাবিতে লাগিলেন,—‘কুপথ্য যথেষ্ট হইল বটে, কিন্তু এত তো হইল না ; একটা বিরেচক দিলেই তো এ দোষ কাটিয়া যাইবে । আরও চাই ।’

প্রকাশে বলিলেন,—

“এখন ও কথার আর কাজ নাই, অন্য কথা কর ।”

গভীর স্বরে যোগেন্দ্র বলিলেন,—

“পাষণ নহি । এ প্রসঙ্গ জীবনে ছাড়িব না । তোমাকে আবার জিজ্ঞাসা করি, এখানে আসার পর বিনোদ তোমাকে পত্র লিখিয়াছে ?”

কমলিনী বেন নিতান্ত অনিচ্ছুর বলিলেন,—

“চিটি—হা—তা—হুই চারি খানা লিখেছে বৈ কি ?”

“তোমার সঙ্গে আছে ?”

“কেমন করিয়া থাকিবে ?”

কণেক চিন্তা করিয়া বলিলেন,—

“এখানে আসিবার সময় যখন গাড়িতে উঠিয়াছি, তখন নীলরতন এক খানি পত্র দিয়াছিল। সে খানা ভাল করে পড়াও হয় নাই। তাহাই কেবল সঙ্গে আছে।”

যোগেন্দ্র বলিলেন,—

“আমাকে সেখানি দাও।”

কমলিনী বলিলেন,—

“তুমি তাহার কি দেখিবে ? আমি তাহা দিব না।”

যোগেন্দ্র চক্ষু রক্তবর্ণ করিয়া কুপিত স্বরে বলিলেন,—

“আমাকে তাহা দিতে হইবে।”

কমলিনী পত্র বাহির করিয়া বলিলেন,—

“তোমায় পত্র দিব না। আমি ইহা খণ্ড খণ্ড করিয়া কেলিতেছি।”

যোগেন্দ্র বাস্তবতা সহ কমলিনীর হস্ত হইতে পত্র কাড়িয়া লইলেন। দেখিলেন, সেই হস্তাকর—সেই চিরপরিচিত হস্তাকর! পত্র পাঠ করিলেন,—

(গোপনীয়)

“দিদি! তুমি আর আমার যোগেন্দ্রের সংবাদ দিও না। যদি তাঁহার কাছে আমার কথা বলিতে হয় তবে বলিও। আমি স্মৃধে আছি। তিনি যেন আমার স্মৃধের ব্যাঘাত না করেন। আমার কোন কথা তাঁহাকে না বলাই ভাল। ইতি

“বিনোদিনী।”

“পুঃ। তুমি কবে আসিবে ?”

যোগেন্দ্র একবার পত্র পাঠ করিলেন । ভাবিলেন অসম্ভব । দ্বিতীয়
বার পাঠ সময়ে হাত হইতে পত্র পড়িয়া গেল । তিনি বলিলেন,—

“কমলিনী ! তোমার সংবাদ শুভ । আমি যে প্রতারণা-জালে জড়িত
ছিলাম, তাহা হইতে অদ্য তুমি আমার মুক্ত করিলে । কে জানিত, যে
পৃথিবীতে এত পাপ থাকিতে পারে !”

যোগেন্দ্র অচেতনবৎ শয্যায় পড়িয়া গেলেন ।

কমলিনী মনে মনে বলিলেন,—

“এত ক্ষণে সম্পূর্ণ বিকার উপস্থিত ।”

নবম পরিচ্ছেদ ।

আর এক দিক ।

“Heav'n and Earth are colour'd with my woe.”

—*Passion.*

এই সময়ে একবার বিনোদিনীর ভব লগুনা আবশ্যক । তাঁহার
অস্তরের কি অবস্থা, তাহা একবার জানা উচিত নয় কি ?

বীরশ্রোমের সেই ভবনের এক প্রকোষ্ঠে বিনোদিনী শয়ন করিয়া
আছেন । প্রকোষ্ঠের দ্বারাদি সমস্ত উন্মুক্ত । হৃদয়সংলগ্ন সেই মনো-
হর উদ্যান বিনোদিনীর নেত্রপথে পতিত—কিন্তু তিনি উদ্যানের
কিছুই দেখিতেছেন না । বিনোদিনী বিষণ্ণা—ঘোর উৎকর্ষার তাঁহাকে
যার পর নাই কাতর করিয়াছে । তাঁহার শরীর রোগীর স্তায় হরল ।

ভাঁহার দেহে লাষণ্য নাই, অঙ্গে ভূষণ নাই, কেশের পানিটা নাই।
সময়ে সময়ে এক এক বিন্দু অক্ষ ভাঁহার নয়ন-কোণে পড়া দিতেছে।
বহুক্ষণ সমভাবে থাকিয়া বিনোদিনী 'হা অগদীশ্বর! তোমার মনে
কি এই ছিল?' বলিয়া দীর্ঘনিশ্বাস ত্যাগ করিলেন। কণেক, সমস্ত
ভুলবেন স্থির করিয়া, সেই উদ্যানের প্রতি নিবিষ্টভাবে চাহিলেন।
দেখিলেন—সরসী হৃদয়ে অমল ধবল মরালমালা বিকসিত প্রস্থনের স্তায়
ভাসিতেছে। একটি পানিকোড়ি বাতিকাশ্রিত ব্যক্তির অনবরত
জলে ডুবিতেছে ও উঠিতেছে। ধার্মিকশ্রেষ্ঠ বক ভটে উপনীত করিয়া
আয়ত্তাগত নিরীহ মৎস্য-জীবন নাশের উপায় অন্বেষণ করিতেছে।
সরোবর পার্শ্ব অশোক বৃক্ষের শাখা হইতে সহসা এক মৎসুরঙ্গ জলে
আসিয়া পড়িল এবং তৎক্ষণাৎ একটি জীবন্ত সফরী চকুপুটে ধারণ
করিয়া প্রস্থান করিল। সরোবরের চতুঃপার্শ্বে নানাবিধ ফুলের গাছ
পর্যায়ক্রমে স্থাপিত; তৎসমস্তের পুষ্প সমস্ত বিবিধ বর্ণ সম্পন্ন। কাহারও
পুষ্প প্রফুল্লিত, কাহারও বা মুকুলিত, কাহারও বা দলরাভিহীন
হইয়া ভূপতিত। স্থানে স্থানে মনোহর লতা সমস্ত নিকুঞ্জকারে
পরিণত। বিনোদিনী দেখিলেন, একটি নিকুঞ্জ মধ্যে হুইটী বুল্ বুল্
প্রবেশ করিল। একটি বুল্ বুল্ পার্শ্ব লতিকায় যে লোহিত ফল
লব্ধিত ছিল তাহা ঠোকরাইল, আরটীও তৎক্ষণ করিতে চেষ্টা করিল
কিন্তু সে যেখানে ছিল সে স্থান হইতে তাহার চকু ফলসংলগ্ন
হওয়া সম্ভাবিত নহে। সে বার্ষ প্রযত্ন হইয়া নিরন্ত হইল, অমনি
প্রথম বুল্‌বুল্টি সরিয়া গিয়া দ্বিতীয়টীকে স্বীয় স্থান প্রদান করিল।
দ্বিতীয়টী ফল না ঠোকরাইয়া প্রথমটীর চকু সহ স্বীয় চকু ধারণ করিল।
প্রথম বুল্ বুল্ "পিক্‌ড়ু পিক্‌ড়ু" শব্দ করিল। সে শব্দের অর্থ কে
বলিতে পারে? বুল্ বুল্ কি বলিল,—

"কি বলে বুঝাব আণ, তোমার কত ভাল বাসি?" হইবে!!
মানব প্রকৃতির উচ্চ মনোবৃত্তি কি বিহঙ্গম হৃদয়েও প্রবেশ করি-

“এত দূর আসিয়া এ বিবেচনা মন্দ নয় ।”

“যত দূর হইয়াছে সেই ভাল, আর না ।”

“যতদূর হইয়াছে তাহাতে তোমার সাধ মিটে কই ? তবে তুমি নিরস্ত হও ।”

কমলিনী অনেক চিন্তা করিলেন । তাঁহার উজ্জল চক্ষু দিয়া যেন অগ্নি বাহিরিতে লাগিল । কহিলেন,—

“নিরস্ত হইব ? তুই কি পাগল ? নিরস্ত হইব—জীবন থাকিতে ? না—না—না—ঐ আশা—ঐ ধ্যান—ঐ জ্ঞান । জীবন মরণের সহিত ও বাসনার দ্বন্দ্ব ।”

“তবে এখনও কল পাতিতে হইবে । এখনও ঠিক হয় নাই—আরও বুদ্ধি খরচ করিতে হইবে ।”

তখন শোণিতপিপাসু ভৈরবীর স্মায় চক্ষু বিকট করিয়া, উন্মাদিনীর স্মায় বিকৃত স্বরে কমলিনী বলিলেন,—

“তাহাই কর—অদৃষ্টে যাহা থাকে হইবে—তাহাই কর । ভুবিয়াছি তো পাতাল কতদূর দেখিব ; বিনোদ আমার শত্রু, তাহার হাড়ে হাড়ে আশুণ আলাইয়া দেও—কিসের মায়া ?”

আর কথা কমলিনী বলিলেন না, ব্যস্ততা সহ গাড়িতে আসিয়া উঠিলেন । মাধী গাড়ি পর্যন্ত তাঁহার সঙ্গে আসিল । মাধী বলিল,—

“তুমি যাও দিদি ঠাকরণ, আমি একটু পরে যাব ।”

দারবান কোচম্যানকে গাড়ি চালাইতে বলিল । গাড়ি ক্রমে অদৃশ হইল ।

একাদশ পরিচ্ছেদ ।

ওঃ !!

“—high winds—

Began to rise ; high passions, anger, hate
Mistrust, suspicion, discord ; and shook
Their inward state of mind, calm regions,
And full of peace, now tost and turbulent
For Understanding rul'd not, and the Will
Heard not her lore”

—Paradise Lost.

মাধী আসিয়া দেখিল, যোগেন্দ্র বাবু এক খানি ঘায়ে বসিয়া
আছেন। জিজ্ঞাসিল,—

“আমাকে কি বলিতেছেন ?”

যোগেন্দ্র একটু হাসিয়া বলিলেন,—

“মাধী ! বল দেখি সুখ কিসে হয় ?”

মাধীও একটু হাসিয়া উত্তর দিল,—

“সুখ ? অনেক টাকা কড়ি, ভাল ঘর বাড়ী, যথেষ্ট সোণা রূপা
ধাকিলে সুখ হয়।”

“তোমার কি কি আছে ?”

“আমার ? আমি গরিব মানুষ, আমার কি থাকবে ? এক খানি
খড়ের ঘর, দুই এক খান কুচো গয়না, আর দু দশ টাকা নগদ আছে।
তোমাদের চরণ ধরে আছি, তোমরা মনে করলে সবই হয়।”

“কত টাকা হলে তোমার পাকা বাড়ী হয় ?”

“বামজান মিষ্টিকে একবার জিজ্ঞাসা করেছিলাম। সে বলে,

দেড় হাজার টাকা হলে কোঠা বাড়ী হয় । তা কোথার পাব জামাই বাবু ? সে মুখ আর এ কেয়ার হলো না ।”

“তোরে আমি যা জিজ্ঞাসা করি, তুই যদি তার ঠিক সবাব দিস্, তবে আমি তোর কোঠা করে দেই ।”

“তা আর বলবো না জামাই বাবু ? কোঠা না করে দিলেই কি ঠিক কথা বলবো না গা ? সে কি কথা ?”

মাধী মনে মনে ভাবিল, তার কপালটা পাতা-চাপা । একটু স্নোর হাওয়া লেগে পাতাটা হঠাৎ সরে গিয়েছে । বড় দিদি বলেছেন, বড় মাহুন করে দেবেন ; আবার জামাই বাবু বলছেন কোঠা করে দেব । মন্দ নয় । জামাই বাবুও আমার কেহ নন, বড় দিদিও কেহ নন । আমার কোন রকমে কিছু হলেই হলো । তাঁহাদের বাহাই কেন হউক না—আমার তাহাতে কি ? যোগেন্দ্র জিজ্ঞাসিলেন,—

“আচ্ছা, বিনোদিনী কেন আমাকে পত্র লেখে না, কেন আমার নাম করে না, বলিতে পারিস্ ?”

মাধী বলিল,—

“তা—তা—তা—আমি কি জানি ?”

যোগেন্দ্র বলিলেন,—

“মাধি ! আমি সব বুঝিতে পারি । কেন যে বিনোদিনী এমন হইয়াছে তাহা তোমার দিদিও জানেন, তুমিও জান । তোমার দিদি, বিবেচনা কর, ভয়ীর কথা বলিবেন কেন ? কিন্তু তোমার বলিতে দোষ কি ?”

মাধী মাথা চুলকাইতে চুলকাইতে বলিল,—

“তা বাবু—তা কি বলিব ?”

“যা জানিস্ তাই বল । দেড় হাজার টাকার কোঠা হচ্ছে আর কি ?”

“বড় ঘরের বড় কথা জামাই বাবু । আমি গরিব,—”

“তোর কোন ভয় নাই—তুই বল্ ।”

“কথাটা বড় শক্ত । না বাবু আমার কোঠার কাজ নাই—তোমার শুনেও কাজ নাই ।”

“না মাধি, বল্ । আমি রাগ করিব না ।”

“পোড়া লোকে কত কথা কয়—সব কি শুন্তে হয় ?”

“তোমার ছোট দিদির কথা কি বলে বলো ।”

“তা বাবু আমি বলিতে পারিব না । আমি খাই, বড় দিদি আবার রাগ করিবেন ।”

মাধীর এইরূপ কৃত্রিম সংগোপন-চেষ্টার যোগেন্দ্রনাথের সন্দেহ ও কৌতূহল চরম নীমায় উঠিল । তিনি তখন বলিলেন,—

“মাধি! তুই আমার নিকট যাহা চাহিবি, তোকে তাহাই দিব । তুই কি জানিস্ বল্ ।”

“না বাবু, আমি খাই—”

মাধী পা বাড়াইল । যোগেন্দ্র তখন অধীর হইয়াছেন । তিনি ব্যস্ততা সহ মাধীর সমীপস্থ হইয়া বলিলেন,—

“মাধি! তোর পায়ে পড়ি, তুই যাহা বলিবি তাহাই দিব, তোর কোন ভয় নাই, তুই বল্ ।”

তখন মাধী বলিল,—

“কি আর বলিব মাথা মুণ্ড ? লোকে বলে ছোটদিদি—”

মাধী চুপ করিল । তখন যোগেন্দ্রনাথের শরীর কাঁপিতেছে ; তিনি চক্ষু বিম্বৃত করিয়া মাধীর কথার শেষ অংশ শুনিবার নিমিত্ত ব্যাকুল হইয়া আছেন । মাধী চুপ করিল দেখিয়া তিনি বলিলেন,—

“কি কি, লোকে কি বলে ? বল ভয় কি ?”

“লোকে বলে ছোট দিদির স্বভাব ভাল নাই ।”

কথা যোগেন্দ্রের কর্ণে প্রবেশ করিল । তিনি প্রথমেই চমকিয়া উঠিলেন । সহসা সেই প্রকোষ্ঠে বজ্র পড়িলে, বা সহসা গলদেশে হলা-

হলধারী ভূয়স্কম দেখিলেও যোগেন্দ্রনাথ তাদৃশ চমকিত হইতেন না । সেই শব্দ তাঁহার স্বপ্নিও কাঁপাইয়া দিল । তাড়িত-প্রবাহের স্থায় সেই কথা তাঁহার সমস্ত শিরার প্রবিষ্ট হইয়া তাঁহাকে বিকম্পিত করিল — সংসার অন্ধকার দেখিলেন । বোধ হইল, যেন অনন্ত অন্ধকার-ময় শূন্য-রাশ্যে তিনি রহিয়াছেন । বোধ হইল, তাঁহার দেহে শোণিত নাই, অস্থি নাই, মজ্জা নাই, চর্মে নাই, কিছুই নাই কিন্তু তিনি আছেন । তাহার পর সংজ্ঞা সংজ্ঞার প্রথম চিহ্ন—যাতনা । সে যাতনা— তাহার তুলনা নাই । শত সহস্র বৃশ্চিক, শত সহস্র ভূয়স্কম, এক কালে দংশন করিলে, বা শত সহস্র শাণিত অসি সহসা শরীরে বিদ্ধ হইলে, সে যাতনার সমান হয় না । বহুকণ পরে যোগেন্দ্র বলিলেন,—

“তুমি যাও । আমার কথা হইয়াছে ।”

মাধী চলিয়া গেল । কোঠার কথা বলিতে তাহার তখন সাহস হইল না । ভাবিল সময়ান্তরে সে প্রস্তাব করা যাইবে । কি যেনে হইল, যোগেন্দ্র উঠিয়া আবার চীৎকার করিতে লাগিলেন,—

“মাধি, মাধি !”

মাধী আবার আসিল ।

যোগেন্দ্র জিজ্ঞাসিলেন,—

“তাহার দোষের প্রমাণ দেখাইতে পার ?”

“তা বাবু—চেষ্টা করে দেখিলে বলা যায় । কেমন করিয়া বলি ?”

“কে এই কুলটার হৃদয়বহুত জান ?”

“কি জানি বাবু ? লোকে বলে—হরগোবিন্দ বাবু, মাঠার মহাশয় ।”

যোগেন্দ্র, বকের উপর হস্ত, তাহার উপর আর এক হস্ত দিয়া, উন্মাদের স্থায় সেই গৃহের চতুর্দিকে অনেককণ ঘুরিলেন । মাধী সত্তরে দেখিল, তাহার লোচন-যুগল রক্তবর্ণ, পল্লব-শূন্য, তাঁহার মূর্ত্তি চিজ্জিত পটের স্থায় । ভাবিল কি সর্বনাশ ! বলিল,—

“আমি চলিলাম জামাই বাবু !”

যোগেন্দ্র কোন উত্তর দিলেন না। তাঁহার তখন কথা কহিবার শক্তি নাই, স্বদয়ে স্বদয় নাই, তাঁহাতে তিনি নাই। মাধী চলিয়া গেল।

সন্ধ্যা উত্তীর্ণ হইয়া গেলে—যোগেন্দ্র সেইরূপ ভাবেই রহিয়াছেন। মাধু আসিয়া একটা সেজ জালিয়া দিয়া গেল। আলোক দর্শনে যোগেন্দ্রের মনে বাহ্য জগতের অস্তিত্বের উপলক্ষি হইল। তখন তিনি গৃহ মধ্যস্থ পর্য্যঙ্কে অধোবদনে শয়ন করিলেন—নিদ্রার জন্ত নহে, আরা-
মের জন্ত নহে—অবস্থার পরিবর্তনের সহিত যদি স্বদয় একটুও শান্ত হয়, সেই প্রত্যাশায়। লাভ! শান্তি আর তোমার নিকট আসিবে না। তুমি যে চক্রে নিবদ্ধ হইয়া আবর্তিত হইতেছ, কে জানে, তাহা কোথায় গিয়া থাকিবে। এজগৎ সুখের স্থান নহে। ইহা পাপ, তাপ, দুষ্পুত্রিত্তি ও যাতনার আকর। কেন বুধা শান্তির অন্বেষণ করিতেছ? এ জীবনে আর সে আশা করিও না। ভাঙ্গিতে সকলেই পারে, কিন্তু হার। গঠন করা মানব-সাধোর অতীত! সুতরাং যোগেন্দ্র! যাহা পিয়াছে তাহা আর আসিবে না, তাহা আর হইবে না। তবে কেন ভাই, কষ্ট পাও? এ কথা কে বুকে? যোগেন্দ্র সেইরূপ শয়ন করিয়া আছেন। মাধু আসিয়া জিজ্ঞাসিল,—

“রাত্রে কি আহার হইবে?”

উত্তর,—

“কিছুই না।”

ক্রমে রাত্রি দ্বিতীয় প্রহর উত্তীর্ণ হইল। কলিকাতা নিস্তব্ধ, জীবনের চিহ্ন যেন নগরী হইতে বিদূরিত হইয়াছে। মৃত্যু আসিয়া যেন সমস্ত নগরীকে গ্রাস করিয়াছে বোধ হইতে লাগিল। দূরস্থিত কল সকলের বিকট শব্দ যেন সেই কোমের আরও সহায়তা করিতে লাগিল। যোগেন্দ্র শব্দ্য ত্যাগ করিয়া উঠিলেন। কি করিবেন, স্থির করিতে পারিলেন না। সামান্ত পরিবর্তনেও হরক চিত্ত একটু স্থির হইবে ভাবিয়া যোগেন্দ্র পড়িবার ঘরে প্রবেশ করিলেন। সেই প্রকোষ্ঠে এক খানি টেবেল।

সেই টেবেলের উপর একটি আলোক আলিঙেছে ও কতকগুলি পুস্তক বিকিণ্ড রাখিয়াছে। একোঠের চতুর্দিকে তিস্তি-সমীপে চারিটা আল-মারি। তাহার একটীতে কতকগুলি ঔষধ, একটীতে কতকগুলি চিকিৎসকের অস্ত্র ও বস্ত্র, একটা শাক্স প্রভৃতি এবং অপর দুইটা নানাবিধ পুস্তকে পরিপূর্ণ। টেবেলের এক দিকে এক খানি ক্ষুদ্র কাঠফলকের উপর একটি মানব কঙ্কাল দাঁড়াইয়া জগতের নখরতার সাক্ষ্য দিতেছে, মৃত্যুর পরাক্রমকে উপহাস করিতেছে এবং মানবের অবস্থাকে বিক্ষিপ করিতেছে। টেবেলের অপর তিন দিকে তিন খানি চেয়ার পড়িয়া আছে। যোগেশ্বর একখানি চেয়ারে বসিয়া পড়িলেন। দুই হস্ত দিয়া মস্তকের চুলঙলা একবার আন্দোলন করিলেন। দীর্ঘ নিশ্বাস সহ বলিয়া উঠিলেন, ‘ওঃ’। একে একে গৃহ মধ্যস্থ সমস্ত দ্রব্যের প্রতি চাহিতে লাগিলেন—যদি কোন দ্রব্য কণেকের নিমিত্তও তাঁহার নেত্রকে শান্তি দিতে পারে—তাঁহার মনকে ভুলাইতে পারে। কোথাও তাহা হইল না। অবশেষে তাঁহার চক্ষু সেই সংজ্ঞাশূন্য, চেতনাহীন, শূন্য-গর্ভ মানব-কঙ্কালের প্রতি স্থির ভাবে চাহিল। তিনি তখন উন্মাদের স্থায় বিকৃত স্বরে কহিলেন,—

“কঙ্কাল! এ জগতে তুমিই শ্রেষ্ঠ! তোমার অবস্থা এক্ষণে আমার প্রার্থনীয়। তোমার অভিজ্ঞতা বহু গুণে শ্রেষ্ঠ। তুমি জগতের কি না দেখিয়াছ? যে জগতে পাপ, ভাপ, কপটতা বাস করে—সেই জগতে ভুগিয়া সে সকল পদ-দলিত করিতে শিখিয়াছ। বলিয়া দেও, হে দেব, হে প্রভো! বলিয়া দেও, আমি কি উপায়ে, কি কোশলে, এই যাতনা-সমুদ্র পার হইতে পারি। তুমি যাহাকে তোমার আশ্রয় আশ্রয় জানিয়া ভাল বাসিয়াছ, সে হস্ত ধীরে ধীরে অলক্ষিত ভাবে তোমার হৃদয়ে ছুরিকা বিদ্ধ করিয়া দিয়াছে। বল সর্বজ্ঞ! তুমি কি উপায়ে সে যাতনার হস্ত হইতে নিষ্কৃতি লাভ করিয়া এ জগতে বাস করিয়াছিলে। অথবা হে ভাগ্যবান! হস্ত তোমার স্বপ্নের অদৃষ্টে এ যম-বহুলা দেখা

দেয় নাই। তবে হে মহান্! বলিয়া দেও, কি করিলে এ সংসারে ঐ সকল যন্ত্রণার হস্ত হইতে নিষ্কৃতি লাভ করা যায়। বল বন্ধো! তুমি এ জগতে রমণীর অপেক্ষা কোন অধিকতর স্থণিত জীব দেখিয়াছিলে কি না? হে সৰ্বদর্শিন্! জগতে নারী অপেক্ষা অধিকতর কালকূটময় পদার্থ দেখিয়াছিলে কি? রমণী-প্রেমের ঞ্চয় অসার—কণস্থায়ী আর কোন পদার্থ এ জগতে আছে কি? হে নির্ঝাক! একবার—তোমার চরণে ধরি, এক বার এই বিপন্ন মানবের ক্লেশ নিবারণার্থ দুই একটা উপদেশ দেও। বলিয়া দেও, মরণে কি সুখ? বল, মরিলে কি হয়? যদি কিছুই না বল, হে শূন্য! আমাকে তোমার সহচর কর; আমাকে তোমার অবস্থায় লইয়া যাও। হে শ্রেত! হে ভয়ানক! হে অবশেষ! আমি আছি তোমার অবস্থায় উপস্থিত হইয়া সংসারকে উপেক্ষা করিতে বাসনা করি, তোমার মত রূপান্তর গ্রহণ করিয়া মানব-হৃদয়ের দুর্বলতা ও কাতরতা দেখিয়া হাসিতে অভিলাষ করি, তোমার মত সম্পর্কশূন্য সামগ্রী হইয়া নিস্তরু ভাবে, অবিলিপ্ত অবস্থায় মানব মনের গতি পর্য্যবেক্ষণ করিতে নিতান্ত সাধ করি। হে অতীত! আমাকে তোমার অবস্থায় যাইবার উপায় বলিয়া দেও, আমাকে তোমার সঙ্গী করিয়া লও।”

বলিতে বলিতে যোগেশ্বর চেয়ার ত্যাগ করিয়া উঠিয়া কঙ্কাল-সন্নি-
ধানে গমন করিলেন। বলিলেন,—

“বল নির্ঝয়! আমার তোমার সঙ্গী হইবার উপায় বল। তোমার হস্ত ধারণ করিয়া অহরোধ করি, আমাকে মরণের উপায় বলিয়া দেও।”

যোগেশ্বর ব্যগ্রতার সহিত কঙ্কালের হস্ত ধারণ করিলেন; কঙ্কাল
খট্ খট্ শব্দ করিয়া কাঁপিয়া উঠিল। সেই শব্দে যোগেশ্বরের চৈতন্য হইল।
তিনি হতাশ হইয়া পুনরায় আসিয়া চেয়ারে পড়িলেন।

সূর্য্যদেব ক্রমশঃ পূর্বাকাশের নিয়ন্তাগে দেখা দিলেন। উষার
সম্বোধন সমীরণ জগতকে নূতন জীবন দিতে আসিল। এমন সময় এক
ব্যক্তি ব্যস্ততা সহ সেই প্রকোষ্ঠে প্রবেশ করিলেন। সে ব্যক্তি সুরেশ।

যোগেন্দ্র বাস্তব তাঁহার হস্ত ধারণ করিয়া কহিলেন,—

“ভাই! তোমার কথাই সত্য—ঈশ্বরই সকল সর্বনাশের মূল।”

স্বরেশ যোগেন্দ্রের মূর্তি দেখিয়া চমকিয়া উঠিলেন। বলিলেন,—

“ওঃ!!!”

দ্বাদশ পরিচ্ছেদ ।

প্রেমের পুরস্কার ।

“Out, out Hyæna ! these are thy wonted arts,
And arts of every woman are false like thee,
To break all faith, all vows, deceive, betray——”

Samson and Agonistes.

এক দিন, দুই দিন, তিন দিন করিয়া পনের দিবস অতীত হইল, বিনো-
দিনী সেই দুঃখের পাথারে ভাসিতেছেন। কমলিনী আসিয়াছেন, মাধী
আসিয়াছে। তাহাদের কথায় সরল-হৃদয়া বিনোদিনীর হৃদয় একেবারে
অবসন্ন হইয়া পড়িয়াছে। তাহারা যেরূপ অকাটা প্রমাণ প্রদর্শন করিয়া
যোগেন্দ্রনাথের চরিত্রের কলঙ্ক প্রতিপন্ন করিয়াছে, তাহার সাধ্য আর
তাহা না বিশ্বাস করিয়া থাকিতে পারে? যে বিনোদিনী যোগেন্দ্র-
নাথকে অপপ্রাকৃত মানব বলিয়া জানেন, তিনিও এখন বুঝিয়াছেন যে,
তাঁহার যোগেন্দ্র আর তাঁহার নাই। ইহার অপেক্ষা দুঃখের বিষয় আর
কি আছে?

অদ্য যোগেন্দ্র বাড়ী আসিয়াছেন। তাহাতে বিনোদের কি ? তিনি ত এখন বিনোদের কেহ নহেন—তিনি এখন পরের ধন। যোগেন্দ্র বাড়ী আসিয়াছেন, কিন্তু পুরমধ্যে প্রবেশ করেন নাই! পুরমধ্যে তাঁহার কে আছে? কাহাকে তিনি পুরমধ্যে দেখিতে যাইবেন? কেন বিনোদ? ওঃ—যোগেন্দ্রের সে স্বপ্ন ভাঙ্গিয়াছে—তাঁহার কোমল কুম্ভমে এখন ভুজগ বাস করিয়াছে—তাঁহার চন্দনতরু এখন বিষবৃক্ষ হইয়াছে। তবে কেন?

সক্কা উত্তীর্ণ হইয়া গিয়াছে। বিনোদিনী মলিন বেশে ভূ-শয্যায় শুইয়া কাঁদিতেছেন। ভাবিতেছেন—“জগতে কি বিচার নাই? কি দোষে—হে গুণধাম! কি দোষে আমায় এত শাস্তি দিতেছ? কবে কোন্ দোষে এ অভাগিনী তোমার চরণে অপরাধিনী? অপরাধ যদি হইয়া থাকে—একবার আমায় মার্জনা কর—একবার আমায় বলিয়া দেও, আমি সাবধান হই। আমি জানি, হৃদয়েশ! তোমার স্থায় স্থায়বান ব্যক্তি এ জগতে আর নাই। কিন্তু নাথ! আমার পোড়াকপালের দোষে তোমার সে অতুল ন্যায়পরতা এখন কোথায় গেল? আমি বেশ জানি য, এ দাসী তোমার চরণ-পুলিরও যোগ্য নহে। তোমার মনোরঞ্জন করা কি এ মন্দভাগিনীর সাধ্য? তুমি এই ক্ষুদ্র সেবিকাকে পরিত্যাগ করিয়াছ—ভালই করিয়াছ। যদিও তোমার বিচ্ছেদ সহিয়া বাঁচা আমার সম্ভব হয়, কিন্তু তোমাকে কলঙ্কিত দেখিয়া আমি কোন্ প্রাণে বাঁচিব? তোমার কথা লোকে হাসিতে হাসিতে আন্দোলন করিবে, তাহা কেমন করিয়া সহিব? তুমি যোগেন্দ্রনাথ, তুমি আমার হৃদয় রত্ন, তুমি স্বর্গের দেবতা, তুমি সত্যতার আদর্শ, সেই তুমি আজি পতিত, ভ্রষ্ট, সামান্য ব্যক্তির স্থায় ইল্লিরান্দু, তোমার এই কলঙ্ক—হে হৃদয়নাথ! তোমার এই ভয়ানক অধঃপতন দেখিয়াও কি অভাগিনীর বাঁচিতে হইবে?”

তখন সেই পতিগত-প্রাণা, বিগত-হৃদয়া বিনোদিনী মুখ লুকাইয়া অনেক কণ কাঁদিল। কাঁদিয়া বলিল,—

“আমার নামও ত তোমার হৃদয়ে আর নাই, কিন্তু তুমি আমার হৃদয়ের দেবতা । তুমি আমার মুখ না দেখ না দেবিবে, কিন্তু তুমি একবার বাণীর ভিতরে আইন, আমি অন্তরাল হইতে তোমার হৃদয়-হারী মুখ খানি একবার দেখি ।”

বিনোদিনী যখন ছু-শস্যায় শয়ন করিয়া এই রূপ রোদন করিতে করিতে অশ্রুধারায় ধরনী সিক্ত করিতেছেন, সেই সময়ে সেই একোঠে হরগোবিন্দ বাবু প্রবেশ করিলেন । তখন রাত্রি প্রায় দশটা । হরগোবিন্দ বাবু আসিয়া বলিলেন, —

“বাছা ! এত কাঁদিলে কি হইবে ?”

বিনোদিনী বাস্ততা সহ উঠিয়া বলিলেন,—

“কি করিলেন ?”

“এখনও কিছু হয় নাই ।”

তখন বিনোদিনী বিষণ্ণ ভাবে বলিলেন,—

“তবে আমার কাঁদা ভিন্ন কি গতি ?”

“বাছা ! কাঁদিলেই তো ফল হয় না । কাঁদিবার সময় আছে—এখন পরামর্শের প্রয়োজন ।”

“আমি আপনাকে কি পরামর্শ দিব ?”

“আর কাহার নিকট, তবে এ গুপ্ত কথা ব্যক্ত করিয়া পরামর্শ চাহিব ? তুমিই পরামর্শ দিবে । আমি যোগেন্দ্র আমার খানিক পবে তাঁহার সহিত সাক্ষাৎ করিতে চেষ্টা করিয়াছিলাম, কিন্তু তিনি শরীর ধারাপ ওজর করিয়া আমার সহিত দেখা করিলেন না ! যোগেন্দ্র শরীর ধারাপ বলিয়া আমার সহিত দেখা করিলেন না, ইহাতে আমি বিশ্বাস-পন্ন হইয়াছি ! আমার বোধ হয়, যোগেন্দ্র নংসারের উপর কিছু বিরক্ত হইয়াছেন, সেই ক্ষণেই হয়ত যাহারা পরম আত্মীয় তাহাদিগেরও সহিত সাক্ষাৎ করিতেছেন না ।”

“তবে এখন কি করিবেন ?”

“কল্যা যেমন করিয়া হউক যোগেশ্বরের সহিত সাক্ষাৎ করিব ।”

“তাহার পর ?”

“তাহার পর তাহাকে কাণ ধরিয়া তোমার নিকট আনিয়া দিব । যোগেশ্বর কখন মন্দ হইতে পারে না । আমি দেখিলেও তাহা বিশ্বাস করি না, তাহার মনের মধ্যে নিশ্চয় একটা গোল হইয়াছে । সেটা আমি তাহার সহিত একটা কথা कहিলেই বুঝিতে পারিব এবং তখনই সব কলহ মিটাইয়া দিব ।”

আশা, আনন্দ ও যত্নগা সম্মিলিত হইয়া বিনোদিনীর হৃদয়ে এক অনির্কচনীয় ভাবের আবির্ভাব করাইল ।

তিনি কাঁদিতে কাঁদিতে মাষ্টার মহাশয়ের পদপ্রান্তে পড়িয়া कहিলেন,—

“সে আপনার গুণ । যদি তাহা হয়, তাহা হইলে আপনি আমাকে আবার জীবন দিবেন । আপনি আমার রক্ষা করুন । এ কষ্ট আমি আর সহিতে পারি না ।”

হরগোবিন্দ বাবু বিনোদিনীর হাত ধরিয়া উঠাইয়া বলিলেন,—

“মা ! এত কাতর হইও না । এ সংসারে আমার স্বামী নাই, পুত্র নাই, কন্যা নাই । তুমি আমার সন্তানের অপেক্ষাও অধিক । বাছা ! তোমার চক্ষে জল দেখিলে আমি বড়ই কষ্ট পাই, শান্ত হও—ভয় কি মা ?”

এই বলিয়া হরগোবিন্দ বাবু বিনোদিনীর বস্ত্রাঞ্চল দ্বারা তাঁহার নেত্র মার্জনা করিয়া দিতে লাগিলেন ।

যখন গৃহাভ্যন্তরে এইরূপ কথাবার্তা হইতেছিল, তখন একটা মনুষ্য বাহিরের বারান্দায় দাঁড়াইয়া সাসির মধ্য দিয়া সমস্ত ব্যাপার প্রত্যক্ষ করিতেছিলেন । তিনি গৃহাভ্যন্তরস্থ ব্যক্তিদের কার্য সমস্তই দেখিতে-ছিলেন বটে, কিন্তু তাঁহাদের কথোপকথনের এক বর্ণও শুনিতে পাইতে-ছিলেন না । সেই ব্যক্তি যোগেশ্বর । যোগেশ্বর দস্তে দস্তে নিপীড়ন করিতে করিতে ভাবিলেন,—

“আর কেন ?—বাকি কি—বধেট !”

হরগোবিন্দ বাবু বলিলেন,—

“এখন তবে আসি মা ? কালি প্রাতে আমি তোমার স্বসংবাদ আনিয়া দিব ।”

হরগোবিন্দ প্রস্থান করিলেন । বিনোদিনী ধীরে ধীরে তাঁহার পশ্চাৎ পশ্চাৎ চলিলেন । বিনোদ যখন সিঁড়ির নিকট উপস্থিত হইলেন, তখন দূর হইতে দেখিলেন, যোগেন্দ্র আসিতেছেন । আক্লাদে হৃদয় উৎক্লম্ব হইল । ভাবিলেন, “এক বার উঁহার চরণ ধরিয়া কাঁদিব ।” এই ভাবিয়া বিনোদ সিঁড়ির রেল ধরিয়া দাঁড়াইয়া রহিলেন । যোগেন্দ্র নিকটস্থ হইয়া দেখিলেন, বিনোদিনী । তাঁহার শরীর কাঁপিয়া উঠিল, হৃদয় বিচলিত হইল এবং বদনে দারুণ ক্রোধের চিহ্ন প্রকটিত হইল । বিনোদ তখন আক্লাদে, শোকে, আশায় এবং নৈরাশ্রে অবসন্ন । তিনি সংজ্ঞাহীনার স্থায় কাঁপিতে কাঁপিতে “হৃদয়েশ” বলিয়া যোগেন্দ্রের পাদমূলে পড়িয়া গেলেন ।

তখন যোগেন্দ্র

“যাও—দূর হও—! তুমি আমার কেহ নহ—আমিও তোমার কেহ নহি !”

বলিয়া সজ্ঞোরে বিনোদিনীকে পদাঘাত করিয়া চলিয়া গেলেন । বিনোদিনী মুচ্ছিতা হইয়া সেই স্থানে পড়িয়া রহিলেন । যখন মুচ্ছা ভাঙ্গিল, তখন বিনোদিনী কপোলে করবিশ্বাস করিয়া কহিলেন,—

“এখন মরণের উপায় কি ?”

ত্রয়োদশ পরিচ্ছেদ ।

সাহস ।

"Hence vain deluding joys,
The brood of folly without father bred,
How little you bested,
Or fill the fixed mind with all your toys ;
Dwell in some idle brain
And fancies fond with gaudy shapes possess
As thick and numberless
As the gay motes that people the sun beams
Or likest hovering dreams,
The fickle pensioners of Morpheus' train."

—*Il, Penseroso.*

রাত্রি ১টা বাজিয়াছে। যোগেশ্বরনাথ শয়ন করেন — নিদ্রার ইচ্ছাও হয় নাই, গৃহ মধ্যে পদচারণা করিয়া বেড়াইতেছেন। সেই গৃহ মধ্যে একটি উজ্জ্বল আলোক জ্বলিতেছে ;—সেই আলোক যোগেশ্বরের ছায়া একবার গৃহের পূর্ব ভিত্তিতে আর একবার পশ্চিম ভিত্তিতে অঙ্কিত করিতেছে। তাঁহার চিন্তের অবস্থা ভয়ানক, সংকল্প-শূন্য, উন্মাদের স্তায় অব্যবহিত ! যখন মন উত্তাল ভাবনাগরে ভাসিতে থাকে, তখন কি স্থির সংকল্পের উপকূল প্রাপ্ত হওয়া যায় ? সে একটু শান্তি-সাপেক্ষ। এখন সে শান্তি কোথায় ? রাত্রে যোগেশ্বর আহার করেন নাই। বারণ করিয়া দিয়াছেন যে, তাঁহাকে কেহ কোন কথা না বলে, বা কেহই তাঁহার সহিত দেখা করিতে না আইসে। তাঁহার ভয়ে কেহই তাঁহার আর লজ্জন করিতে সাহস করে নাই।

অন্তঃপুর মধ্যে একটি কুস্তকায়া কামিনী একটি গৃহ মধ্যে বসিয়া নীরবে রোদন করিতেছেন। সে কামিনী বিনোদিনী। সেই গৃহে একটি কীর্ণ আলোক জ্বলিতেছে। সেই আলোক-সম্মুখে মর্ষপীড়িত মরল স্বভাবা বিনোদিনী বসিয়া বস্ত্র মধ্যে মুখ লুকাইয়া রোদন করিতেছেন। তাঁহার সম্মুখে এক জন কি যুদাইতেছে। বিনোদ ভাবিতেছেন,—“আর কি জন্ত এ প্রাণ? যাঁহার জন্ত আমি, তিনি যদি আর আমাকে না চাহেন, তবে আমাতে প্রয়োজন? হে দীনবন্ধো! এই কুস্ত্র রমণীকে কেন এই অতুল প্রেমার্ণবে ডুবাইয়াছিলে? এত রক্ত প্রবাল আমি দেখিলাম কিন্তু কিছুই লইতে পারিলাম না তো। হে প্রভো! কেন আমাকে এই অতুল ভাণ্ডার দেখাইলে? যদি দেখাইলে কেন আমাকে তাহা ভোগ করিতে দিলে না? কেন আমাকে সেখানে থাকিতে দিলে না—কেন আমাকে তখনই দূর হইয়া যাইতে আজ্ঞা দিলে—কেন দয়াময়! আমাকে এ লোভে মজাইলে—কেন আমার হৃদয়ে এ অগ্নি জ্বালিলে? যদি জানিতেন যে, আমাকে ইহা ভোগ করিতে দিবে না—আমাকে এখানে থাকিতে দিবে না,—তবে কেন আমাকে ইহা দেখাইলে? আমি কণেক মাত্র—অনাথনাথ! এই রক্ত কণ্ঠে ধারণ করিয়াছি, এখনও তাহার উজ্জ্বল জ্যোতিতে আমার নয়ন মন অগ্নির রহিয়াছে—আমি এখনও তাহার প্রতি ভাল করিয়া চাহিতে পারি নাই, ইহারই মধ্যে—হে জগদীশ! কেন তাহা আমার কণ্ঠ হইতে কাড়িয়া লইতেছ?”

তখন বিনোদিনী আবার কাঁদিতে লাগিলেন। আবার বস্ত্রে বদন আবৃত করিলেন। বহুক্ষণ পরে আবার ভাবিলেন,—

“দয়াময়! যাহা ভাল বুঝিলে তাহা তো করিলে। এক্ষণে এই কর, কালি যেন আমি নিরীক্সে এ পৃথিবী হইতে প্রস্থান করিতে পারি—কালি যেন এ হুর্ভাগিনীর মুখ লোকে না দেখে।”

বিনোদিনী আবার ভাবিতে লাগিলেন,—

“মরিবই ত স্থির, কিন্তু আর একবার—মৃত্যুর পূর্বে—আর এক-
বার—তাহাকে দেখিতে পাইব না—তাহার কথা শুনিতে পাইব
না?”

কিয়ৎকাল পরে বিনোদিনী ধীরে ধীরে উঠিয়া দাঁড়াইলেন।
দাঁড়াইয়া ধীরে ধীরে ডাকিলেন,—

“শুণো!—শুণো!”

শুণো তখন অকাতরে ঘুমাইতেছিল—উত্তেজিত হওয়া গেল না।
তাহার পরে বিনোদিনী ধীরে ধীরে ঘরের নিকট আসিয়া ধীরে ধীরে
ঘর খুলিলেন। কণেক বিহ্বলতার স্থায় দাঁড়াইয়া কি চিন্তা করিলেন।
তাহার পর স্থির করিলেন,—

“ভয় কেন? তিনিতো আমায় দেখিতে পাইবেন না, তাহাকে
আমি দেখিব বইত না—তবে ভয় কি?”

ধীরে ধীরে বিনোদিনী গৃহের বাহিরে আসিলেন। একটা, দুইটা,
তিনটা করিয়া গৃহ পার হইয়া ক্রমে প্রাক্ষণে উপস্থিত হইলেন। যে
গৃহে যোগেন্দ্র অবস্থান করিতেছিলেন, তাহার আলোক বাতায়ন ভেদ
করিয়া বিনোদিনীর নেত্রে আসিয়া লাগিল। তিনি কাঁপিয়া উঠিলেন।
কণেক গমনের শক্তি তিরোহিত হইয়া গেল। দুঃখিনী বিনোদিনী
তখন সেই ধূলিময় প্রাক্ষণে বসিয়া পড়িলেন। ভাবিলেন, “হৃদয়েশ!
সেই তুমি, সেই আমি, কিন্তু আজি আমরা পর হইতেও পর। যে
তোমার নাম শুনিতে নাচিয়া উঠিত আজি সে তোমার সহিত সাক্ষাৎ
করিতে ভয়ে অবসন্ন হইতেছে। ভয় কি অপমানের জন্য—ভয় কি অনা-
দরের জন্য? তাহা নহে নাথ! তোমার নিকট আমার মান নাই, অপ-
মান নাই, আদর নাই, অনাদর নাই—তোমার সম্বোধই আমার
জীবনের ব্রত। ভয়—পাছে তুমি আমাকে দেখিতে পাও, দেখিলে
তোমার সম্বোধ জন্মিবে না তো? আমি তো আর তোমার সে আনন্দ-
প্রদীপ নহি। আমি এক্ষণে— তোমার ক্রেশের কারণ। সেই জন্মইতো

প্রাণনাথ ! শঙ্কর করিয়াছি, এ জীবন রাখিব না। আমার জীবনের
ব্রত সমাপ্ত হইয়াছে, আর কেন ?”

আবার বিনোদিনী দাঁড়াইলেন। তাহার পর ধীরে ধীরে সাহসে
ভর করিয়া অগ্রসর হইলেন। ক্রমে বারান্দার উঠিলেন। আর এক
পদ বাড়াইলে বাতায়ন দিয়া যোগেশ্বরকে দেখা যায়। ভাবিলেন,—

“যাঁহাকে হৃদয়ের উপর রাখিয়াও পলকে হারাইতাম, আজি
তাঁহার সহিত এই সঙ্ক ? তাঁহাকে আজি চোরের ছায়া দেখিতে আসি-
তেছি।”

সাহসে ভর করিয়া বিনোদিনী আর এক পদ বাড়াইলেন। বাতা-
য়নের ফাঁক দিয়া গৃহ মধ্যে নেত্রপাত করিলেন। দেখিলেন, সেই হৃদয়-
হারী মূর্তি—সেই যোগেশ্বর। তখন বিনোদিনীর সংজ্ঞা বিমূগ্ধ হইয়া
গেল। তিনি সেই বাতায়ন ধরিয়া সেই খানে বসিয়া পড়িলেন।
বসিয়া থাকাও অসম্ভব হইল—বিনোদিনী সেই ভূমিতলে পড়িয়া
গেলেন। বহুক্ষণ পরে মস্তিষ্ক অপেক্ষাকৃত স্থির হইলে মনে মনে
বলিলেন,—

“এই দেখাই শেষ। আর তোমার সহিত ইহজন্মে সাক্ষাৎ হইবে
না। মরণ এক্ষণে আমার পক্ষে হৃৎথের বিষয় নহে। তবে হৃৎথ এই
হৃদয়নাথ ! এ অস্তিত্বে তোমার সহিত একটা কথা কহিয়া প্রাণ ছুড়াইতে
পারিলাম না ! তাহা তো হইবে না ; যাঁহাতে তুমি অশ্রুধী হও তাহা
তো করিব না। প্রাণেশ্বর ! তোমার চরণে যেন জন্ম জন্মান্তরে স্থান
পাই।”

আবার বিনোদিনী উঠিয়া দাঁড়াইলেন। আবার সেই বাতায়ন
দিয়া প্রকোষ্ঠ মধ্যে দৃষ্টিপাত করিলেন। আবার দেখিলেন সেই
যোগেশ্বর—তাঁহার সেই যোগেশ্বর ! মনে ভাবিলেন,—

“ভগবান ! এ অভুলনীর রক্ত তোমারই সৃষ্ট ! কে বলিবে, তুমি
নির্ধর ? এক দিনও তো এই রক্ত আমার ছিল, ইহাই কি নামান্ত

সৌভাগ্য ! ইচ্ছাময় ! এ জীবনে দুঃখিনীর সমস্ত সাধই তো ফুরাইল ।
যেন ভয় ভয়ান্তরে ঐ চরণে আমার স্থান হয় । অগতির গতি !
তোমার চরণে মনভাগিনীর এই শেষ প্রার্থনা ।”

এই সময়ে একবার যোগেন্দ্রনাথ চিত্তের অস্থিরতা হেতু শান্তির
অবেশে বাহিরের বারান্দার আসিলেন । বিনোদিনী যে স্থানে দাঁড়াইয়া
আছেন, বারান্দার প্রান্ত ভাগে আসিলে সে স্থান দেখা যায় । একবার
বিনোদিনী ভাবিলেন, “একবার—এই অস্তিমে একবার—চরণে পড়ি,
একটা কথা কহি ।” আবার ভাবিলেন, “ও হৃদয়ে তো আমার নামও
নাই, তবে কেন উঁহাকে ত্যক্ত করিব ? উনি ধর্মভীরু ব্যক্তি ; আমাকে
দেখিলে উঁহার কেবল কষ্ট । এ জীবনে উঁহাকে কষ্ট দিব না ।” আবার
ভাবিলেন, “বতকণ জীবন আছে ততকণ কেন এই খানেই বসিয়া
থাকি না ; এ সুখ ছাড়ি কেন ?” আবার ভাবিলেন, “যদি উনি
এ দিকে আইসেন তবে তো আমাকে দেখিতে পাইবেন, না—লোভ
ত্যাগ করাই ভাল ।”

তখন বিনোদিনী করযোড়ে উর্দ্ধনেত্রে মনে মনে কহিলেন,—

“হে অনাধনাথ ! হে ইচ্ছাময় ! আমার জীবলীলা তো সাক হইতে
চলিল ; আমার সুখ দুঃখ তো অচিরে ফুরাইবে । কি হৃদয়াময় ! ঐ
ব্যক্তি, দুঃখিনীর ঐ সর্বস্বধন, অভাগিনীর ঐ জীবনসর্বস্ব, উঁহার চরণে
যেন কুশাকুরও না বিঁধে ; উঁহাকে যেন এক বারও দীর্ঘ নিশ্বাস না
কেলিতে হয় ; উঁহার সুখ যেন অব্যাহত থাকে । যে দুঃখিনী এখনই
তোনার শান্তিময় চরণের আশ্রয় লইবে তাহার এই প্রার্থনা, হে অগ-
দীশ ! অবহেলা করও না ।”

তাহার পর যোগেন্দ্রকে লক্ষ্য করিয়া মনে মনে কহিলেন,—

“হৃদয়েশ ! সুখে থাক ; কখন এ অভাগীর নাম মনে করিয়া
অহুতাপ করও না । আমি নিজ কর্কোচিত কল ভোগ করিতেছি,
তাহাতে তোমার দোষ কি ? ভয় ভয়ান্তরে চরণে স্থান দিও ।”

এই সময়ে যোগেন্দ্রনাথ আবার গৃহ মধ্যে প্রবেশ করিলেন ।
তাঁহাকে আবার দেখিয়া বিনোদিনী মনে করিলেন,—

“ব্রাহ্ম মন ! ও মূর্ত্তি দেখিয়া কি দেখার সাধ মিটাইতে পারিবি ?
তবে কেন ? আর না ।”

তখন অবিরল অশ্রু-জলের স্রোতে বিনোদিনীর বক্ষ ভাসিয়া
যাইতেছে । তিনি পাগলিনীর স্থায় বেগে সে দিক্ হইতে ফিরিলেন এবং
পাগলিনীর স্থায় অস্থিরতা সহ চলিতে লাগিলেন । আবার সেই
প্রাক্ষণের মধ্যে উপস্থিত হইলেন, তখন আবার ফিরিয়া চাহিলেন ।
দেখিলেন, সেই পথ দিয়া সেই আলোক ! তখন বিনোদিনী ধৈর্য্য
হারা হইয়াছেন ; মর্ম্ব-বিদারক স্বরে বলিলেন,—

“ভগবন্ !”

কথাটা যোগেন্দ্রের কাণে গেল । তাহা যে চির পরিচিত বিনো-
দের কণ্ঠস্বর তাহা বুঝিলেন । কি ভাবিয়া সেই দিকের জানালার
নিকটস্থ হইলেন, কিন্তু তখন বিনোদিনী প্রাক্ষণ অতিক্রম করিয়া গৃহ-
মধ্যে প্রবেশ করিয়াছেন, সুতরাং যোগেন্দ্র কিছুই দেখিতে পাইলেন
না । তিনি ভাবিলেন, সকলই তাঁহার অস্থির মনের উদ্ভাবনা । তিনি
সে দিক্ হইতে ফিরিলেন ।

চতুর্দশ পরিচ্ছেদ ।

প্রত্যাখ্যান ।

"My love how could'st thou hope——"

—Samson and Agonistes.

যোগেন্দ্রনাথ অস্থির ! কি করিবেন—কি করিলে এ গুরু যাতনার উপশম হইবে, কি করিলে এ অসীম চিন্তাবেগ শান্ত হয়, কি উপায়ে এ দারুণ বিশ্বাসঘাতকতার প্রতিশোধ হয়, তাহা তাঁহাকে কে বলিয়া দিবে ? কে এমন চিকিৎসক আছে, যে এই সকল দুর্দমনীয় ব্যাধির ঔষধ ব্যবস্থা করিতে পারে ? আমরা জানি মৃত্যুই এ প্রকার ব্যাধির এক মাত্র চিকিৎসক । যোগেন্দ্র এ যন্ত্রণার হস্ত হইতে নিষ্কৃতি লাভের নিমিত্ত কি উপায় স্থির করিতেছেন তাহা আমরা জানি না ; কিন্তু ইহা আমরা নিঃসংশয়ে বলিতে পারি যে, চিত্তের অনল ভিন্ন অন্ত কোথাও ইহার প্রকৃত শান্তি নাই । যে প্রতারণা-সাগরে তিনি ডুবিয়াছেন তাহা হইতে তাঁহার উঠিবার ক্ষমতা নাই, প্রকৃত ঘটনার আলোকে হৃদয়স্থ অবিদ্বান-অন্ধকার দূর হইবার আর সম্ভাবনা নাই, যে উচ্ছে তিনি উঠিয়াছেন, তাহা হইতে আর তাঁহার নামিবার শক্তি নাই—সুতরাং যতক্ষণ তাঁহার দেহে শোণিত-প্রবাহ থাকিবে, ততক্ষণ তাঁহার যন্ত্রণার সীমা নাই । ভূমি, মৃত্যু ভিন্ন এরূপ দুর্ভাগ্য ব্যক্তিকে আর কি সম্পরামর্শ দিতে পার ? এইটী "বধকুস্ত পয়োমুখ" রমণী, স্বাধ সিদ্ধির বাসনার, তাঁহার শরীরের প্রত্যেক স্থানে সুকৌশলে ও অলঙ্কিত ভাবে বিব চাঙ্গিয়া দিয়াছে ; তাঁহার জীবনকে গরলধারী ভূজগ অপেক্ষাও ভয়ানক

বলিয়া প্রমাণ করাইয়াছে ; তাঁহার আনন্দময়ী প্রকৃতি, শান্তিময় স্বভাব ও প্রেমময় জীবন সকলই ক্রোধ, অবিশ্বাস ও ঘৃণার মাকড়সায় বিকৃত করিয়াছে ; তাঁহার হাস্তময় বদনে শোকের গুরুভার চাপাইয়াছে ; তাঁহার প্রকৃত ললাটকেন্দ্রে চিন্তার অঙ্কপাত করাইয়াছে, তাঁহার প্রশান্ত নয়ন শোণিত-লিপ্সু জীবের ছায় উগ্র করিয়া তুলিয়াছে এবং সর্বোপরি, তাঁহার চির সহায় জ্ঞান ও প্রজ্ঞাকে হৃষ্ট বুদ্ধির অধীন করিয়াছে । তবে তাঁহার আছে কি ? কি সুখে তাঁহার জীবন ? ভূমি আমাকে নির্ভর বলিলেও আমি বলিব যোগেন্দ্রনাথের এ ভারভূত জীবন বহন করা অপেক্ষা মরণ অবশ্য শ্রেয়ঃ । কিন্তু যোগেন্দ্রনাথ হয় তো তাহা ভাবিতেন-ছেন না । তিনি হয় তো ভাবিতেন, অগ্রে বিশ্বাসঘাতিনীর দণ্ড—পরে মরণ ।

রাত্রি ৩টা বাজিয়া গিয়াছে ; বসুন্ধরা নিশ্চক ; নিদ্রার শক্তি-প্রভাবে বাহ্য ও অন্তর্জগৎ স্থির । কিন্তু যোগেন্দ্রের পক্ষে অন্তরূপ । তিনি এখনও আগরিত । যোগেন্দ্র সেই গৃহমধ্যস্থ শয্যার পড়িয়া আছেন । শয্যার শরণাপন্ন হইয়াছেন—নিদ্রার আশায় নহে । যদি এরূপে কণেকও চিন্তের শাস্তি হয় ! কোথায় শাস্তি ? শাস্তি তাঁহার নিকট আসিল না । যোগেন্দ্র শয্যা ত্যাগ করিয়া উঠিলেন এবং পার্শ্বস্থ আলমারি খুলিয়া তাহার মধ্য হইতে একখানি ছোরা বাহির করিলেন । যে টেবিলে আলোক জ্বলিতেছিল, তাহার পার্শ্বে একখানি চেয়ার পড়িয়া ছিল, সেই চেয়ারে সেই ছোরা হস্তে উপবেশন করিলেন । ব্যস্ততা সহ আবরণ মধ্য হইতে ছোরা বাহির করিলেন । উজ্জ্বল আলোকের আভা লাগিয়া মার্জিত লৌহ-খণ্ড ঝলসিতে লাগিল । তখন যোগেন্দ্র একবার তাহাব স্পন্দ অগ্রভাগ হস্ত দ্বারা পরীক্ষা করিলেন । তখনই আবার টেবিলের উপর ছোরা ফেলিয়া হস্তের উপর হস্ত, তত্পরি মস্তক রাখিয়া কিছুক্ষণ কি চিন্তা করিলেন । আবার দীর্ঘ নিশ্বাস ছাড়িয়া উঠিয়া দাঁড়াইলেন এবং দুইবার, চারিবার সেই গৃহ মধ্যে পরিক্রমণ করিলেন । আবার

আসিয়া সেই ছোরা হস্তে লইলেন । আবার তাহার উজ্জলতা ও
ভীকৃত্য পরীক্ষা করিলেন । আবার চেয়ারে বসিলেন । তাহার পর
দুই হস্ত দিয়া মস্তকের কেশগুলি আন্দোলন করিলেন । তাহার পর—
তাহার পর সেই তীক্ষ্ণধার ছোরার সূক্ষ্ম অগ্রভাগ স্বীয় বক্ষে স্থাপন করি-
লেন । এমন সময় তাহার পশ্চাদিকস্থ উন্মুক্ত দ্বার দিয়া বেগে এক
সুন্দরী আসিয়া যোগেন্দ্রের উভয় হস্ত ধারণ করিয়া বলিলেন,—

“একি ! একি ! যোগেন্দ্র ! একি ?”

সুন্দরী কম্পাষিতা । তাহার নেত্র দিয়া টম্ টম্ করিয়া জল বরি-
তেছে । যোগেন্দ্র সবিস্ময়ে চাহিয়া দেখিলেন,—কমলিনী ।

যোগেন্দ্র কি অস্ত ছোরা বাহির করিয়াছিলেন এবং কেন তাহা বক্ষে
স্থাপন করিয়াছিলেন, তাহা যদিও আমরা ঠিক করিয়া বলিতে না পারি,
তথাপি ইহা আমরা বেশ জানি, তাহার মনে এখন আত্মহত্যার ইচ্ছা
নাই । এখন প্রতিহিংসা প্রবৃত্তিই তাহার হৃদয়ে বলবতী । যোগেন্দ্র
কমলিনীকে দেখিয়া স্থির করিলেন যে, তাহার হৃদয়ের বেগ এখন বে-
দিকে ধাইতেছে তাহা যদি কমলিনীকে জানিতে দেওয়া যায়, তাহা
হইলে হয়ত বাসনা সিদ্ধির ব্যাঘাত ঘটবে । তিনি হাসিয়া জিজ্ঞাসি-
লেন,—

“এ রাত্রে তুমি কোথা হইতে ?”

যোগেন্দ্র হাসিলেন ? কি ভয়ানক ! যে ব্যক্তির অবস্থা ও ষাটনার
পরিমাণ আলোচনা করিয়া আমরা তাহার নিমিত্ত মৃত্যুর ব্যবস্থা করি-
তেছিলাম, সে আবার তখনই হাসিয়া কথা কহিতেছে ? হাসি কান্নার
কারণ বৃদ্ধি সকলের পক্ষে সমান না হইবে । অথবা হয়ত যোগেন্দ্র
তাহার ক্রেশ রাশির যথ্য হইতে এমন কোন সূক্ষ্ম রহস্য স্থির করিয়াছেন,
যাহা আমাদের ক্ষুদ্রবুদ্ধি ধারণা করিতে অসমর্থ । যাহা হউক তিনি
মধুর হাসির সহিত জিজ্ঞাসিলেন,—

“এ রাত্রে তুমি কোথা হইতে ?”

কমল ভাবিলেন “সাধিলেই সিদ্ধি” একথা কখনই মিথ্যা মনে। যোগেন্দ্র যখন দারুণ মনস্তাপে পুড়িতেছেন এবং আত্মহত্যার উদ্যোগ করিতেছেন, তখনই যে আমাকে দেখিয়া কণেকের মধ্যে ভূতপূর্ব সকল ভুলিয়া গেলেন, ইহা তো নিশ্চয়ই প্রেমের লক্ষণ। আবার ইহার উপর হাসি? এতদিনে—এতদিনে ভগবান বুঝি আমার প্রতি সদয় হইলেন। তিনি স্থির করিলেন, যখন স্রোত আপনিই কিরিতেছে, তখন আর একটু স্রোত হাওয়া হইলে নৌকা শীঘ্রই ঘাটে আসিবে। অতএব আমি আর একটু চাপাইয়া চলি। যোগেন্দ্রের বদনে একবার তীক্ষ্ণ, বিলাসময়ী দৃষ্টিপাত করিয়া বলিলেন,—

“যোগিন্ ! তুমি ত বালক নহ, তোমার একি ব্যবহার? একটা বালিকা—একটা তুচ্ছ বালিকার অন্ত তুমি আত্ম-প্রাণ বিসর্জন দিতে বসিয়াছ?”

যোগেন্দ্র হাসিয়া বলিলেন,—

“সে কথার কাজ নাই। আমি একটা তুচ্ছ বালিকার অন্ত কাতর, তোমায় কে বলিল? রাখাক্ষ! কেন? আমার আরও অনেক সুখ, অনেক আশা আছে। আমি কেন আত্ম-হত্যা করিব?”

কমলিনী বলিলেন,—

“তবে তুমি ছোরা লইয়া কি করিতেছিলে?”

যোগেন্দ্র বলিলেন,—

“ছোরাখানা লইয়া দেখিতেছিলাম। যদি আমার মরিবার বাসনা থাকিত, তাহা হইলে অনেককাল পূর্বে মরিতে পারিতাম, সে বাসনা আমার নাই। ছোরার কথা বলিতেছ? ছোরা এই লও—
“ছোরা কেলিয়া দিতেছি।”

এই বলিয়া যোগেন্দ্র ছোরা লইয়া সম্মুখে দূরে নিক্ষেপ করিলেন।

তখন কমলিনী বলিলেন,—

“যোগেন্দ্র! বিনীর কথা আমি দব শুনিয়াছি। বাহা কেহ কখনও

ভাবিতে পারে না, সে তাহা করিয়াছে। তুমি সব জানিয়াছ বলিয়াই আমি এখন তোমার নিকট এ কথা উপস্থিত করিতেছি। কিন্তু যোগেন্দ্র, তুমি সে ব্যাপার মনে করিয়া আপনার জীবনকে ষাতনার ডুবাইও না। তোমার এই নবীন বয়স, তোমার এই ভুবনমোহন রূপ, তোমার এই দেবদুর্লভ গুণ, তোমার এই সবল ব্যবহার, ইহাতে তোমার নিকট জগৎ বশ। তুমি মনে করিলে কত রমণী তোমার চরণে বিক্রীত হইবে।”

কথা সাক্ষর করিয়াই কমলিনী স্বীয় উজ্জল আরক্ত লোচনদ্বয় হইতে কতকটা উল্লাসকারী সুধা যোগেন্দ্রের নেত্রপথ দিয়া তাঁহার হৃদয় ভাঙারে প্রেরণ করিলেন। কিন্তু সে সুধা যোগেন্দ্রের হৃদয়ে সম্ভোষ জন্মাইল কি না আমরা বলিতে অক্ষম। যোগেন্দ্র কমলিনীর কথার কোন বাচনিক উত্তর দিলেন না। কেবল কমলিনীর নয়নে নয়ন মিশাইয়া একটু হাসিলেন। সে হাসি হইতে কমলিনী আরও আশা পাইলেন। তাঁহার মনে হইল, যোগেন্দ্র গলিতেছেন। আবার সেই আবেশময়ী দৃষ্টি সঞ্চালন করিয়া বলিলেন,—

“যোগেন্দ্র! এ সংসার সুখের জন্ত। শত সহস্র দুঃখ উপস্থিত হইলেও কাঁচর হইবার প্রয়োজন নাই। যাহাতে দুঃখ আছে, তাহা হইতে দূরে সরিয়া যাহাতে সুখ আছে তাহার নিকট যাও।”

যোগেন্দ্র বলিলেন,—

“তাহা আর বলিতে? আমি তোমার হস্তে আমার সুখ দুঃখ সমস্ত সমর্পণ করিলাম। তুমি আমাকে যে পথে চলিতে বলিবে, আমি সেই পথে চলিব।”

হাসির সহিত মিশাইয়া যোগেন্দ্র ঐ কয়েকটা কথা বলিলেন। সেই হাসির সহিত ঐ কথা কমলিনীর হৃদয়ে গিয়া আঘাত করিল। তিনি কাঁপিয়া উঠিলেন। ভাবিলেন, বাসনা তো সিদ্ধ—যোগেন্দ্র ত আমারই। বলিলেন,—

“যোগেন্দ্র ! কেহ যদি কাহাকে ভাল বাসে কিন্তু সে তাহাকে ভাল বাসে কি না জানিতে না পারে, অথবা সমাজের দ্বারে মনের আঙণ মনেই চাপিয়া রাখে, তাহা হইলে তাহার যে কষ্ট তাহা তুমি অনুমান করিতে পার কি ?”

যোগেন্দ্র ভাবিলেন, কমলিনীকে যে ইনানীৎ কেমন কেমন মত দেখিতে পাই, এই রূপ কোন ঘটনাই তাহার কারণ হওয়া সম্ভব ! যাহা এতদিন কমলিনী বলিতে সাহস করেন নাই, আজি দেখিতেছি তাহাই বলিবার অনুষ্ঠান করিতেছেন। ভালই হইতেছে। দেখি যদি এ অসময়েও আমাব দ্বারা তাহার কোন উপকার হয়। বলিলেন,—

“ভালবাসা অনেক রকম। কমলিনি ! ভালবাসা বলিলেই ভালবাসা হয় না। যে ভালবাসায় নরকে স্বর্গ করে, পাপকে পুণ্য করে, নির্ধনকে ধনী করে, শোককে সুখ করে, যে ভালবাসায় নিজের জ্ঞান যায়, বুদ্ধি যায়, বিবেচনা-শক্তি যায়, সেই রূপ ভালবাসাই ভালবাসা। তুমি যে ভালবাসার কথা বলিতেছ, সে কেমন ভালবাসা ?”

কমলিনীর চক্ষু উজ্জ্বল হইল। তিনি বলিলেন,—

“এ ভালবাসা—তোমারে কি বলিয়া বুঝাইব এ ভালবাসা কেমন ? অগতে তেমন ভালবাসা কোথাও নাই, তবে কিসের সঙ্গে তুলনা দিয়া বুঝাইব ?”

যোগেন্দ্র বলিলেন,—

“হইতে পারে, সে ভালবাসা অভ্যস্ত উচ্চ দরের কিন্তু সেই রূপ দৃঢ়তা উভয় পক্ষেই আছে কি ?”

কমলিনী কণেক নীরব থাকিয়া দীর্ঘনিশ্বাস সহ করিলেন,—

“সেই তো হুঃখ। তাহাই জানিতে পারা যায় না, এই তো ব্যথা !”

শুকরী দারুণ উৎকণ্ঠিত ভাবে মস্তক অবনত করিলেন। যোগেন্দ্র কুবিলেন, দারুণ অবজব্য প্রণয়ে পড়িয়া কমলিনী যার পর নাই কষ্ট পাইতেছেন। একটু আশ্বস্ত করিবার অভিপ্রায়ে বলিলেন,—

“হুইতে পারে অপর পক্ষেও সমান ভালবাসা আছে ; কিন্তু সেও
হয়ত সমাজের দায়ে বলিতে পারে না,—

কমলিনী উৎসাহের সহিত বলিলেন,—

“তাহা হুইতে পারে কি যোগেন্দ্র ? তাহা হুইতে পারে কি ? তাহা
হুইলে যোগেন্দ্র, তাহার তখন কি কর্তব্য ?”

যোগেন্দ্র বলিলেন,—

“তাহার তখন প্রেমাস্পদেব হৃদয় পরীক্ষা করিয়া দেখা কর্তব্য ।
সর্বান্ত্রে দেখা আবশ্যিক সে ভদ্রলোক কি না ।”

কমলিনী বলিলেন,—

“সে ভদ্রলোক, সে দেবতা, সে মানুষ নয় ।”

তখন যোগেন্দ্র চেয়ার হুইতে উঠিয়া দাঁড়াইলেন । বেড়াইতে
বেড়াইতে কণেক চিন্তা করিলেন । পরে কমলিনীর সম্মুখে আসিয়া
দাঁড়াইয়া বলিলেন,—

“তাহা হুইলে তাহাকে এ কথা জানান মন্দ নয় ।”

আবার যোগেন্দ্র বেড়াইতে লাগিলেন । কমলিনী বহুক্ষণ কি
চিন্তা করিলেন । তাহার পর বেগে যোগেন্দ্রের চরণে পড়িয়া কহি-
লেন,—

“যোগেন্দ্র ! যোগেন্দ্র ! সে প্রণয়স্পদ তুমি । তুমিই সেই প্রণ-
য়স্পদ । আমি তোমার জন্ত”—আর কথা কমলিনী বলিতে পারি-
লেন না ।

তখন সেই মন্দভাগিনী, সর্বনাশসাধিনী, প্রেমাভিকূতা, রূপের
লভিকা কমলিনী যোগেন্দ্রের চরণ ধরিয়া পড়িয়া রহিলেন । তাহার
কথা শুনিয়া যোগেন্দ্র চমকিয়া উঠিলেন । সহসা দারুণ ভূমিকম্পে
সেই গৃহ যদি বিচূর্ণ হইয়া যাইত, তাহা হুইলেও তিনি ভাঙ্গা চমকিত
হুইতেন না । ভিত্তির উপর হস্ত স্থাপন করিয়া সমস্ত বাপারটা
একবার আলোচনা করিলেন । কমলিনীর নেত্র নিঃসৃত শুষ্ক

অশ্রুবারি তখন তাঁহার চরণ সিক্ত করিতেছিল। তিনি তাহার পর গম্ভীর স্বরে বলিলেন,—

“কমলিনি, যাও! তুমি অপাত্রে প্রণয় স্থাপন করিয়াছ—তোমার আশা কখনই সফল হইবে না। হৃদয়কে শাস্ত করিতে অভ্যাস কর। আমার চরণ ছাড়িয়া দাও।”

কমলিনী চরণ ছাড়িয়া দিলেন না। তখন যোগেন্দ্র কমলিনীর হস্ত হইতে স্বীয় চরণ ছাড়াইবার প্রযত্ন করিলেন। কিন্তু কি ভয়ানক— দেখিলেন, কমলিনীর চৈতন্য নাই! তখন তিনি কষ্টে তাঁহার হস্ত হইতে নিষ্কৃতি লাভ করিয়া এক বার ভাবিলেন, উহার ঐ মুচ্ছাই চিরস্থায়ী হয় তাহা হইলেই ভাল হয়। আবার ভাবিলেন, তাহা কেন? এ জীবনে উহার আরও কতই বাসনা থাকিতে পারে। তখন ফল সেচনাশয়ে কমলিনীর নিকটস্থ হইলেন। দেখিলেন, আপনিই কমলিনীর চৈতন্যের লক্ষণ দেখা যাইতেছে। অমনি তিনি সরিয়া আসিয়া সেই গৃহের অপর সীমায় যে এক খানি কোচ ছিল, তাহার উপর বসিয়া পড়িলেন। কমলিনীর চৈতন্য হইল। তিনি দীর্ঘ নিশ্বাস ত্যাগ করিয়া উঠিয়া বসিলেন। কণেক পরে ধীরে ধীরে সে একোষ্ঠ হইতে বাহিরে গমন করিলেন।

বাহিরে আর একটা দ্বীলোক তাঁহার নিমিত্ত অপেক্ষা করিতেছিল। সে মাধী। কমলিনী মাধীর নিকটস্থ হইয়া বলিলেন,—

“মাধি! আশাতো কুরাইল। আর বাঁচিয়া কি ফল?” মাধী বলিল,—

“ভয় কি দিদি ঠাকুরাণি—আশা কি কুরার? মাধী যতক্ষণ আছে আশাও ততক্ষণ আছে।”

“আর কি উপায়?”

“উপায় আছে, এই বার শেষ উপায়। সে কথা তোমার কানি বলিব।”

মাধী কমলিনীর হাত ধরিয়া তাঁহাকে সঙ্গে করিয়া লইয়া গেল।

“হইতে পারে অপর পক্ষেও সমান ভালবাসা আছে ; কিন্তু সেও
হয়ত সমাজের দায়ে বলিতে পারে না,—

কমলিনী উৎসাহের সহিত বলিলেন,—

“তাহা হইতে পারে কি যোগেন্দ্র ? তাহা হইতে পারে কি ? তাহা
হইলে যোগেন্দ্র, তাহার তখন কি কর্তব্য ?”

যোগেন্দ্র বলিলেন,—

“তাহার তখন প্রেমাস্পদের হৃদয় পরীক্ষা করিয়া দেখা কর্তব্য ।
সর্বত্র দেখা আবশ্যিক সে ভদ্রলোক কি না ।”

কমলিনী বলিলেন,—

“সে ভদ্রলোক, সে দেবতা, সে মানুষ নয় ।”

তখন যোগেন্দ্র চেয়ার হইতে উঠিয়া দাঁড়াইলেন । বেড়াইতে
বেড়াইতে ক্রমে চিন্তা করিলেন । পরে কমলিনীর সম্মুখে আসিয়া
দাঁড়াইয়া বলিলেন,—

“তাহা হইলে তাহাকে এ কথা জানান মন্দ নয় ।”

আবার যোগেন্দ্র বেড়াইতে লাগিলেন । কমলিনী বহুক্ষণ কি
চিন্তা করিলেন । তাহার পর বেগে যোগেন্দ্রের চরণে পড়িয়া কহি-
লেন,—

“যোগেন্দ্র ! যোগেন্দ্র ! সে প্রণয়াস্পদ তুমি । তুমিই সেই প্রণ-
য়াস্পদ । আমি তোমার জন্ত”—আর কথা কমলিনী বলিতে পারি-
লেন না ।

তখন সেই মন্দভাগিনী, সর্বনাশসাধিনী, প্রেমাভিতুতা, রূপের
লভিকা কমলিনী যোগেন্দ্রের চরণ ধরিয়া পড়িয়া রহিলেন । তাহার
কথা শুনিয়া যোগেন্দ্র চমকিয়া উঠিলেন । সহসা দারুণ ভূমিকম্পে
সেই গৃহ যদি বিচূর্ণ হইয়া যাইত, তাহা হইলেও তিনি তাদৃশ চমকিত
হইতেন না । ভিত্তির উপর হস্ত স্থাপন করিয়া সমস্ত বাপারটা
একবার আলোচনা করিলেন । কমলিনীর নেত্র নিঃসৃত তপ্ত

অশ্রুবারি তখন তাঁহার চরণ সিক্ত করিতেছিল। তিনি তাহার পর গভীর স্বরে বলিলেন,—

“কমলিনি, যাও! তুমি অপাত্রে প্রণয় স্থাপন করিয়াছ—তোমার আশা কখনই সফল হইবে না। হৃদয়কে শাস্ত করিতে অভ্যাস কর। আমার চরণ ছাড়িয়া দাও।”

কমলিনী চরণ ছাড়িয়া দিলেন না। তখন যোগেন্দ্র কমলিনীর হস্ত হইতে স্নীয় চরণ ছাড়াইবার প্রযত্ন করিলেন। কিন্তু কি ভয়ানক— দেখিলেন, কমলিনীর চৈতন্য নাই! তখন তিনি কষ্টে তাঁহার হস্ত হইতে নিষ্কৃতি লাভ করিয়া এক বার ভাবিলেন, উহার ঐ মুচ্ছাই চিরস্থায়ী হয় তাহা হইলেই ভাল হয়। আবার ভাবিলেন, তাহা কেন? এ জীবনে উহার আরও কতই বাসনা থাকিতে পারে। তখন জল সেচনাশয়ে কমলিনীর নিকটস্থ হইলেন। দেখিলেন, আপনিই কমলিনীর চৈতন্যের লক্ষণ দেখা যাইতেছে। অমনি তিনি সরিয়া আসিয়া সেই গৃহের অপর সীমায় যে এক খানি কোচ ছিল, তাহার উপর বসিয়া পড়িলেন। কমলিনীর চৈতন্য হইল। তিনি দীর্ঘ নিশ্বাস ত্যাগ করিয়া উঠিয়া বসিলেন। ক্রমেক পরে ধীরে ধীরে সে প্রকোষ্ঠ হইতে বাহিরে গমন করিলেন।

বাহিরে আর একটা ছীলোক তাঁহার নিমিত্ত অপেক্ষা করিতেছিল। সে মাধী। কমলিনী মাধীর নিকটস্থ হইয়া বলিলেন,—

“মাধি! আশাতো ফুরাইল। আর বাঁচিয়া কি কল?” মাধী বলিল,—

“ভয় কি দিদি ঠাকুরানি—আশা কি ফুরায়? মাধী বতকণ আছে আশাও ততকণ আছে।”

“আর কি উপায়?”

“উপায় আছে, এই বার শেষ উপায়। সে কথা তোমার কানি বলিব।”

মাধী কমলিনীর হাত ধরিয়া তাঁহাকে সঙ্গে করিয়া লইয়া গেল।

পঞ্চদশ পরিচ্ছেদ।

চৈতন্য।

"Be frustrate all ye stratagems of Hell.
And devilish machinations come to nought !"

—Paradise Regained.

প্রত্যয়ে যোগেন্দ্র ভবন-সংলগ্ন রাজপথে ভ্রমণ করিতেছেন। সমস্ত রাত্রি তাঁহার নিদ্রা ছিল না। চক্ষু রক্ত বর্ণ, উন্নতের স্থায় স্থির ; শরীর বলহীন ও ক্লশ ; বদন কালিমা-যুক্ত। তিনি চিন্তা করিতেছেন — ভয়ানক ! "হরগোবিন্দকে খুন করিব।" আবার ভাবিতেছেন, "হরগোবিন্দকে কেন ? বিনী বিশ্বাসঘাতিনী, তাহাকেই মিপাত করিব।" আবার ভাবিতেছেন, "মানব-শোণিতে যদি হস্ত রঞ্জিত করিতে হয়, তবে উভয়কেই বধ করিব।" আবার ভাবিতেছেন, "উহারা পাপী কিন্তু আমি উহাদের দণ্ড দিবার কে ? উহাদের পাপোচিত শাস্তির অন্ত ব্যবস্থা আছে, তাহাতে আমার কোনই অধিকার নাই। তবে আমি কেন কলঙ্কিত হই ? আমি কেন এ সংসার ছাড়িয়া যাই না ? এ সংসার আমার সুখের জন্ত নহে। তবে কেন নরহত্যা করিয়া আমার নাম অনন্ত কালের নিমিত্ত নরঘাতীদিগের সহিত এক শ্রেণীভুক্ত করিয়া রাখি ?" আবার ভাবিতেছেন, "এ যাতনা যার কিসে ? সংসার ত্যাগ করিব ; এ স্মৃতি তাহাতেও যাইবে না তো। মৃত্যুই আমার নিকৃতির উপায় ! মরিব — না মরিলে এ অনল নিবিবে না।" আবার ভাবিতেছেন, "মরিব বটে, কিন্তু

এই যে চিন্তা—আমি যাহাকে—ওঃ—না, সে কথায় কাজ নাই—
 নে যে আমাকে প্রতারিত করিয়া পর—না—উঃ—উঃ—এ চিন্তা
 মৃত্যুর পরও আমার আত্মার সঙ্গে সঙ্গে থাকিবে। না তাহা হইবে
 না। উহার কর্তমান থাকিলে মরণেও আমার সুখ নাই। উহা-
 দের না মারিয়া আমি মরিব না। কি জানি যদি বিদ্র বটে—
 অন্যই। দুই জন—দুই জনকেই এক সঙ্গে। বিলম্বে কাজ নাই।
 —আজিই।” ভাবিতে ভাবিতে যোগেশ্বরের রক্ত বর্ণ চক্ষু আরও
 রক্তবর্ণ হইয়া উঠিল, যেন স্থান ত্যাগ করিয়া বাহিরে আসিবার চেষ্টা
 করিতে লাগিল, শরীর কটকিত হইল, কেশ সকল উচ্চ হইয়া
 উঠিল। হত্যা, মৃত্যু, পাপ প্রভৃতি দুঃস্বপ্ন যেন মূর্তিমান হইয়া
 তাঁহার চারি দিকে বেষ্টিত করিয়া নাচিতে লাগিল। দূরে যেন কোন
 দেহ-হীন মূর্তি তাঁহাকে নিকটে আসিবার নিমিত্ত সঙ্কেত করিতে
 লাগিল; তাঁহার শূন্য হস্তে কে যেন তীক্ষ্ণধার অসি দিয়া গেল;
 কতকগুলি বীভৎস, দেহ-হীন আকৃতি যেন তাঁহার চারি পার্শ্বে ঘুরিতে
 ঘুরিতে খন্ খন্ হাসিতে লাগিল, এবং কোন উজ্জ্বল মূর্তি যেন দূরে
 দাঁড়াইয়া বার বার বিনোদিনী ও হরগোবিন্দের নাম উচ্চারণ করিতে
 লাগিল।

যোগেশ্বর যখন এই রূপ উদ্ভাদ, সেই সময়ে একটি লোক ধীরে
 ধীরে তাঁহার নিকটস্থ হইয়া ডাকিল,—

“যোগেশ্বর!”

উত্তর নাই। আগন্তুক পুনরায় ডাকিল,—

“যোগেশ্বর!”

যোগেশ্বরের আশ্রিত স্বপ্ন ভাঙ্গিল। তিনি সন্মোহনকারীর প্রতি
 চাহিলেন—দেখিলেন হরগোবিন্দ বাবু। যোগেশ্বরের মূর্তি দেখিয়া
 হরগোবিন্দ বাবু শিহরিয়া উঠিলেন। যোগেশ্বর নিকটস্থ। হরগোবিন্দ
 বাবু বলিলেন,—

“এ কি যোগেন্দ্র ? তোমার এমন অবস্থা কেন ?”

তখন যোগেন্দ্র উন্মাদের স্থায় ক্ষণেক হরগোবিন্দের বদনের প্রতি চাহিয়া রহিলেন। সহসা উচ্চৈঃস্বরে বলিলেন,—

“যাও, আমার নিকট হইতে সরিয়া যাও, মৃত্যুর নিমিত্ত প্রস্তুত হও, কুলটা বিনোদিনীকেও প্রস্তুত হইতে বল।”

হরগোবিন্দ শিহরিলেন। দস্তে রসনা কাটিয়া বলিলেন,—

“ছিঃ! ছিঃ! যোগেন্দ্র! তুমি পাগল হইলে? তোমার মুখে এ কি কথা? বিনোদিনী—ছিঃ!”

তখন যোগেন্দ্র বঙ্গ-গম্ভীর স্বরে বলিলেন,—

“সরিয়া যাও—মৃত্যু সম্মুখে—দূর হও!”

হরগোবিন্দ অনেকক্ষণ চিন্তা করিলেন। ভাবিলেন, এ কি? যোগেন্দ্র তো উন্মাদ! এখন বোধ হইতেছে, বিনোদিনীর চরিত্র সম্বন্ধে যোগেন্দ্রের সন্দেহ জন্মিয়াছে। কিন্তু আমার উপর ক্রোধ কেন? এখন তো অধিক কথারও সময় নহে। বলিলেন,—

“আমি তোমাকে একটা কথা বলিতে আসিয়াছিলাম, তাহা যদি তুমি না শুন, অন্ততঃ এই চিঠি শুলা পড়িও।”

কমলিনী বিনোদিনীকে যে সকল পত্র লিখিয়াছিলেন, সেই পত্রের ভাড়াটা মাষ্টার মহাশয় যোগেন্দ্রের হস্তে দিলেন। যোগেন্দ্র পত্র লইয়া দূরে নিক্ষেপ করিলেন। হরগোবিন্দ বাবু বিবেচনা করিলেন, এক্ষণে বাদামুবাদ করিতে গেলে অশুভ ভিন্ন শুভ ঘটবে না। ইনি তো উন্মাদ। এ কথা এখনও বাটীর কেহ জানিতে পারে নাই, জানিলে কেহ না কেহ সঙ্গে থাকিত এবং আমিও সংবাদ পাইতাম। আমিও এখন এ কথা কাহাকে জানাইব না। জানাইলে কেবল গোল বৃদ্ধি। ইহাকে ছাড়িয়া যাওয়াও ভাল নয়, আবার আমি সম্মুখে থাকিও ভাল নয়। এইরূপ ভাবিয়া মাষ্টার মহাশয়, যোগেন্দ্রনাথের পার্শ্ব দিয়া চলিয়া গেলেন। যোগেন্দ্র তাঁহার প্রতি চাহিয়াও দেখিলেন না।

যোগেন্দ্রনাথের পক্ষাভে একটি প্রাচীর ছিল, হরগোবিন্দ বাবু সেই প্রাচীরের অন্তরালে গিয়া দাঁড়াইলেন। সেই প্রাচীরে একটি গবাক ছিল, সেই পথ দিয়া যোগেন্দ্রের ভাব দেখিতে লাগিলেন।

বহুক্ষণ পরে যোগেন্দ্রনাথ পক্ষাভে চাহিলেন। দেখিলেন, পথ জনশূন্য। তখন যোগেন্দ্র মস্তকে হাত দিয়া বহুক্ষণ এদিক ওদিক করিয়া বেড়াইলেন। যেখানে চিঠিগুলা পড়িয়াছিল, তাহার পাশ দিয়া যোগেন্দ্র দশ বার যাতায়াত করিলেন। ভাবিলেন,—“এ গুলা কি দেখিলাম না কেন? ইহার মধ্যে বিনোদিনীর কথা নাও থাকিতে পারে—হয় ত আমি ইহা দেখিলে কাহারও কোন উপকার হইতে পারে। আরও দোষ, হয়ত, না দেখিলে কাহারও অনিষ্ট হইতে পারে।” ধীরে ধীরে যোগেন্দ্র চিঠি সকল হাতে করিয়া পড়ি কি না পড়ি ভাবিতে লাগিলেন। এইরূপ ভাবিতে ভাবিতে তাঁহার হস্ত যেন মনের অজ্ঞাতসারে চিঠি গুলা খুলিয়া কেলিল। তখন যোগেন্দ্র ভাবিতে ভাবিতে সেই চিঠির প্রতি দৃষ্টিপাত করিলেন। “যোগেন্দ্র” এই কথাটি তাঁহার নেত্রে পড়িল। দেখিলেন, চিঠি সকল কমলিনীর হস্তলিখিত। চিঠি না পড়িয়া থাকা অসম্ভব হইল। এক খানি চিঠি পড়িতে লাগিলেন,

“বিনোদিনী—

“আমি কলিকাতার আসিয়াই যোগেন্দ্রের সহিত সাক্ষাৎ করিতে গিয়াছিলাম। তাঁহাকে বাসায় দেখিতে পাইলাম না। তাঁহার বাসায় এক জন কির সহিত অনেক কথা বার্তা হইল। তিনি যে এবার “কেন তোমার এক খানিও পত্র লেখেন নাই, তাহা এখন বুঝিতে পারিতেছি। বাহা বাহা শুনিলাম তাহাতে যোগেন্দ্রের চরিত্র মন্দ হইয়াছে বলিয়াই যোধ হয়। তুমি যোগেন্দ্রের জন্য যেরূপ ভাবিতা, তোমার প্রতি যেন যোগেন্দ্রের আর তেমন মাসা নাই। তুমি এ জন্য

“চিন্তা করিও না। তুমি কাতর হইবে ভাবিয়া আমি তোমাকে এসংবাদ
 “জানাইব না মনে করিয়াছিলাম, কিন্তু শেষে ভাবিয়া দেখিলাম যে,
 “হয়ত তোমার দ্বারা ইহার কোন প্রতিবিধান হইতে পারে। যাহা
 “হউক, ভয় নাই। আমি শীঘ্রই যোগেন্দ্রকে বাণী লইয়া যাইবার
 “উপায় করিতেছি। * * * * * ইতি।

“কমলিনী।”

যোগেন্দ্রনাথের মস্তক ঘুরিয়া উঠিল, চিঠি সকল তাঁহার হস্ত-ভ্রষ্ট
 হইয়া পড়িয়া গেল। তিনি সেই স্থানে হতাশ ভাবে বসিয়া পড়িলেন।
 আকাশের প্রতি চাহিয়া করযোড়ে কহিলেন,—

“দয়াময়! তোমার সৃষ্ট অপরিণীম জগন্মধ্যে আমি একটি ক্ষুদ্র
 বালুকাকণা মাত্র। বিধাতঃ! তুমিই জান, আমার শাস্তি বিধ্বংসিত
 করিতে কতই কাণ্ড হইতেছে। বল জগদীশ! আমি ক্ষুদ্রাদপি ক্ষুদ্র—
 কি উপায়ে চিন্তকে স্থির রাখিয়া এই ভীষণ সমুদ্র অতিক্রম করিয়া যাইব?
 কৃপাময়! আমাকে বল দেও, বুদ্ধি দেও, আমাকে এই স্যাপারের
 বহুস্তোষেদ করিতে কয়তা দেও।”

আবার যোগেন্দ্র স্থির হইয়া আর এক খানি পত্র খুলিলেন এবং
 পড়িলেন,

“প্রিয় ভাষা—

“তোমাকে পূর্বেই বলিয়াছি, যোগেন্দ্রনাথের স্বভাব মন্দ হইয়াছে।
 “তিনি একটা কলঙ্কিনী কামিনীর কুহকে পড়িয়া সকল ভুলিয়াছেন।
 “পড়া শুনা নাম মাত্র, কলেজে প্রায় যান না। বাসা কেবল লোক
 “জানাইবার জন্য, সেখানে প্রায় থাকেন না। শুনিলাম তাঁহার সেই
 “নুতন রানী কুৎসিতার একশেষ। তুমি এরূপ চিন্তা করিও না, কত
 “লোক এমন হয়, আবার বেশ ভাল হইয়া যায়। যোগেন্দ্রকে বাণী

হইয়া যাওয়ার কি হয় তাহা তোমার পরে লিখিব । •••••
ইতি ।

“কমলিনী ।”

তখন যোগেন্দ্র উদ্ভাদের স্তায় উঠিয়া দাঁড়াইলেন । বলিলেন,—

“কে জানিত ?—কে জানিত, পরের সর্বনাশ সাধিতে মানব এতই
করিতে পারে ? কমলিনী—কলঙ্কিনী—সর্বনাশিনী—কমলিনী তোমার
এই কাজ ? ক্ষুদ্র প্রবৃত্তির বশবর্তিনী হইয়া তুমি সর্বনাশ করিতে বসি-
য়াছ ? দুইজন—দুইজন কেন—তিন জন নিরপরাধ ব্যক্তির শাস্তি, সুখ,
আশা, জীবন ধ্বংস করিতেছ । ভগবন্! তোমার সৃষ্টির মর্ম্ম কে বুকে ?
কমলিনীর স্তায় লপীর সৃষ্টি করিয়া কি লাভ জগদীশ ?”

যোগেন্দ্রনাথ আবার ভাবিলেন, “হরগোবিন্দ—হরগোবিন্দের
ব্যাপারটা কি ? তাহাকে যে কল্যাণে রাতে নিঃস্রবনে বিনোদিনীর সহিত
আলাপ করিতে শুচকে দেখিলাম, তাহার মীমাংসা কই ? যে আমাকে
এই ব্যাপার বুঝাইয়া দিতে পারিবে, তাহার নিকট আমার জীবনের
স্বাধীনতা বিক্রয় করিতে স্বীকার ।”

আবার আর একখানি পত্র পাঠ করিতে প্রবৃত্ত হইলেন,—

“বিনোদ,

“কল্যাণ বৈকালে যোগীনের সহিত সাক্ষাত হইয়াছিল, কিন্তু বড়
দুঃখের বিষয়—দেখিলাম তিনি মদ খাইতে শিখিয়াছেন ।”

যোগেন্দ্র বলিলেন,—

“কি ভয়ানক—আমি মদ্যপ !”

আবার পড়িতে লাগিলেন—

“আমার সহিত যখন দেখা হইল তখন তাঁহার নেশা ছিল । তোমার
পত্রের কথা মাধী তাঁহাকে জিজ্ঞাসা করিল, আমিও জিজ্ঞাসা
করিলাম । তিনি তোমার সমস্ত পত্রই পাইয়াছেন ; বলিলেন উত্তর
দিতে সময় হয় নাই ।”

আবার ষোগেন্দ্র বলিলেন—

“ধন্য তোমার উদ্ভাবনী শক্তি! ধন্য তোমার কৌশল! বিনোদ
তবে আমাকে পত্র লিখিয়াছিল; কিন্তু আমি তাহা পাই নাই। কেন?
—সেও কমলিনী ও মাধীর কৌশল।”

আবার পড়িতে লাগিলেন,—

“বাটী বাওয়ার কথা সিদ্ধাস্ত করিয়া বুলিয়া তাহার বাটী বাইতে
মন নাই। তোমার চিন্তা নাই, আমি তাঁহাকে না লইয়া বাটী বাইব
মা। * * * * * ইতি।

কমলিনী।”

তখন ষোগেন্দ্র বুলিলেন বিনোদিনী তাঁহাকে নিয়ম যত পত্র লিখি-
য়াছিলেন, কিন্তু তিনি তাহা পান নাই; তিনিও বিনোদিনীকে যে
সকল পত্র লিখিয়াছেন, বিনোদিনীও তাহা পান নাই। কমলিনী ও
মাধীই তাহার কারণ। সুতরাং কমলিনী ও মাধী বাহা বলিয়াছে, সে
সমস্তই অলীক অথবা অবিধায়া। তখন আক্লাদ, হুঃখ, ভয়, ক্রোধ
শ্রুতি বৃষ্টি সমস্ত মিলিয়া ষোগেন্দ্রনাথের হৃদয়ে ভূমূল ঝটকা উত্থাপিত
করিল। তিনি পত্র সমস্ত হুঁরে নিষ্ক্ষেপ করিলেন। তাঁহার বদনের
তীব্র ভাব অনেক কমিয়া গেল। হরগোবিন্দ বাবু এই সকল ব্যাপার
অন্তরাল হইতে দেখিলেন। তিনি ধীরে ধীরে আবার ষোগেন্দ্র নাথের
সমীপে আসিতে লাগিলেন। ষোগেন্দ্র তাঁহাকে আসিতে দেখিয়া
বাস্ততা সহ তাঁহার নিকটস্থ হইলেন এবং বাগকের স্তায় সরল ভাবে
বলিলেন,—

“মাঠার মহাশয়—আপনি শিক্ষক, আপনি প্রধান সুলভ, আপনি
শ্রেণী, আপনি আমার পিতৃ-স্থানীয়। আমি জানি না, আমি বুলিতে
পারিতেছি না, আমার বিকল্পে কি বড়বড় হইয়াছে। আপনি আমার

পরামর্শ দিন । আমার সাধ্য নাই যে, আমি এই ব্যাপারের যত্নোত্তেজ করিতে পারি । আপনি আমাকে বুকাইয়া দিউন । আমার রক্ষা করুন ।”

হরগোবিন্দ বাবু যোগেন্দ্রনাথের হস্ত ধারণ করিয়া বলিলেন,—

“কি হইয়াছে ?”

তখন যোগেন্দ্রনাথ তাঁহাকে আমূল সমস্ত বৃত্তান্ত জানাইলেন । কলিকাতা গমন—বিনোদিনীর সংবাদ অভাবে দারুণ উদ্বেগ—পীড়া—কমলিনী ও মাধীর আগমন—হরগোবিন্দ ও বিনোদিনীকে রাজিকালে একত্র দর্শন—বিনোদিনীকে পদাঘাত—কমলিনীর প্রেমের কথা—অদ্য এই সমস্ত পত্র পাঠ, সমস্ত ব্যাপার যোগেন্দ্র বিনা সঙ্কোচে মাঠার মহাশয়ের গোচর করিলেন । সমস্ত শুনিয়া মাঠার মহাশয় বলিলেন,—

“যোগেন্দ্র ! তুমি নির্যাস নহ ; এখন আর কি বুঝিতে বাকি থাকিতে পারে ? মাধী চিরকাল বিনোদিনীর পত্র চাকে দিয়া থাকে এবং তোমার পত্র ডাক-ঘর হইতে আনিয়া বিনোদিনীর নিকটে দেয় । মাধী ও কমলিনী এক যোগ তাহা বুঝিতে পারিতেছ । সুতরাং তোমার পত্র কেন বিনোদ পায় নাই এবং বিনোদিনীর পত্র কেন তুমি পাও নাই তাহা সহজেই বুঝা যাইতেছে । কমলিনীর অদম্য কদম্ব্য স্পৃহাই সমস্ত অনিষ্টের মূল বলিয়া বুঝা যাইতেছে । তোমার চক্ষে বিনোদকে বিব করিয়া না তুলিলে অভীষ্ট-সিদ্ধির সম্ভাবনা নাই ভাবিয়া, সেই মাধীর সহিত চক্রান্ত করিয়া বিনোদের সহকে নানাবিধ স্থপিত সংবাদ রটনা করিয়াছে । বুঝিতেছ না যে, সে সমস্তই অলীক কথা । বিনোদ এখন তোমার সংবাদ না পাইয়া অধীরা, সেই সময় কমল তাহাকে কলিকাতা হইতে সংবাদ পাঠাইলেন যে, তোমার চরিত্র যক্ষ হইয়াছে । তুমি বুঝিতেছ, এ সংবাদে বিনোদিনীর কি ধস্রণা জন্মিল । এই সংবাদ ক্রমাগত নানারূপে আদিতে লাগিল । সে সকল লিখিবার এমনই ভদ্রী যে, তাহা

আর না বিশ্বাস করিয়া চলে না। তখন সেই ক্ষুদ্র বালিকা অনন্যোপায় হইয়া আমাকে সমস্ত জানাইল এবং আমার চরণ ধরিয়া কাঁদিতে লাগিল। এ সকল বিনোদিনীই আমাকে দিয়াছে। আমি কোন ক্রমেই পত্র সকলের সংবাদ সত্য বলিয়া বিশ্বাস করিতে পারিলাম না। যোগেন্দ্র, আমি তো তোমার ছায় বালক নহি যে, দুইটা প্রমাণ উপস্থিত করিয়া একটা কথা বলিলেই সম্ভব, অসম্ভব বিবেচনা না করিয়া একে বারেই তাহা বিশ্বাস করিব!”

যোগেন্দ্র বলিলেন,—

“আপনি আমার তিরস্কার করিতে পারেন, কিন্তু বেরূপে কমলিনী ও মাধী আমার সর্বনাশ করিয়াছে, তাহাতে বিশ্বাস না করা অসম্ভব।”

মাষ্টার মহাশয় বলিলেন,—

“তাহার পর আমি বিনোদিনিকে অনেক আশ্বাস দিলাম। বলিলাম, শীঘ্রই তাহাকে প্রকৃত সংবাদ আনিয়া দিব। সে আজি পোনের দিন হইল। বিনোদিনী কেবল আমার কথার ভরসাতেই বাঁচিয়া আছে নচেৎ তুমি তাহাকে এতদিন দেখিতেও পাইতে না। তাহার আহার নাই, নিদ্রা নাই, সে কেবল কাঁদিয়া দিন কাটাইতেছে।”

তখন যোগেন্দ্রের চক্ষু দিয়া জল পড়িতে লাগিল। মাষ্টার মহাশয় বলিতে লাগিলেন,—

“তাহার পর কল্যা তুমি বাটী আসিয়াছ কিন্তু তাহার সহিত সাক্ষাৎ কর নাই। ভাবিয়া দেখ যোগেন্দ্র, তাহাতে তাহার কি কষ্ট হইয়াছে। সে যখন দেখিল, রাত্রি দশটা বাজিল তথাপি তুমি তাহার নিকটে আসিলে না, তখন সে আমার ডাকিয়া পাঠাইল। তাহার সে মূর্তি, তাহার—সে রোদন পাষণকেও দ্রব করিতে পারে।”

বলিতে বলিতে মাষ্টার মহাশয়ের চক্ষু আর্জ হইয়া আসিল। যোগেন্দ্রের নেত্র দিয়া অনর্গল জল পড়িতে লাগিল। হরগোবিন্দ বাবু বলিতে লাগিলেন,—

“আমি তাহাকে অনেক ভরসা দিলাম। আজি প্রাতে তাহাকে সুসংবাদ দিব বলিয়া তাহার নিকট কথা দিয়া আসিয়াছি। সুসংবাদ আর কি দিব? চল যোগেন্দ্র, তোমাকে সঙ্গে করিয়া লইয়া যাই।”

তখন যোগেন্দ্র মাঠার মহাশয়ের চরণ ধারণ করিয়া বলিলেন,—

“আপনি আমার কমা করুন। আমি অত্যন্ত অন্যায় কার্য করিয়াছি। আপনি আমার যে উপকার করিয়াছেন তাহার প্রতিশোধ হইতে পারে না। আপনি আমার বিনোদকে এত দিন বাঁচাইয়া রাখিয়াছেন—নচেৎ বিনোদ এই কষ্ট সহিয়া কখনই এত দিন বাঁচিত না—।”

মাঠার মহাশয় যোগেন্দ্রের হাত ধরিয়া উঠাইলেন এবং বলিলেন,—

“তোমারই বা দোষ কি? তোমাকে যেমন যেমন ভাবে যে যে কথা বলিয়াছে তাহাতে কাহ্নেই তোমার মনে সন্দেহ হয়। যাহা হউক এখন আইস।”

যোগেন্দ্র বলিলেন,—

“চলুন। আমার মনে কিন্তু বড় আশঙ্কা হইতেছে। কল্যাণ আমি বিনোদের সহিত যার পর নাই দুর্ব্যবহার করিয়াছি, তাহাতে হতাশা ও অভিমানিনী বিনোদিনী নিশ্চয়ই অত্যন্ত কাতর হইয়াছেন। কি জানি অদৃষ্টে কি আছে।”

উভয়ে দ্রুত চলিতে লাগিলেন। বাইতে বাইতে যোগেন্দ্র বলিলেন,—

“মাঠার মহাশয়! আমি অন্যকার এই শুভদিন চিরস্মরণীয় করিবার জন্য পাঁচটি জলহীন স্থানে পাঁচটি সরোবর খনন করাইব—তাহার নাম রাখিব ‘বিনোদবাপী’; কলিকাতার মধ্যে সাধারণের ব্যবহারার্থ এক রম্য কানন সংস্থাপন করিব—তাহার নাম রাখিব ‘আনন্দ কানন’; এবং বর্ষে বর্ষে এই দিনে এই প্রদেশের দীনহীন দম্পতী সকলকে নিমন্ত্রণ করিয়া নব বস্ত্র পরিধান করাইয়া নানা উপচারে আহার করাইব

এবং সমস্ত দিন তাহাদিগকে আনন্দে নিমগ্ন রাখিব। সেই মহোৎসবের নাম রাখিব 'মিলন মহোৎসব।'

মাষ্টার মহাশয় মনে মনে বলিলেন,—

"এমন যোগেন্দ্রও কি কখন মন্দ হইতে পারে ?"

ষোড়শ পরিচ্ছেদ ।

বিষ না অমৃত ।

"—, her rash hand in evil hour

Forth reaching to the Fruit, she plucked she eat:"

—Paradise Lost.

সেই প্রত্যয়ে সন্তঃপুরের একটি প্রকোষ্ঠ মধ্যে আর এক প্রকার কার্য চলিতেছিল। বিনোদিনী সেই প্রত্যয়ে তাঁহার নির্দিষ্ট প্রকোষ্ঠে বসিয়া এক খানি পত্র লিখিতেছিলেন; এমন সময় তথায় মাধী আসিল। তাহাকে দেখিয়া বিনোদিনী পত্র লেখা বন্ধ করিলেন। ভাবিলেন, ভালই হইল, মাধীর দ্বারাই কার্যোদ্ধার করিতে হইবে। ভিজ্ঞাসিলেন,—

"মাধী যে এত ভোরে ?"

মাধী বলিল,—

"ভোরে না আসিলে সব কাজ হয় কই? তুমি কি ঘুমাও নাই? ও কি, ভোয়ারে তোমার অত ভাল কেন ?"

বিনোদিনী বলিলেন,—

“তুমি কি আছে ?”

তখন মাধী বলিল,—

“এখন দেখিলে দিদি, আমিতো আগেই বলেছিলাম যে, জামাই বাবু এবার আর এক বিনোদিনী ঘুটাইয়াছেন। কালালের কথা বাসি হলে মিষ্ট লাগে।”

বিনোদিনী একটু বিষণ্ণ হাসির সহিত বলিলেন,—

“তা বেশ তো।”

“কিন্তু তুমি বাই বলো দিদি, স্বামীর সোহাগ ছাড়া হওয়ার চেয়ে মেরে মাহুবের আর অধিক দুঃখ কিছুই নাই। তোমাকে দিক্কেই তার সাক্ষী দেখা যাচ্ছে। যারা সারাদিন দেখছে তারা ছাড়া আর কার সাধ্য এখন তোমাকে চিন্তে পারে! ও সোজা কথা কি গা? বলো কি? আহা! এই দুঃখেই যার চাটুষ্যদের মেজো বউটা বিষ খেয়ে মলো। আহা! সোণার প্রতিমা! বয়স কি? এই তোমার বয়স। কেন তুমি তো তাকে দেখেছ?”

“হ্যাঁ শুনেছি বটে—বিষ খেয়ে মলো, অ্যা? ”

হ্যাঁ—কাকেও বলা নেই, কথা নেই—বিষ এনে খেয়ে বসে আছে। তার পর যখন পড়ে গেলো তখন সব লোকে জানিতে পারিল। তখন আর হাত কি? তা সে বলে কেন, কত জন এমনি করে আত্মহত্যা করেছে।”

বিনোদিনী ভাবিলেন, তাঁহার উদ্দেশ্যের অমূলক কথাটাই উঠিয়াছে। আর অভিসন্ধি গোপন করিয়া বলিলেন,—

“তাদের কিন্তু ধন্য সাহস। স্বামী না হয় মন্দই হলো, তা যেরে কি হবে?”

মাধী মনে মনে বলিল,—‘তা বটেই তো? তুমিতো দুখের মেরে, তুমি এত চালাক!’ মাধী মনে মনে জানিত যে, স্বামি-প্রেমের মহিমা

যদি কেহ বুকে, সে বিনোদিনী। তদভাবে বিনোদিনী যে এক দিনও
বাঁচতে পারেন না তাহাও সে বুঝিত। প্রকাশ্যে বলিল,—

“কে জানে ভাই!”

বিনোদিনী বিস্মিতের ন্যায় বলিলেন,—

“আচ্ছা, তারা এ সব বিষ টিন্ পায় কোথা? সৰ্কনাশ!”

মাধী মনে ভাবিল, ‘আর কতক্ষণ চাতুরী! বিষ মাধী দিতে পারে।’

প্রকাশ্যে বলিল,—

“তা আমি কেমন করিয়া বলিব? শুনেছি চাঁড়াল বাড়ী পরস্য দিলে
পাওয়া যায়।”

“চাঁড়ালদের তো ভারি অন্যায়া। বিস বেচা নিষেধ। ধানার
শোক জানিতে পারিলে তাহাদের খুব সাজা দিয়ে দেয়।”

মাধী হাসিয়া বলিল,—

“তাদের কি ভয় নাই দিদি? লোকে জানিতে না পারে এমনি
সাবধান হয়ে তারা কাজ করে।”

বিনোদিনী বলিলেন,—

“যার হাত দিয়া লোক বিষ আনার সে ক্রমে গল্প করে ও কথা
প্রকাশ করে দিতে পারে।”

“যারা বিষ আনায়, তারা তেমনি লোকের হাতেই আনায়।”

“আমাদের যেমন মাধী।”

মাধী বলিল,—

“আমি তেমনি বিশ্বাসী বটি, কিন্তু ও রকম কাজে যেন আমার
খাঙ্কিতে না হয়।”

“কিন্তু মাধি, আমার একটু বিষ রাখিতে ইচ্ছা আছে।”

“ছিঃ! ওকি রাখিতে আছে?—না।”

“রাখিলে একটু উপকার হতে পারে। একদিন না একদিন তিনি
আমার সঙ্গে দেখা করিবেনই করিবেন। আমি তাঁহাকে সেই বিষ

দখাইয়া বলিব যে, তুমি যদি আর এমন করিয়া আমাকে জালাও তাহা হিলে আমি বিষ খাইয়া মরিব । তিনি হাজার মন হউন, আমি জানি তিনি বড় ভীত লোক । মনে ইচ্ছা থাকিলেও তিনি এই ভয়ে মন ধতাব ছেড়ে দিবেন ।”

মাধী খানিকটা ভাবিয়া বলিল,—

“পরামর্শ করেছ ভাল ; কিন্তু ও জিনিস রাখিতে নাই । কি জানি মন না মতি ।”

“তুই কি পাগল ? আমি ভেমন লোক নই । মাধি, তুই মনে করিলে আমায় একটু বিষ এনে দিতে পারিস ।”

“না ভাই, সে আমার কৰ্ম নয় ।”

“তোমার কোন ভয় নাই ; আমি তোকে দশ খানা সোণার গহনা দিব । এমন সুযোগ কি ছাড়িতে আছে ?”

“তা বটে । কিন্তু আমি গরিব মানুষ ।”

বিনোদিনী বলিলেন,—

“মাধি, ওজর করিস না । এমন সহুপায় আর কিছুই নাই । একটু বিষ আমার হস্তগত হলে আমার সকল দুঃখই দূর হয় । এমন কাজে ওজর করা, মাধি, তোমার কি উচিত ?”

“তোমার জন্য দিদি আমি সব করিতে পারি । তুমি বেরূপ বলছো তাতে জলে ডুবতে বলিলেও আমাকে ডুবতে হয় । তা—আমি নাকি—”

বিনোদিনী বাধা দিয়া বলিলেন,—

“তুই যা—তুই—যা—।”

এই বলিয়া বিনোদিনী মাধীর হস্তে একটি টাকা গুঁজিয়া দিলেন । মাধী “তা—দেখি—তা” বলিয়া চলিয়া গেল । তখন বিনোদিনী সজল নয়নে করযোড় করিয়া কহিলেন,—

“হে করুণাময় ! মাধী মেন নিফল হইয়া না আইসে । এ অগতে

—মক্ষ ভাগিনীর সমস্ত শান্তি বিধেই আছে । দয়াময় সে শান্তিতে
যেন বঞ্চিত না হই—”

বিষ আনিতে মাধীর চাঁড়াল বাটীতেও যাইতে হয় নাই, কোন
চেষ্টাও করিতে হয় নাই । সে এ দিক ও দিক খানিকটা ঘুরিয়া আধ
ঘণ্টা পরে আসিল । তাহাকে দেখিয়া বিনোদিনী সমুৎসাহে তাহার
নিকটস্থ হইয়া জিজ্ঞাসিলেন,—

“কই মাধি কই ?

তখন মাধী চারি দিকে চাহিয়া ধীরে ধীরে কাপড়ের মধ্যে হইতে
একটা কলার পাত মণ্ডিত মৃৎপাত্র বিনোদিনীর হস্তে দিয়া কহিল,—

“কত কষ্টে যে এনেছি, তা আর কি বলবো ? তোমার জন্য বলেই
এত করেছি ; তা না হলে কি এমন কাজ করি ? কিন্তু দেখো দিদি—
সাবধান, যেন আমার মজিও না ।”

বিনোদিনী অতুল সম্পত্তি ভাবিয়া সেই পাত্র হস্তে লইলেন এবং
বলিলেন,—

“ভয় কি ? ভুই কি পাগল ?”

তাহার পর রান্ন খুলিয়া তাহার মধ্যে স্ততি বসে সেই বিষ-পাত্র
স্থাপিত করিলেন এবং সাবধানতা সহ বাসের চাবি বন্ধ করিয়া
যত্নে সেই চাবি বন্ধাঞ্জে রাখিলেন ।

তখন মাধী বলিল,—

“কাকেও কি দেয় ? যে কষ্ট করে এনেছি তা আর কি
বল্বেবা ?”

বিনোদিনী হাসিতে হাসিতে বলিলেন,—

“মাধি, বন্ধ করিলেই রক্ত মিলে ।”

এই বলিয়া বিনোদিনী আপনার অলঙ্কারের বাস আনিলেন
এবং তাহার চাবী খুলিয়া বলিলেন,—

“মাধি, কি লইবি ?”

মাধী সেই সমস্ত উজ্জল অলঙ্কারের শোভা দেখিয়া লোভে অস্থির হইল । বলিল,—

“কি লইব ?”

“যাহা ইচ্ছা ”

এই বলিয়া বিনোদিনী মাধীর সম্মুখে সেই বাস্তু খুলিয়া ধরিলেন । তখন মাধীর ইচ্ছা যে, সে কাঁচটা সমেত সব লয়, কিন্তু লইয়া যায় কেমন করিয়া ? ছোট দিদি এক কাঁচ গহনা দিয়াছেন বলিলে কেহ তো বিশ্বাস করিবে না । অতএব যাহা লুকাইয়া চলে তাহাই লওয়া ভাল ভাবিয়া, মাধী বাছিয়া বাছিয়া কতক শুনি অলঙ্কার লইল । এক এক বার বিনোদিনীর মুখের প্রতি চাহিতে লাগিল । ভাবিল, তিনি বুঝি বিরক্ত হইতেছেন । বিনোদিনী বলিলেন,—

“আরও লও না !”

মাধী বলিল,—

“না দিদি । আমি গরিব মানুষ, আমার আর কেন ?”

তখন মাধী প্রায় দেড় সহস্র টাকার অলঙ্কার আত্মসাৎ করিয়াছে । কিন্তু লোভ এখনও সম্পূর্ণ প্রবল, লওয়াও অসম্ভব । দীর্ঘ নিশ্বাস সহ বলিল,—

“আর না—আমার কোন পুরুষে এত সোণা দেখে নাই !”

মাধী হাত তুলিল । বাস্তুটার প্রতি একবার সতৃষ্ণ নয়নে চাহিল । এক পদ পিছাইয়া গেল । চারি দিকে একবার সতরে চাহিয়া দেখিল । তাহার পর বলিল,—

“তবে এখন আসি দিদি ? বিষটুকু সাবধানে রেখো । খুব সাবধান !”

বিনোদিনী বলিলেন,—

“তার আর বস্তুতে ? খুব বড়ে রাখিব ।”

মাধী চলিয়া গেল । সে জানিত, তাহার বিষ কি কাজে

লাগিবে। সে যাহা ভাবিয়া প্রত্যয়ে বিনোদিনীর ঘরে আসিয়াছিল, তাহাতে তাহার ভয় হইল। যুত দূর তাহাকে দেখা যায়, তত দূর তাহাকে বিনোদিনী নয়ন দ্বারা অনুসরণ করিলেন। সে অদৃশ্য হইলে বলিলেন,—

“মাধী যে উপকার করিল অলঙ্কারে তাহার কি প্রতিশোধ হয় ?”

তখন বিনোদিনী বাস্তু খুলিয়া সেই বিষ-পাত্র বাহির করিলেন, ভূতলে জাহ্নু পাতিয়া বসিলেন এবং বিষপাত্র হস্তে উর্দ্ধদৃষ্টি করিয়া বলিলেন,—

“জগদীশ! এ ক্ষুদ্র প্রাণ আমি স্বেচ্ছায় নিবাহিতেছি—ইহাতে কাহারও দোষ নাই। দয়াময়! তোমার দয়ার সীমা নাই। তুমি মানব জীবন যেমন অনন্ত যাতনায় ডুবাইয়াছ—তেমনি যখন ইচ্ছা তখনই শেষ করিবার উপায়ও মনুষ্যের হস্তেই দিয়াছ। তবে কেন মানব বহুগার সময় এই সর্ক-সস্তাপ-নাশক মহৌষধি সেবন করিবে না? যোগেন্দ্র! হৃঃখিনীর হৃদয়-রত্ন! তুমি কি ভাবিয়াছ, আমি তোমাতে বঞ্চিত হইয়াও জীবন ধারণ করিতে পারি? মল্ল স্বর্ষ্য নিবিয়া যাউক, পৃথিবী কক্ষ-ভ্রষ্ট হউক, মহাসমুদ্র অসি জনস্থান অধিকার করুক, তথাপি হয়ত এ প্রাণ থাকিবে! কিন্তু তোমার অদর্শনেও কি বিনোদিনী বাঁচিয়া থাকিবে? কি দায়? কেন?”

তাহার পর সেই কুন্দ-কুম্মাগ্নী নবীনা বাল্য অমৃতের ঞ্চায় সমাদরে সেই পাত্রস্থ বিষ গলাধঃ করিলেন!!! সমস্ত পান করিয়া ভাবিলেন,—“কতটুকু বিষ খাইলে মানুষ মরে, তাহাতে জানি না—” তখন আবার গললগ্নীকৃতবাসা হইয়া করযোড়ে কহিলেন,—“কৃপাময় জগদীশ, এই কর যেন অভাগিনীর উদরে গিয়া বিবেরও বিষ না যায়।”

সপ্তদশ পুরিচ্ছেদ ।

চক্রীর পরিণাম ।

"Deservedly thou griv'st, compos'd of lies
From the beginning, and in lies wilt end :"
—— *Paradise Regained.*

যখন হরগোবিন্দ বাবু ও যোগেন্দ্রনাথ খিড়কী দ্বার দিয়া বাটীর মধ্যে প্রবেশ করিতেছিলেন, তখন সেই দ্বার দিয়া মাধী বাহিরে আসিতেছিল। এ জগতে পাপের ভার বৃদ্ধি করিতেই মাধীর স্তায় জীবের জন্ম। যদিও পাপ মাত্রই তাহার অভ্যন্তর বিদ্যা, তথাপি সে এখনই যে কার্য করিয়া আসিতেছে, তাহা পাপের পরাকাষ্ঠা। পাপে পাপে যদিও তাহার হৃদয় পাষাণবৎ হইয়া গিয়াছে, তথাপি যে পরের সুখ ও ইষ্টসিদ্ধির নিমিত্ত স্বহস্তে জানিয়া শুনিয়া অপর এক জনের জন্ম বিষ জানিয়া দিতে পারে, সে না পারে কি? মাধী এখনই বিনোদিনীর নিমিত্ত বিষ সংগ্রহ করিয়া তাহার প্রদত্ত অলঙ্কার গুলি সাবধানে ঢাকিয়া লইয়া বাটী বাইতেছে। সেই জন্মই তাহার মনটা একটু আশঙ্কিত হইয়াছে। তাহার গতি সেই জন্মই অনিয়মিত, বদন সেই জন্মই বিমর্ষ, দৃষ্টি সেই জন্মই সঙ্কুচিত, সর্কাবয়বের সেই জন্মই ভীত ভাব। তাহাকে দর্শন মাত্র যোগেন্দ্রনাথের ক্রোধ নবীন ভাবে জলিয়া উঠিল। তিনি তাহার নিকটস্থ হইয়া বলিলেন,—

“মাধি, তোর মৃত্যু নিকট।”

মাধী চমকিয়া উঠিল । কোন উত্তর করিল না । যোগেন্দ্র বলিলেন,—

“তুই জানিস্ তুই কি সর্কনাশ করিয়াছিস্ !”

মাধী ভাবিল, কি সর্কনাশ ! তবেতো জানিয়াছে ! সাহসে ভর করিয়া বলিল,—

“আমি কি করিয়াছি ?”

যোগেন্দ্র অত্যন্ত ক্রুদ্ধ স্বরে বলিলেন,—

আমি কি করিয়াছি ? মিথ্যাবাদিনি, সর্কনাশিনি, তুমি কি করিয়াছ ? তুমি কি করিয়াছ তাহা তোমায় দেখাইতেছি ! তুমি স্বীলোক বলিয়া তোমায় কমা করিব না ।”

মাধী ভয়ে অবসন্ন হইল । বুকিল, সমস্তইতো জানিয়াছে । যখন জানিয়াছে তখন সবই করিতে পারে । চাপটা একটু পাতলাইয়া দিবার আশার বলিল,—

“আমার কি দোষ ? আমি কি জানি ?”

তখন যোগেন্দ্র বলিলেন,—

“তোমার মিথ্যা কথাই আদি নাই, অস্ত নাই । তুই কিছু জানিস্ না ? বিনোদ আমাকে যে সকল পত্র লিখিয়াছিলেন, সে সকল আমি পাই নাই কেন, তুই জানিস্ না ? আমি যে সকল পত্র লিখিয়াছি তাহা বিনোদ পান নাই কেন, তুই জানিস্ না ? তুই জানিস্ কি না তাহা যখন তোমার হাড় গুঁড়া করিয়া বুঝাইয়া দিব, তখন কুঁকিতে পারিবি ।”

মাধী আর রুদ্ধকণ্ঠে বলিল,—

“আমি কি ইচ্ছায় করিয়াছি ? বড় দিদি—”

যোগেন্দ্র আরও ক্রোধের সহিত বলিলেন,—

“আমার মিথ্যা কথা ? আমার মিথ্যা কথা ? এত দৃষ্ট বুদ্ধি তোমার বড় দিদির নাই । আমি তোমার সর্কনাশ করিব তবে হাড়িব ।”

তখন মাধী কাঁদিয়া ফেলিল ; কাঁদিতে কাঁদিতে বলিল,—

“আমি তখনই জানি, কারও কিছু হবে না ; মারা যেতে আমি
পরিব মারা যাব।”

যোগেন্দ্র বলিলেন,—

“তোমার মত ভয়ানক লোক এ পৃথিবীতে আর কোথাও নাই।
তুই—তুই আমাকে নিজ মুখে বলিয়াছিস্ বিনোদিনী অসতী, আর
এই মাঠার মহাশয় তাঁহার প্রাণবল্লভ। তোর ঐ মুখ আমি ধও ধও
করিব ; তোকে কুকুর দিয়া খাওয়াইব।”

তখন হরগোবিন্দ বাবু বলিলেন,—

“মাধি ! জগতে এমন কোন শাস্তি নাই যাহা তোর উপযুক্ত।”

তখন মাধী দেখিল, তাহার সর্কনাশ উপস্থিত বটে ; সকল কথা-
ইতো উহারা জানিয়াছে। এমন কোন উপায় তখন মাধীর মনে
আসিল না, যাহাতে তাহার নিষ্কৃতি হয়। তাহার হিতাহিত
বুদ্ধির লোপ হইল। বলিল,—

“সকলই সত্য, কিন্তু সকলই বড় দিদির জন্ত। তোমরা আমার
কমা কর—আমার কোন দোষ নাই। বড় দিদি আমাই বাবুর জন্ত
পাগল, আমি কি করিব ?”

এই বলিয়া মাধী কাঁদিতে কাঁদিতে মাঠার মহাশয়ের
চরণে পড়িল। কাপড়ের মধ্যে যে সকল গহনা ছিল, তাহার
কথা মাধীর মনে হইল না। গহনা গুলা বাহির হইয়া পড়িল।
যোগেন্দ্র দেখিয়াই বুকিতে পারিলেন, এ সকল বিনোদিনীর। ব্যস্ততা
সহ জিজ্ঞাসিলেন,—

“এ আবার কি মাধী ? এ আবার কি সর্কনাশের কল ?”

তখন মাধী বুকিল, তাহার কপাল একেবারেই পুড়িয়াছে।
অলঙ্কার আমার হাতে কেন আসিল সন্ধান করিলেই জানিবে ছোট
দিদি দিয়াছেন, ছোট দিদি কেন দিলেন খোঁজ করিলেই জানিতে

পারিবে, আমি তাঁহাকে বিষ আনিয়া দিয়াছি, তখন মাষ্টার মহাশয়ের পা ছাড়িয়া দিয়া উঠিল এবং বলিল,—

“আমার পাপের সীমা নাই। আমার কপাল পুড়িয়াছে। তোমরা আমার যা খুসি কর।”

এই সময়ে বাটার মধ্যে একটা ভূমূল কন্দন-ধ্বনি উঠিল। সেই গোল শুনিয়া হরগোবিন্দ বাবু ও যোগেন্দ্রনাথ বেগে বাটার মধ্যে প্রবেশ করিলেন। মাধী অলঙ্কারগুলি সেই স্থানে ফেলিয়া চলিয়া গেল। সেই দিন সন্ধ্যাকালে প্রতিবাদীরা দেখিল মাধীর মৃতদেহ রায়েদের পুষ্করিণীর জলে ভাসিতেছে।



অষ্টাদশ পরিচ্ছেদ ।

অপূর্ব মিলন ।

“—I with thee have fix't my lot,
Certain to undergo like doom : if death
Consort with thee, death is to me as life;
So forcible within my heart I feel
The bond of nature draw me to my own,
My own in thee, for what thou art is mine ;
Our state cannot be sever'd : we are one,
One flesh ; to lose thee were to lose myself.”

—Paradise Lost.

মাষ্টার মহাশয় ও যোগেন্দ্র বাবু বাটীর মধ্যে প্রবেশিয়া দেখিলেন,
বিনোদিনীর প্রকোষ্ঠ হইতে অতি ভীষণ ক্রন্দন-ধ্বনি উঠিতেছে।
মাষ্টার মহাশয় সমস্তে বলিলেন,—

“কি সর্বনাশ !”

যোগেন্দ্র বলিলেন,—

“বিনোদ বুঝি আমার কাঁকি দিয়া পলাইতেছেন ? নির্যোধ !
কোথায় যাইবে ?”

ভাঁহার। সংজ্ঞা-শূন্যের স্থায় বিনোদিনীর প্রকোষ্ঠে প্রবেশ করি-
লেন। দেখিলেন—কি সর্বনাশ ! বিনোদিনী ভূমধ্যায় শয়ানা।
ভাঁহাকে বেষ্টন করিয়া ভাঁহার মাতা ও পূর্বনারীগণ আর্তনাদ করি-
তেছেন। ভাঁহার। তথায় প্রবেশ করায় সেই ক্রন্দন-ধ্বনি শতগুণে
বর্ধিত হইল। বিনোদিনীর মাতা আছড়াইয়া পড়িয়া বলিলেন,—

“যোগিন্! বাবা! বিনী আমার বিষ খাইয়াছে।”

তখন যোগেশ্বরের চক্ষে জল বিন্দুও নাই। তাঁহার মূর্তি চৈতন্যহীন মনুষ্যের স্থায় বিকল। তাঁহার নেত্র স্থির, উজ্জল ও আয়ত। যোগেশ্বরের নাম বিনোদিনীর কণ্ঠে প্রবেশ করিল। বিনোদিনী গৃহের চতুর্দিকে একবার ফিরিয়া চাহিলেন। তখন যোগেশ্বরনাথ যজ্ঞচালিত পুস্তলীর স্থায় ধীরে ধীরে গিয়া বিনোদিনীর শিয়রে বসিলেন। তখন বিনোদিনীর সেই মুকুলিত নেত্রের সহিত যোগেশ্বরনাথের সেই স্থির নেত্রের মিলন হইল। তখন বিনোদিনী হস্তদ্বয় বিস্তার করিয়া যোগেশ্বরের পদদ্বয় ধারণ করিলেন। তখন সেই মৃত্যুস্পীড়িত বদনে হাস্যের জ্যোতিঃ দেখা দিল!!!

মাষ্টার মহাশয় বিনোদিনীর মাতার হস্ত ধারণ করিয়া বাহিরে আনিলেন এবং পুরনারীগণকে বাহিরে আদিত্তে বলিলেন। সকলকেই গোল করিতে বারণ করিলেন।

তখন বিনোদিনী বলিলেন,—

“আমাকে ক্ষমা কর।”

যোগেশ্বরনাথ বলিলেন,—

“পাগলিনি! এ দুর্ঘটি কেন? আমাকে কেহিয়া যাইবার ঘো আছে?”

বিনোদিনী নয়ন মুদ্রিয়া বলিলেন,—

“ছিঃ! তোমরা বড় প্রভারক।”

তখন যোগেশ্বর বলিলেন,

“না; তোমার যোগেশ্বর প্রভারক নহে।”

এই সমস্ত বলিয়া যোগেশ্বরনাথ সমস্ত ঘটনা অতি সংক্ষেপে বুঝা ইয়া দিলেন। সমস্ত শুনিয়া বিনোদিনীর চক্ষে জল পড়িতে লাগিল। যোগেশ্বর বলিলেন,—

“কাদিতেছ কেন?”

বিনোদিনী কাঁদিতে কাঁদিতে বলিলেন,—

“এক ঘণ্টা আগে কেহ যদি আমাকে এই কথা এমনি করিয়া বলিত, তাহা হইলে আমার এ রত্ন ছাড়িতে হইত না। কিন্তু এখন তো আর বাঁচিবার উপায় নাই।”

“ছাড়িবে কেন বিনোদ ? যদি তোমার আর বাঁচিবার উপায় না থাকে, আমারও তো মরিবার উপায় আছে।”

তখন বিনোদ সজল নয়নে যোগেন্দ্রের হস্ত ধরেণ করিয়া কহিলেন,—

“ছিঃ! তাহা মনেও করিও না। তুমি বাঁচিয়া থাকিলে সংসারের অনেক উপকার।”

যোগেন্দ্র বলিলেন,—

“তাহাতে আমার কি ?”

তখন বিনোদিনী বলিলেন,—

“যোগেন্দ্র! আর তো আমার বিলম্ব নাই। আমার যোগিন্ আমারই আছেন জানিয়া মরণ এখন বড় সুখের বটে, কিন্তু আগে যদি আমি ইহা একটুও বুঝিতে পারিতাম তাহা হইলে যোগিন্! আমি মরিবার কথা একবার মনেও করিতাম না। জগদীশ্বর!”—

সুন্দরী অনেকক্ষণ চুপ করিয়া রহিলেন। পরে আবার কাঁদিতে কাঁদিতে কহিলেন,—

“আমার এখন কথা কহিতে বড় কষ্ট হইতেছে। আমার যোগেন্দ্রের সহিত আমি আর কথা কহিতে পারিব না।—ওঃ! যোগেন্দ্র!”

তখন যোগেন্দ্রনাথ বিনোদিনীর মস্তক আপন উরুর উপর স্থাপন করাইলেন এবং তাঁহার শীতল ওষ্ঠ চুষন করিয়া কহিলেন,—

“হুঃখ কি ? জীবন কতক্ষণের ? এবার যে জীবনে প্রবেশ করিতেছ তাহার শেষ নাই। সংসার দেখিলে তো—ইহা পাপের পুরী। এখানে আশ্রয় নাই, পর নাই, কেবল স্বার্থই লক্ষ্য। এবার যে রাজ্যে যাইব তথায় হিংসা নাই, শত্রুতা নাই। তবে ভয় কি ?”

তখন বিনোদিনী উর্ধ্বে দৃষ্টিপাত করিয়া কহিলেন,—

“পরমেশ্বর ! বাহাদের জন্ত আমাদের এই বিচ্ছেদ তাহাদের যেন
এজন্ত পাপ না স্পর্শে ।”

বিনোদিনী চুপ করিলেন । তিনি যোগেন্দ্রের মুখের প্রতি চাহিয়া
রহিলেন । তাঁহার নেত্র দিয়া জল পড়িয়া যোগেন্দ্রের উরু ভাসাইতে
লাগিল । যোগেন্দ্রের চক্ষে এখনও জল নাই । সেই বিনোদিনী—
তাঁহার সেই বিনোদিনী তাঁহার কোড়ে পড়িয়া কাঁদিতেছেন, মৃত্যু
আসিয়া সেই নবীনার নবীন জীবন প্রায় অধিকার করিয়াছে, যোগেন্দ্র
নাথ সমস্তই দেখিতেছেন, সমস্তই বুঝিতেছেন, কিন্তু কাঁদিতেছেন না,
বা কাতরতা প্রকাশ করিতেছেন না । কিন্তু ওঃ ! তাঁহার মূর্ত্তি কি
ভয়ানক ! ! ! তাঁহাকে দেখিলে ভয় হয়, বোধ হয় যেন প্রাণহীন দেহে
বসিয়া আছে ! তাঁহার নেত্র শবের স্থায় শ্বেত অথচ নিশ্চিত, তাঁহার
বদন শবের স্থায় বিগুণ ও কাতর এবং তাঁহার অঙ্গাদি যেন শবের
স্থায় কঠিন ও অবশ !

যোগেন্দ্র দেখিতেছিলেন, বিনোদিনীর জীবলীলা অবসান হইতে
আব বিলম্ব নাই । বিনোদিনী একবার কথা কহিতে চেষ্টা করিলেন
কিন্তু ভাল করিয়া কথা মুখ দিয়া বাহিরিল না । তখন তিনি স্বীয়
শক্তিশূন্য হস্ত ধীরে ধীরে উঠাইলেন । সেই হস্ত যোগেন্দ্রের কণ্ঠে
পড়িল । তখন যোগেন্দ্র হস্ত দ্বারা বিনোদিনীকে বেঁটন করিয়া তাঁহার
বকের উপর পড়িয়া গেলেন । তখন বিনোদিনীর বদনে মৃত্যু-চিহ্ন
সকল ক্রমশঃ প্রকাশিত হইতে লাগিল । ধীরে ধীরে বদন দিয়া একটা
অক্ষুণ্ণ বাক্য বাহিরিল । সে বাক্য,—

“সো—গি—”

এ জগতে সেই পতি-গত-প্রাণা, সাক্ষী বিনোদিনী আর কথা
কহিতে পাইল না !

মৃত্যুর বক্ষস্থলস্থ ব্যক্তি একবার মাত্র স্বীয় হস্তক আন্দোলন করিয়া

একটা কথা বলিতে প্রবৃত্ত করিলেন কিন্তু কথা বাহিরিক না । একটি অপরিফুট ধ্বনি মাত্র বৃথা গেল ।

এ অগতে আর সেই নিকলঙ্ক দেহে সংজ্ঞা আসিল না ।

অচিরে হরগোবিন্দ বাবু সেই প্রকোষ্ঠে প্রবেশ করিলেন । দেখিলেন—কি ? দেখিলেন—তুই তুই প্রেমময় পক্ষী পলাইয়া গিয়াছে ! তাহাদের সেই নবীন দেহ-পিঞ্জর মাত্র পড়িয়া রহিয়াছে ! সংসাবেক প্রবল কাটকার সেই তুইটী সুকুমার কুমুম বৃন্তচাত হইয়া শুকাইয়া গিয়াছে ! তখন হরগোবিন্দ বাবু সেই তুই প্রেমপুস্তলীর সমীপে বসিয়া নীরবে রোদন করিতে লাগিলেন ।

কণেক পরে তথায় আনুলারিত-কুন্তলা কমলিনী উন্মাদিনীর ন্যায় বেগে প্রবেশ করিল । কিয়ৎকাল এক পার্শ্বে দাঁড়াইয়া সেই কালাবুধী আপনার কীর্ত্তি দেখিল । সহসা উচ্চরবে হাস্ত করিয়া করতালি দিতে দিতে কহিল,—

“বেশ ! বেশ ! বেশ !”

তাহার পর ? তাহার পর রায়েদের এই সোনার সংসার ছাই হইয়া গেল ।

ইতি সমাপ্ত ।



